





Ex Bibliotheca
majori Coll. Rom.
Societ. Jesu

30.4.7.

30

C

I

13-10-B-12





NICOLAI VIGE,
LII IVRISCON-
SVLTI



METHO-
DVS DVPLEX
duorum commentariorum
seu librorum Andreæ Tira-
quelli de utroq; Retractu, mu-
nicipali & conven-
tionali.



ACCESSIT PRAEFATIO
*apologetica, necnon Dialogus de Roma-
na Iurisprudentia recuperanda, et ora-
tio de summo bono, eiusdem*



Authoris
Legato M. Cocchini

Cum Cæs. Maiest. & Regis Galliarum
gratia & priuilegio.

BASILEAE, TYPIS
Oporinianis, 1586.



AD ILLVSTRIS-
SIMOS PRINCIPES AC
Dominos, Dominū GVLIELMVM
& Dominum LVDOVICVM, fra-
tres, Landtgrauios Hassiæ, Comites
in Catzenelnbogen, Dietz, Zigen-
hain & Nida, Dominos suos
clementissimos,

NICOLAI VIGELII
*Iurisconsulti Prefatio
Apologetica,*



IL TENIVS qui-
dam, Illustrissimi
atq; Clementissi-
mi Principes, an-
te annos cētū (re-
ferente Philippo
Melāchtone ~~pau-~~
~~memoria~~) prædi-
xit, anno millesi-
mo sexcentesimo Turcas per Germaniā
& Italiam regnāturos esse. Quod ipsius
uaticinium probabile reddunt tum Tur-
carū medio tempore res gestæ, tum tur-
bulentus

bulentus occidentalium regnorum status, tum deniq; summa in ijs & iuris & religionis incertitudo. Causam tantorū malorum ac mutationum nemo intelligit, quæ sit admirantur omnes, eaq; sub aspectu latet. Iuuetutis institutio ad Rerum publicarum & incrementum & interitum magnam uim habet. Vnde Aristoteles lib.8. Politicorum, in prin. censet, Adolescentū disciplinæ atq; educationi ab ijs qui Rebus publicis præsumt, inprimis esse consulendum. Cum enim Scholæ Rerum publicarum sint seminaria, ex quibus uiri prudentia & iusticia excellentes ad Rempublicam prodire debebāt: sequitur, Scholis corruptis, corruptū quoq; Reipublicę statum inde effici. siquidē ex semine malo fructus boni produci non possunt. Cum duplex sit differendi ratio, quarū una in inueniendō, altera in iudicandō cōsistit, priorē illam Acadēmici quondā philosophi, posteriorē Stoici potissimū sunt amplexi. Nam Academici inuentione, Stoici contrā iudicio excelluerunt. Hinc Academica philosophia Eloquentiam peperit, quæ de quacunq; re in utranq; partē probabi-

probabiliter differit, & iudicium suspendit. Contrà Stoica philosophia peperit Iurisprudentiam, quæ de inuentis atque propositis rectè iudicat. Eloquentia lites mouet, omniaq; suo acumine facit incerta: Iurisprudentia motas lites iusto iudicio definit, & ex incertis certos dimittit, ne temerè res tractet turbidas, ut Ennius scribit. Illa turbas ac seditiones in Rebus publicis excitat: hæc ius fidemq; in moribus hominum cōseruat, statumq; Reipublicæ tranquillum constituit. Ex quibus manifestum est, aliud atq; aliud Reipublicæ statum existere, si uel Academica, uel Stoica philosophia iuuentus in scholis imbuatur. Vtriusque exempla ex ueteribus historijs adduci possent: sed res Turcicæ & Christianorū satis abundè exemplorum nobis suppeditant, ut ueterum exemplorum non egeamus. Quondam enim Saraceni, orientis populi, animaduertentes oratorum contentiones plus habere subtilitatis quàm utilitatis, eorumq; perpetuis dissidijs omnia turbari, è scholis suis Eloquentiæ & Academicæ philosophiæ studium expulserunt, & pro eo Iurisprudentiæ Stoi-

cæq; philosophiæ studiū fouerunt, certo iure in medio constituto, secundum quod iuuentus causas & controuerfias hominum certò ac constanter dijudicare addisceret magis, quàm perorando ac disputando omnia litibus misceret. Quà rationē secuti Turcæ, ad hunc usq; diem oratores uilipendunt, Iurisconsultos contrà in magno habent precio. Vnde Imperium habent florentissimū, quod omnibus alijs Imperijs ac regnis est terrore. Contrà uerò in Scholis Christianorum Academica philosophia floret, Stoica explosa. Hinc Eloquentiæ multum, at parum prudentiæ ad Respublicas è scholis Christianorū suppullulat. Nā (ut primū de prudentia dicā) cū in omnibus iudicijs excipi, replicari, duplicari, triplicari soleat: nemo tamen, quæ cuiusq; iuris sint exceptiones, replicationes, uel duplicationes, in scholis uel legit, uel audiuit unquā: cumq; Iurisprudentia in iudicando magis quàm in perorando ac disputando consistat, nemo est qui uel prima iudicādi principia intelligat: cūq; litis contestatio omnium confessione iudiciorum sit fundamentū, nemo est qui,
quid

quid litis contestatio sit, uel quomodo
lis sit contestanda, sciat: aded ab ipso iu-
diciorum fundamento erratur. Vnde nō
mirum, decem uel uiginti annis in una
causa procedi, quæ uel uno mense, imò
interdū uel primo die expediri posset.
Ars enim facilitatem, non difficultatem
parit. Hinc non mirum, litibus omnia
compleri tribunalia, odia inter homines
exacerbari, & publicam pacem dissolui.
Sed hæc exigua sunt præ ijs quæ nunc
dicam. Tolerandum hoc esset, si iuuen-
tus nihil prudentiæ, nihilq; iudicij ad
Respublicas è scholis adferret. Siquidē
multi sine institutione, uel sola naturæ
bonitate adiuti, facilius certiusq; de cau-
sis & controuerisijs hominum iudicare
sciunt, quàm oratores, quorum omnis-
uis uirtusq; in lingua sita est. Quæ expe-
rientia sunt notiora, quàm ut probatio-
ne indigeant. Quòd uerò iuuentus in
Scholis in Eloquentiæ studijs ac disputa-
tionibus, antequam iudicium adquirat,
instituitur & exercetur, illud omnium
pessimū est. Siquidem hæc unica est cau-
sa, quòd necius, nec religionem ampli-
us certam habeamus. Iuuentus enim in

Scholis assuefacta omnia in utranq; partē acutē & subtiliter disputare, omniaq; dicendo subuertere, uanos inde contrahit mores, facileq; uel in hanc, uel in illā sententiam, utilitatis aliqua spe oblata, prolabitur, omne animi sensusq; iudicium aspernata, ipsam ueritatem ac iusticiam susq; deq; habens. Quod prospiciens Plato, philosophorum princeps, noluit iuuenes ante trigessimū annum, & sic nondum corroborato iudicio, in disputationibus dialecticis exercendos esse, ob dictam causam, ne leues fierent ac inconstantes, omnia in incerto collocantes. Hæc est ratio, quare interpretes iuris non solum alij ab alijs, sed etiam ijdem sæpe à seipsis dissentiant, & nunc hoc, nunc aliud in suis responsis defendant. Hinc Andreas Tiraquellus, Iuriconsultus multæ lectionis & magni iudicij, cuius de duplici retractu Commentarios hoc libello in ordinem redegi, non uno in loco suo Commentariorum exclamat, nihil in nostro iure esse, quod nō sit controuersum. Quæ sanè res uel sola Rebus publicis exitio esse potest. Siquidem frustra cōtrouersijs hominum decidendis

cidēdis adhibetur ius illud, quod ipsum est cōtrouersum. & ut in prēlio, acie turbata, magna datur hostibus ad uictoriā occasio: sic certo iure de medio sublato, magna hostibus Imperij subuertendi occasio est atq; opportunitas. Hæc de iure dixi, quæ quamuis per se sint magni momenti, & à magistratibus minimè negligenda: respectu tamen eorum, quæ de religione nunc dicam, sunt exigua. Nam est certa ratio, qua nos ex iure controuerso extricare possumus, quam alio loco monstraui. Religionis autem negociū, quod ex Academica disputandi licentia originem trahit, quot turbas, quantas seditiones, & quàm pestifera bella in Romano Imperio per aliquot secula excitauerit, & ad hūc usq; diem excitet, quis est qui ignoret? De uarijs Christianorū dissidijs, quæ olim fuerunt, nihil dicam: de ijs quæ nunc sunt, pro rei magnitudine pauca dicam. Sūt Christianorum alij Papistæ, alij Lutherani, alij Calvinistæ, alij Anabaptistæ, alij alterius sectæ, qui aded capitalibus odijs inter se dissidēt, ut quisq; citius uel totius Reipublicę machinam dissolui pateretur, quàm in alte

ius sectæ sententiam pedibus iret, se suamq; sectam ad cœlum euehens, & alterius sectę homines ad gehennam deprensens. Quanquam nec inter eiusdem sectæ homines satis conuenit. Nam Papiſtæ in tot ordines distincti, suas inuicem habent factiones: & Lutherani omnes non per omnia idem sentiunt. Anabaptistæ quoq; & aliæ sectæ eodem uitio laborant: & (ut liberè dicam quod sentio) si duo sunt oratores Ecclesiastici unius ciuitatis, qui non tertium habent cum quo contendant, ipsi inter se rixas & iurgia mouent, & non rarè ciues inter se cōmittunt, aut subditos contra magistratū suum concitant: quę scribere non aude-rem, nisi lippis tonsoribusq; essent nota. Tales homines Academica disputandi licentia, ac perorandi studium, quod Christiani in Scholis suis sœuent, producere solet. Istis autem pessimis suis moribus prætexunt dictum Christi hoc: Nō ueni ut pacem adferā, sed gladium. ob-
liti alterius dicti, seu præcepti potius: Diligite uos inuicem, ut homines intelligant uos esse discipulos meos. Inter tot autem tantasq; dissensiones Christiano-
rum

rum nemo ferè est, qui de salute animæ suæ non periclitetur. Quamcunq; enim sectam quis sequatur, ab alijs diuersarū sectarum cultoribus ad gehennam damnatur. Quòd si quis ad illud periculum euitandum nulli sectæ se addixerit, is statim audit, Oportere hominem Christianum de fide sua certum esse, nec in fide fluctuari, aliàs eum diaboli esse mancipiū: & sic rursus damnatur ab omnibus. Hic opus est bono cōsilio, quo istud animæ periculum effugiamus. Et si autem scripta prophetica & apostolica certa huius periculi euitandi regula esse uideantur: tamen cum hæc ipsa alij aliter interpretentur, nec cuiusvis sit de interpretū dissentientibus opinionibus rectè iudicare: mihi quidem ad ius fidemq; in moribus magis uidetur respiciendum. Cū enim omnis religio eò sit dirigenda, ut ius fidesq; in moribus hominū retineatur: meritò illorum doctrina suspecta debet haberi, qui ipsi ius fidemq; uilipendunt. Quanquam nō ignoro, potius doctrinam rectam, quàm uitam docentiū, esse spectandam. Sed hoc de doctrina certa & minimè controuersa accipiendum

dum est. Quoties autē doctrina est controuersa, & in utranq; partem probabiliter disputatur, doctrina quæ ipsos docentes non facit meliores, mihi quidem suspecta est, maloq; periclitari cum ijs qui ius fidemq; curāt, quàm cum ijs qui nil nisi religionem uerbis crepant, factis tamē & moribus ipsis gentibus sunt deteriores. Homines enim gentiles uirum bonum definierunt eum, cui ius fidesq; curæ sit: nullamq; capitaliorem iniusticiam esse, quàm eorum qui cum maxime fallunt, id agunt ut uiri boni esse uideantur. Qui igitur ius fidemq; non curat, nec uir bonus est, nec uerè Christianus. Nam omnes Christianorum sectæ in eo unanimiter consentiunt, fidem iustificantem non magis sine bonis operibus esse posse, quàm corpus in medio sole sine umbra. Et Christus ipse iubet ex fructibus sumere iudicium. Quæ autem bona opera, qui fructus boni eorum esse possunt, qui nec ius, nec fidem curant? Credo itaq; firmiter, quamuis non omnis qui ius fidemq; seruat, fidem iustificantem habeat, nec corā Deo iustus sit: tamen eum qui ius fidemq; non curat,

nec

nec uirum bonum esse, nec fidem iustificantem habere: & si omnino inter tot sectas Christianorum de salute animæ periclitandum est, magis cū ijs periclitandum, qui ius fidemq; seruāt, quàm cum ijs qui labijs solùm religionem crepant, corde autem nihil religionis habēt, sed suis affectibus prauis inseruiunt, iure iusticiaq; ciuili neglectis. In qua fide id etiam me confirmat, quòd Deus partes Turcarum, qui Iurisprudentiā Eloquentiæ anteponunt, ac ius fidēq; in suis Rebus publicis conseruant, magis foueat, quàm Christianorum, qui ijs neglectis, oratorum persuasionibus nunc huc, nūc illuc impelluntur, & in uarias distrahuntur sectas. Nam Turcæ legibus, Christiani oratoribus reguntur, qui solam Eloquentiam & disputandi subtilitatē spectantes, Iurisprudentiam simul & iusticiam naso suspendunt. Clericos & monachos magis de sua potentia augenda, quàm de salute animarum fuisse sollicitos, euentus docuit. Hi eloquentiæ technis Imperatoribus atque principibus ab initio se insinuarunt, eosq; suis assentionibus obcæcarunt, ut posthabitis Iuriscon-

Iurisconsultis, oratores Ecclesiasticos in summo haberent honore atq; precio, & præmia quæ Iurisprudentiæ debebantur, Eloquentiæ detulerint. Sed cum inter oratores constans pax & concordia esse nequeat, ipsos principes inter se cōmiserunt, quemadmodum in hunc usq; diem eos inter se committunt: tumultus, seditiones ac intestina bella in Imperio Romano excitarūt, quemadmodum ad hunc usq; diem excitant: studioq; ius Romanum, cui Imperatores ac Principes iurati fuerunt, & in quo forma Imperij Romani consistebat, qua potuerunt ratione labefactarunt, mutarunt, & tandem in totū abrogare sunt conati. Quibus artibus suam potentiam adedò auxerunt, ut non modò principibus pares, sed etiam superiores euaserint, ipsosq; Imperatores cum Principibus sibi subiecerint: acciditq; Imperatoribus ac Principibus id quod fabulæ narrāt de Actæone, qui cū cornua nactus esset, à proprijs canibus est dilaceratus. Sic etiam Imperatores ac principes oratorum adulationibus cornua nacti sunt, & in bruta animantia uersi, atq; à proprijs canibus dilacerati.

lacerati. Hinc Alciatus Iurisconsultus in
suis emblematibus ludit his uerbis:

En nouus Aëteon, qui postquam cornua sumpsit,

In prædam canibus se dedit ipse suis.

Ex his, quanta clericis ac monachis iu-
ris & iusticiæ ciuilis cura fuerit, facile ap-
paret. Et si autem Lutherani oratores à
Papistarum doctrina plurimum discre-
pent, moribus tamen ijs non esse dispa-
res, deq; certo finitoq; iure non esse sol-
licitos, imò illud quodammodò abomi-
nari, uel meo exemplo docere possum.
Licet enim iter ad certam finitamq; Iu-
risprudentiam, antea incognitum & ob-
soletum, multis testantibus aperuerim,
studiaq; iuris pro mea uirili adiuuerim:
tamen non nisi calumniæ & obrectatio-
nes à nostris Lutheranis oratoribus mi-
hi sunt expectandæ, adedò omnia mea di-
cta factaq; captant, quò aliquam me ca-
lumniandi, nomenq; meum sugillandi
ansam arripiant: & si quis ipsis ius obie-
cerit, statim audit, Quid ad nos ius
uestrum? quasi ipsi cum Imperatore legi-
bus sint soluti, iuraq; in scrinio pectoris
sui habeant. Quod uitium omnibus ora-
toribus cuiuscunq; sectæ commune es-
se

se animaduerto, ut leges dare, non accipere uelint: nihilq; tam firmum in iure sit, quod ipsi dicendo ac disputando, si ingenij neruos intendant, non possint subuertere. Non ergo mirum, cum eiusmodi homines moribus regendis ac iuri dicendo nūc præficiantur, ius fide mq; in moribus hominum in tantis de religione contentionibus prorsus euanesce re. Cuius exemplum ætas nostra superioribus annis uidit in omnibus historijs inauditum. Quæ enim tanta perfidia unquam accidit, ut milites accepta pecunia ducem suum hosti tradiderint? At tantam perfidiam ætas nostra superioribus annis Bonnæ est experta, & quidem in ea gente, quæ in omnibus historijs laudem fidei ac cōstantiæ præ cæteris gentibus est consecuta. Itaq; meritò cum Phyllide Ouidiana exclamare nostris tēporibus licet: Iura, fides, ubi nunc? Tales mores inolescere solent, cū iure fideq; posthabitis, de religione acutè subtiliterq; magis quàm utiliter disputatur. Amo igitur prudentem potius simplicitatem, amicam legibus, quàm callidam & captiosam loquacitatem: atq; ab omnibus

omnibus contentionibus quæ plus subtilitatis quàm utilitatis habent, abhorreo: assentiorq; Iurisconsulto, qui dicit, Verecundam cogitationem eius qui lites execratur, non esse uituperandam. Sentio itaque cum ijs Christianis, qui articulis fideli, quos Ecclesia unanimi consensu approbavit, contenti, simpliciter ambulant, & ijs quæ de religionem maiore subtilitate quàm utilitate disputatur, posthabitis, ius fidemq; in moribus hominum conseruandam existimât. Cum ijs malo animâ meam periclitari, quàm cum contentiosis oratoribus, qui summa imis miscêtes, ius fidemq; floccipendunt, suisq; cõtentionibus eò rem deduxerunt, ut nec ius nec religionem amplius certam habeamus. Quos mores Rerum publicarum mutationes necessariò consequuntur. Nec dubito, inter omnes Christianorum sectas tales adhuc reperi, qui istam fidem mecum sequantur, malintq; oratorum rixas ac contentiones à Principibus coërceri quàm foueri. Breuiter, uestris Celsitudinibus, Principes illustrissimi atq; clementissimi, meâ fidem sum confessus, exemploq; Turca-

rum & Christianorum ostendi, quantū
interfit, utrum iuuentus in scholis Stoi-
ca, an Academica philosophia imbua-
tur: Iurisprudentia, an Eloquentia insti-
tuatur. rebusq; Christianorū melius con-
suli non puto, quàm si Academica dispu-
tandi licentia explosa, studioq; Eloquē-
tiæ posthabito, ita Scholas suas reforma-
rent, ut tam doctrina quàm exercitatio
iuris scholastica forensibus actionibus
non deprauatis esset accommodata: &
iuuentus de causis & controuersijs ho-
minum certò ac constanter potius iudi-
care addisceret, quàm acutè ac subtiliter
perorando ac disputando litibus omnia
miscere adsuesceret, magisq; honestati
quàm loquacitati, cuius comes uanitas
est, studeret. Sic enim tandem futurū es-
set, utè Scholis ad Rempublicā uiri pru-
dentia iusticiāq; excellentes prodirent,
per quos ius fidesq; in moribus homi-
num retineretur, & pax atq; concordia
publica recuperari posset. Cum autem
magnum ad hanc rem meis lucubrati-
onibus sub uestro fœlici auspicio adiumē-
tum attulerim, & Eloquentia omnibus
occidentalibus regnis ac Rebuspublicis
suspecta

suspecta sit facta, uetusq; extet uaticiniū,
 Anno, &c. octuagesimo octauo magnā
 rerum mutationem futuram esse: mihi
 quidem persuasum habeo, eo anno Elo
 quentiam Iurisprudentiæ Romanæ re
 gno cessuram, aut Mahometicam Iuris
 prudentiam, iuxta dictum Hiltenij ua
 ticipinium, utranq; è regnis occidentali
 bus deiecturā esse. Nam omnes uiri pru
 dentes hoc sibi persuasum habent, istum
 rerum statum, qui nunc est, non diu du
 raturum: & oratores Eloquentiæ suæ,
 quam sub specie religionis ac Iurispru
 dentiæ plurimi uenditant, metuere inci
 piunt, meamq; Iurisprudentiam habent
 suspectam, ut mihi uerendum sit, ne Cel
 situdines uestras in mei indignationem
 commoueant. Ne autem tale quid ab ijs
 mihi contingat, uestras Celsitudines oc
 casione huius præfationis duxi interpel
 landas, breuiter & fidei meę & simulta
 tis ratione exposita, sperās uestras Cel
 situdines renascenti Iurisprudentiæ Ro
 manæ in fauorem Eloquentiæ, quæ sub
 religionis prætextu omnia ferè occiden
 tis regna atq; Respublicas turbat, & sub
 Iurisprudentiæ prætextu omnia ferè tri

bunalia litibus replet, non restituras esse. Et sanè, si Romanæ Iurisprudentiæ in uiris armatæ militiæ nulla spes sita est, ijq; malunt Eloquentiæ quàm Iurisprudentiæ partes tueri: de Imperio Romano actum est, ac Mahometicæ Iurisprudentiæ ad occidentis regna occupanda iter apertum. Mihi quidem persuasum habeo, Deum, antequam tantam mutationem, de qua Hiltenij uaticinium extat, sit inuecturus, uoluisse causam istius mutationis, eiusq; remedium tam Italię quàm Germaniæ innotescere, periculū facturus, an aliqua gens occidentis afflictæ Romanæ Iurisprudentiæ contra fucatā Eloquentiam sit succursura. Ad librum hunc quod attinet, quia causæ retractus tam municipalis quàm conuentionalis frequentes sunt in foro, nec materia ista uberius & maiore cum iudicio à quoquā est tractata, quàm ab Andrea Tiraquello Iurisconsulto: ideo eius de hac re Cōmentarios in Methodum contraxi: quam Methodum uestris Celsitudinibus ea, qua decet, reuerentia dedico, simulq; me meaq; studia uestro patrocinio commendo.

METHO-

METHODVS LI-

BRI PRIMI, DE RE-
tractu municipali.

PARTITIO LIBRI primi.



IN primo Commentario seu libro de retractu municipali, Andreas Tiraquellus, uir multæ lectionis & magni iudicij, describit actionem, quæ re aliqua extra familiã uendita, uel per æquipollentẽ contractum alienata, uenditoris cognatis datur ad rẽ alienatam, oblato emptori precio, in familiam retrahendam. Vnde Retractus appellatur: descẽditq; ex iure municipali, seu speciali alicuius loci statuto uel consuetudine, unde appellatur Municipalis. Describitur autem hæc actio per duodecim locos principales. Primus est de iure, quo actio proposita subsistit. Alter de genere huius actionis. Tertius continet simile huius actionis, cuius naturam hæc actio imitetur. Quartus causam huius actionis cum suis exceptionibus cõplectitur. Quintus personas, quibus actio proposita competat. Sextus personas eorum aduersus quos competat. Septimus personam procuratoris, per quem competat. Octauo defini-

B

3

tur,



tur, ubi & apud quem iudicem hæc actio competit? Nono, quid quantumq; in ea ueniat petendū. Decimus locus definit tempus huius actionis, quando nimirum & quamdiu hæc actio competat. Undecimus enumerat antecedentia & adiuncta huius actionis, seu solennia officia actoris, in quibus modus actionis continetur. Postremo enumeratur eius euentus & consequentia. Quo ordine seruato, naturam huius actionis ob oculos ponam.

I. DE IVRE PROPOSITÆ actionis.

I. Ius huius actionis dicitur commune esse multis ciuitatibus, in præfatione, num. 1.

II. Nomina huius iuris enumerantur in d. præfat. num. 2. cum sequentibus. Appellatur autem illud Ius protomisæos. d. num. 2. item Ius congrui. ibidem num. 3. item Præsentatio & oblatio. d. num. 3. uers. statutum autem. item Ius recomptæ, quasi recuperatio, uel re comparatio. ibidem num. 4. item Retractus. ibidem num. 5. Hinc & uerbum Retractandi sumptum. ibidem num. 6.

III. Rationes huius iuris enumerantur ac disputantur d. præfatione, num. 7. cum sequentibus, usq; ad num. 56. ubi primum dicitur ius hoc legibus Moisaicis consentaneum. d. num. 7. non tamen ob id iuris diuini esse censetur. ibidem num. 8. cum quatuor sequentibus. Item approbatur hoc ius pontificio iure.

iure. ibidem num. 13. ualetq; statutū prohibens uen-
dere extraneo. ibidem num. 14. cum sequente. nec
damnatum est ius retractus per l. dudum. C. de con-
trah. empt. uel alias leges iuris ciuilis. ibidem num.
16. cum sequentibus. ubi tamen hoc controuertitur,
et num. 61. ibidem dicitur, ius hoc esse contra ius
commune: ex quo etiam infertur, illud esse odiosum
ac restringendum. de quo §. proximè dicitur.

IIII. Ius hoc retractus odiosum dicitur ac re-
stringendum, non fauorabile, nec extendendum, d.
præfatione, num. 56. cum sequentibus, usq; ad num.
60. ubi hoc quidem controuertitur, magis tamen
approbatur.

II. DE GENERE HV- ius actionis.

I. Actio est personalis in rem scripta. §. 8. gl. 5.
num. 6. cum duobus sequentibus.

II. Actio est stricti iuris. In præfatione num. 62.
et §. 35. gl. 1. tota. ubi etiam strictum ius quid sit,
declaratur.

III. SIMILE HVIVS actionis.

Actio hæc cum suo iure per omnia ius successio-
nis sequitur. §. 1. gl. 9. num. 81. et §. 13. gl. uni-
ca, num. 1. item §. 14. gl. 1.
num. 1.

DE RETRACTV
IIII. CAUSA HVIVS
actionis cum suis ex-
ceptionibus.

Si cognatus actoris rem aliquam uendidit, uel alio simili modo alienauit: cōpetit actori actio proposita ad rem oblato precio retrahendam. §. 1. Com petitq; ius hoc retractus à tempore factæ uenditionis, non oblationis. Quanquam hoc controuertitur §. 1. gl. 9. num. 106. item lib. 2. §. 1. gl. 7. num. 37. cum sequente. Planè propositæ causæ plures sunt exceptiones, partim ex uenditoris, partim ex emptoris persona, partim ex re uendita, partim ex alijs huiusmodi circumstantijs desumptæ, quas ordine recensēbimus. Quòd igitur ad personam uendito-

1. Except. ris attinet, ex ea exceptio sumpta hæc est; Si is sit basthardus, uel non legitimè natus. huius enim cognati ad retractum rei uenditæ non admittuntur. §. 1. gl. 8. num. 7. uers. ubi etiam dicit à contrario. Hæc exceptio replicationem recipit in liberis basthardi legitimè natis, his enim ius retractus non denegabitur. d. gl. 8. num. 9. uers. Et è diuerso. Sed et si basthardus sit legitimatus, non solum ipsius liberis, sed etiam cæteris eius cognatis actio compe-

2. Except. tit. d. gl. 3. num. 12. in fine. Præterea Veneti ex consuetudine eximūtur, ut liberè possint sua bona uendere, nec illorum propinquis ius retractus concedatur. in fine libri, num. 61. ubi, utrum idem priuilegium

legium Triuifanis quoq; competat, controuertitur. Illud non interest, utrum cognatus actoris ipse sua rem uendat, an alij uendenti consentiat, uel uenditionem ab alio factam ratam habeat. nihilominus enim actor eius cognatus ad retractum admittitur. §. 1. gl. 2. num. 58. gl. 9. num. 107. cum num. sequente: & num. 247. cum sequente. Vtrum uero idem dicendum sit, si non ipse, sed hæres eius, qui cum beneficio inuentarij hæreditatem adiit, rem hæreditariam uendiderit, controuertitur §. 1. gl. 1. num. 5. Quemadmodum etiam controuertitur, si res ab alio uendita, ab emptore sit usucapta. de qua re dicitur 3. except. 38. Sed nec illud interest, utrum clericus, an laicus res suas uendat. nam etiam clericorum uendentium cognatis hoc ius non denegabitur. §. 1. gl. 1. num. 6. & gl. 13. num. 11. cum sequente. Quamuis item uenditor sit alterius prouinciæ, quæ hoc iure non utitur: dicendum nihilominus eius cognatis ius retractus competere: siquidem consuetudo loci, in quo res uendita sita est, non consuetudo loci, cuius est uenditor, spectatur. §. 1. gl. 1. num. 1. Hæc de uenditoris persona sint dicta.

Quod uero ad personam emptoris attinet, consuetudo retractus simpliciter quidem loquitur de emptore, quasi quilibet emptor, quis qualisue is fuerit, teneatur rem emptam precium offerenti cognato cedere. §. 1. gl. 13. num. 1. Ideoq; non distingui-

3. Except. repro-
batur.

4. Except. repro-
batur.

5. Except. repro-
batur.

6. Except. ex
persona em-
ptoris desum-
pta.

7. Except. repro-
batur.

tur, utrum clericus, an laicus: Ecclesia, an prophanus emerit. Quamquam hoc controuertitur d. gl. 13.

8. Except. re probatur. num. 2. cum quinq; sequentibus. Sed nec distinguitur, utrum minor, an maior etate: pubes, an im-

9. Except. re probatur. pubes emerit. d. gl. 13. num. 13. Quamuis item emptor alterius prouinciæ sit, quæ hoc iure non utitur: adhuc dicendum, retractui locum esse. §. 1. gl. 1.

10. Except. re probatur. num. 4. Quemadmodum etiam ei locus est, licet usufructuarius rei proprietatem emerit. §. 1. gl. 7.

11. Except. num. 62. Contra tamen, si proprietarius usumfructum rei emerit: exceptione aduersus actionem propositam defenditur. d. gl. 7. num. 60. quemadmodum & si res emphyteutica domino directo uendita sit. nam & hoc casu retractui locus non est. §. 1. gl. 3. num. 3. uers. sed id tamen. quod in domino, cui feudum uenditum est, non obtinet, per ea quæ habentur in tractatu feudali meo cap. 5. quæst. 1. causa 34. in fine, replicat. generali 2. dupl. 3. de qua tamen

12. Except. re uide etiam j. except. 30. Sed & si proximiori cognato res uēdita sit, remotioribus cognatis actio

13. Except. re probatur. §. 11. gl. 6. num. 20. Si uerò remotiori cognato res uendita sit, proximiores cognati ad retractum admittuntur: nisi consuetudo in contrarium extet. d. §. 11. gl. 5. num. 1. & gl. 6. num. 6. cum tredecim sequentibus: ubi hoc controuertitur, sed

14. Except. magis approbatur. Illud maius dubium est, Si emptor non sit remotiori, sed eodem gradu cognationis

tionis cum actore, an actori actio sit deneganda? quod controuertitur, & in dubio relinquitur, d. gl. 6. num. 20. cum quinque sequentibus: & d. §. 11. gl. 7. num. 1. cum sequente. Sed & posito eo, quod actor hoc casu ab emptore, qui eiusdem esset gradus, non excludendus, sed pro rata admittendus esset: rursus dubitatur, si emptor nolit esse in communione, sed aut totum prædium emptum actori cedere precio recepto, aut totum retinere, actor autem non nisi pro rata retrahere uelit: utrum emptori, an actori gratificandum sit? quo casu pro emptore d. gl. 7. num. 3. cum sequente respondetur. Quid autem hoc, Pro rata, significet, item quibus modis sumatur, declaratur d. §. 11. gl. 8. num. 1. cum duobus sequentibus. Præterea si quis ex pacto retrouendendi re^{15.} Excepta redemerit: dicendum, cognatis ius retractus denegandum esse. lib. 2. retractus. §. 1. gl. 7. num. 1. cum sequentibus, usque ad num. 18. Nisi pactum retrouen^{Repl. 1.} dendi non in continenti, sed ex interuallo fuisset adpositum. d. num. 18. cum quinque sequentibus. Vel ni^{Repl. 2.} si certo tempore in pacto retrouendendi adiecto, post tempus illud res fuerit redempta. hoc enim casu cognatis eius à quo res redimitur, actio non erit deneganda, quamuis tempus illud postea fuisset ab emptore prorogatum, præsertim eo iam elapso. nam tempus prorogatum dici propriè non potest, quod est elapsum. d. gl. 7. num. 24. cum sequente. De
tempore

tempore nondum elapso, an id consensu emptoris
 & uenditoris redimentis in præiudicium cognato-
 rum prorogari possit, controuertitur, magisq; ne-
 gatur d. gl. 7. num. 26. cum sequētib; usq; ad num.
 41. Si uerò admittatur, tempus nondum elapsum
 in præiudicium cognatorum prorogari posse: non
 interest, quamuis prorogatio ista fiat in ultimo mo-
 mento primi temporis nondum finiti, etiam noctu.
 d. num. 41. cum num. sequente. Plura de exceptione
 16. Except. proposita dicentur §. except. 47. Postremò scien-
 dum, retractui locum non esse, si rex uel summus
 Princeps rem aliquam emerit. §. 1. gl. 13. num. 38. cū
 num. sequente. Hæc de altero etiam genere exce-
 ptionum, ex persona emptoris desumptarum, sint
 dicta.

Res quoque uendita excipiendi materiã contra
 actionem propositam suppeditat: quod tertij gene-
 ris loco notandum. Nam plurimum interest, quæ
 qualisue res uendita sit. Primum enim ius retractus
 in fundis tantum & alijs rebus immobilibus, item
 in ijs quæ immobilium numero habentur, uti sunt
 seruitutes & annui redditus, locum habet, non etiam
 in rebus mobilibus. §. 1. in prin. Quid autem fundus

17. Except. sit, declaratur §. 1. gl. 4. num. 1. Si igitur res mo-
 Repl. 1. bilis uendita sit, retractui locus non est. §. 25. Nisi
 res mobilis immobili rei uenditæ accesserit, tunc e-
 nim cum re immobili uendita retrahi potest. d. §.

25. gl. 1. num. unico. & §. 1. gl. 7. num. 82. & num. 86.
 item num. 99. Idem dicendum uidetur in mobili- Repl. 2.
 bus preciosis uenditis, ut in ijs, quamuis sine re im-
 mobili uendita sint, ius retractus locū habeat. quod
 tamen controuertitur, magisq; reprobat d. gl. 7.
 num. 100. cum duobus sequentibus. Quemadmo- Repl. 3.
 dum & hoc, Vtrum machinis bellicis castri uendi-
 tis, locus sit retractui? cōtrouertitur, magisq; repro-
 batur d. gl. 7. num. 96. cum tribus sequentibus. Sic Repl. 4.
 etiam de pecunia ad comparationem prædiorū de-
 stinata dubitatur, utrum mobilibus, an immobili-
 bus sit connumeranda? d. gl. 7. num. 103. cum nouem
 sequentibus. ubi tandem concluditur, hanc quæstio-
 nem, quoad retractum, esse inutilem, quòd pecunia
 non ematur, nec uendatur. Idem dubitatur & con- Repl. 5.
 cluditur de pecunia ex uenditione rei immobilis
 redacta, d. gl. 7. num. 113. item §. 32. num. 10. in fine:
 & num. 13. Item de pecunia in banchis posita, d. Repl. 6.
 gl. 7. num. 114. De columna itidem domui affixa, Repl. 7.
 posteaq; separata & uendita, cæterisq; rebus ita in
 domo positis, ut perpetuò ibi manerent, controuer-
 titur, Vtrum in ijs tanquam immobilibus retractui
 locus sit, an mobilibus sint connumerandæ, ut re-
 tractui in ijs locus non sit? d. gl. 7. num. 115. cū num.
 sequente. ubi author posteriorem sententiam ample-
 ctitur. De piscibus quoq; in piscina, stagno, uiua- Repl. 8.
 rio uel lacu adseruatis: necnon de columbis quæ
 sunt

sunt in columbario, & de cuniculis qui sunt in garrenis, idem quæritur, Vtrum inter mobilia, an inter immobilia sint connumeranda? Sed nihil concluditur, remissione tantum ad authores, à quibus hæc

- Repl. 9.** quæstio tractatur, facta, d. gl. 7. num. 117. Idem etiam quæritur de domo exemptili, quæ solo affixa nō est, aut si affixa sit, continuo eximi potest ac solet. Quam rebus mobilibus connumerandam esse placet, non immobilibus, quemadmodum nec dolium Diogenis, quamuis eo uice domus sit usus. d. gl. 7.
- Repl. 10.** num. 118. Homo adscripticius dicitur portio fundi, quamdiu adscriptus est. Ideoq; inter immobilia connumeratur. d. gl. 7. num. 119. Quod si fundum deseruerit, pro mobili censendus est, perinde ac fructus à solo separati. d. gl. 7. num. 120. Secus de bove, asino, & similibus fundo eius instruendi causa addictis, est dicendum. Hi enim licet sint fundi instrumenta, mobiles tamen sunt, in quibus retractui locus non est. d. num. 119. Insule insuper maris, fluminis aut stagni, quamuis fluctuantes, immobilibus connumerantur: ideoq; ab exceptione proposita eximuntur. d. gl. 7. num. 121. Idem dicendum de edificio, cuius parietes sunt sine cæmento aut calce. nam & hoc naturam atq; conditionem soli sequitur. d. gl. 7. num. ult. Secus de naui est dicendum, quæ quamuis in quibusdam domui equiparetur: tamen inter mobilia, in quibus retractui locus nō est,
- numerantur.

numeranda. d. gl. 7. num. 83. cum tribus sequentibus. In molendinis distinguitur, ut si quidem in- Repl. 13.

star nauium super flumine meent, ac ueluti ambul-
lent: mobilibus connumerentur. Sin uerò tanquam
domus in terra aut in ripis fluminum posita sint,
illisq; adhæreant: sint immobilia. d. gl. 7. num. 92.

cum tribus sequentibus. Fructus denique penden- Repl. 16.

tes, quia pars fundi sunt, iuxta l. fructus pendentes.
ff. de rei uendicat. ideo cum ipso fundo immobili-

bim quidem connumerantur, d. gl. 7. num. 37. cum
sequentibus, usq; ad num. 55. non tamen in ijs retra-

ctui locus est, sed quo ad hanc actionē, pro mobilib.
habentur. Quod quidē cōtrouertitur, magis tamen

approbatur d. gl. 7. num. 42. cū duodecim sequēti-
bus. Hæc de re mobili uendita sint dicta. Præterea

ex re uendita excipiendum uidetur, si res incorpo- 18. Except. re
probat.

ralis, qualia sunt ea quæ in iure consistunt, uendita
sit. nam etiam in hac ius retractus denegandum ui-

detur, quamuis nec mobilis, nec immobilis propriè
dici potest. §. 1. gl. 5. num. 1. in fine: Et gl. 7. num. 58.

At exceptio hæc reprobatur primū quidem in hæ De hæredita
te uendita.

reditate uendita, §. 2. gl. 7. num. 81. cum quinq; se-
quentibus. Idq; obtinet, nisi in hæreditate nulla sint

bona immobilia, sed mobilia tantum. hoc enim casu
retractus in hæreditate uendita non habet locum.

d. gl. 7. num. 87. Eadem distinctio in actione quo- De actione
uendita.

pro

De facultate
redimendi
uendita.

pro re mobili competat, ipsa quoque actio mobilis
censeatur, ut retractus in ea locum non habeat: sin
autem pro re immobili competat, ipsa quoq; immo
bilibus connumeretur, ut sit retractui locus. §. 1. gl.
7. num. 1. cum sequentibus, usq; ad num. 32. ubi ta
men hoc cōtrouertitur, & uariè distinguitur. Sic
etiam uendita facultate redimendi rem immobilem
à se prius uenditam, locus est retractui. d. gl. 7. num.
32. item d. §. 1. gl. 10. num. 127. et §. 32. gl. unica, num.
71. itē lib. 2. retractus, in fine, num. 110. in fine. Quod
tamen intelligendum, nisi facultas redimendi cer
tum habeat tempus. tunc enim eo tempore finito,
non amplius retractui locus est. d. num. 127. cum se
quente. Non solū autem facultate redimendi uen
dita, sed etiam si is cui facultas hæc competit, acce
pta pecunia isti iuri renunciauerit, renunciantis
cognatis ius retractus competit. §. 1. gl. 10. num. 120.
Est insuper retractui locus in integrum restitutio
ne uendita, siue doli, siue metus, siue ætatis ratione
competat. §. 32. gl. unica, num. 71. Annuī quoq; re
ditus, licet in mobilibus rebus consistant, tamen pro
immobilibus habentur, ut ijs uenditis retractui sit
locus. §. 1. in prim. & gl. 6. num. 3. cum tribus sequen
tibus. §. 32. gl. 1. num. 86. & §. 33. gl. 1. num. 3. Dicti
autem uidentur redditus, quod singulis annis rede
ant: ideoq; per simplex d. scribendi. d. gl. 6. num. 1.
Inq; uestigalia tanquam generi species subijciun
tur.

De in inte
grum restitui
tione uendi
ta.

De annuis re
ditibus uen
ditis.

tur. d. gl. 6. num. 2. Ideoq; idem in uestigialibus iuris est. §. 32. gl. unica, num. 78. cum sequentibus, usq; ad num. 85. Planè reditus modici temporis inter immobilia non computantur, sed ij tantum qui sunt perpetui, aut saltem ad longum tempus. d. gl. 6. num. 7. Nisi eadem esset ratio in reditibus annuis modici temporis, quæ etiam in reditibus longi temporis. tunc enim etiam inter immobilia computabuntur, aut certè idem ius in his, quod in illis, statuendum erit. d. gl. 6. num. 8. Perpetuum autem tempus hoc loco dicitur, quod est triginta annorum: longum uerò, quod est annorum decem. d. gl. 6. num. 9. Illud non interest, utrum annui reditus redimibiles sint, necne. Nam ij etiam qui redimi possunt, intra aliquod tempus uel simpliciter pro perpetuis reditibus & pro rebus immobilibus habentur. d. num. 8. in fine. & d. §. 1. gl. 14. num. 119. cum duobus sequentibus. Reditus tamen, quorum dies cessit, & pro quibus exigendis iam competit actio, pro mobilibus habentur, in quibus retractui locus non est. d. gl. 6. num. 10. Idem etiam dicendum uidetur de reditibus merè personalibus, pro quibus nec petitorium, nec possessorium iudicium competit, sed tantum actio personalis, puta locati. d. gl. 6. num. 11. cum tribus sequentibus. ubi tamen hoc controuertitur, magisq; uidetur reprobare. Sed & illud interest, utrum quis uestigial uel reditus uendiderit ex fundo patrimoniali,

C

niali, an adquisitio. Siquidem in adquisitijs non est locus retractui, ut paulò inferius docebitur. Unde si uectigal constitutum sit ac uenditum super omnibus bonis tã patrimonialibus quàm adquisitijs: in redditibus ex patrimonialibus tantum bonis, non etiam ex adquisitijs, locus est retractui. §. 32. gl. 1.

De iure portorij uédito. num. 85. Porro quemadmodum annui redditus, sic etiam ius portorij immobilium iure censetur, ut eo uendito retractus locum habeat. §. 1. gl. 7. num. 34.

De decimis uenditis. cum duobus sequentibus. Idem etiam dicendum est de iure decimarum, et aliarum portionum, quas

De feudis uéditis. quis ex fundo alieno percipit. d. gl. 7. num. 33. Feudum, quia generali appellatione bonorum nō continetur, uideri potest à retractus iure excipi, ut eo uendito retractui locus non sit. Sed hæc exceptio controuertitur, magisq; reprobatur §. 1. gl. 3. num.

De emphyteusi uédita. 4. cum nouem sequentibus. De emphyteusi & bonis emphyteuticis uenditis minus dubium est: quia bonorum appellatione uenit emphyteusis. d. gl. 3. num. 1. cum duobus sequentibus. adeò quidem, ut etiam in emphyteusi ecclesiastica uendita iuri retractus sit locus. d. gl. 3. num. 3. Quanquam eius cōtrarium allegatur d. §. 1. gl. 13. num. 3. ubi asseritur, ius retractus non habere locum in rebus feudalibus & emphyteuticis Ecclesiæ: quòd statuta laicorum clericos & Ecclesiam non ligent. Sed huic obiectioni respondetur d. gl. 13. num. 8. cum duobus sequentibus.

bus. Si tamē res emphyteutica domino directo uendita esset, retractui locus non est: quemadmodum si ususfructus proprietario uenditus sit, cognati uenditoris ad retractum non admittuntur: cum hoc casu ususfructus per consolidationem sit extinctus, ut §. except. 12. est ostensum. Si autem extraneo, non domino ususfructus, usus uel habitatio uēdatur, quibusdam uidetur retractui locum esse: quorum tamē sententia controuertitur d. gl. 7. num. 55. cum sex sequentibus. De seruitutibus prædiorum minus dubium est, ijs uenditis retractui locum esse: cum immobilibus connumerentur, quamuis per se consideratæ nec mobiles sint, nec immobiles, sed tertiam quandam speciem constituent. §. 1. gl. 5. num. 1. cum duobus sequentibus. Quod etiam dicendum de seruitijs, quæ ratione rei immobilis debentur. d. gl. 5. num. 4. Hæc de ijs quæ in iure consistunt, seu de rebus incorporalibus uenditis sint dicta. Porro inter exceptiones aduersus retractum ex re uendita desumptas numeratur & hæc: Si res uendita alio loco, in quo ius retractus non seruatur, sita sit: nam statuta & consuetudines, quæ sunt contra ius commune, non extenduntur ad res alibi sitas. §. 1. gl. 1. num. 2. cum sequente. In re insuper non patrimoniali, sed ab ipso uenditore adquisita, locus nō est retractui, nisi ex speciali loci consuetudine. §. 32. gl. 1. & unica, num. 1. cum tribus sequentibus. Quæ

De usufructu
& habitatio-
ne uenditis.

De seruitutibus prædiorū uenditis.

De seruitijs uenditis.

19. Exceptio

20. Exceptio

Repl. 1.

exceptio declaratur definitione patrimonij d. gl. 1.

Repl. 2. num. 104. cum tribus sequentibus. Vnde queritur, si quis rem patrimonialem extraneo uenditam retractus iure adquisierit: utrum ea res tanquam acquisita non subiaceat retractui, an adhuc inter res patrimoniales sit connumeranda? Quod cōtrovertitur d. gl. 1. num. 5. cum quatuor sequentibus.

Quam controuersiam author distinguendo recon-

Repl. 3. ciliat d. gl. 1. num. 7. in fine. Sed & si quis pecunia ex uenditione fundi patrimonialis redacta alium fundum adquisierit, uidetur hic fundus patrimonialis potius quàm adquisititijs esse, ut in eo rursus uendito ius retractus locum habeat. Quod tamen controuertitur, magisq; reprobat d. gl. 1. num. 10. cum duodecim sequentibus. Admittitur tamen, si uenditor uerbis uel facto aliquo declarauerit, se uelle emptum à se fundum in patrimonialis fundi locum subire. d. gl. 1. num. 23. cum duobus sequenti-

Repl. 4. bus. Minus uerò dubitatur, si quis fundum patrimonialem cum alio fundo permutauerit: nam fundus ex permutatione acceptus patrimonialis fundi loco succedit, ut eo rursus uendito retractui sit locus. d. gl. 1. num. 11. & num. 26. cum duobus sequen-

Repl. 5. tibus. Quod etiam obtinet, si diuisione hereditatis facta, uni patrimonialia, alteri adquisititia bona obuenerint. Nam hæc diuisio instar permutationis se habet: ideoq; adquisititia pro parte loco patrimonialium

nialium habentur. d.gl.1.num.88. cum sequente.
 Sed & si fundus patrimonialis ob noxiam in do- Repl.6:
 minum commissam, aut aliam similem causam fue-
 rit commissus, dominusq; noxiam uasallo remisit:
 non ob id fundus desijt esse patrimonialis. d.gl.1.
 num.29. Quod etiam dicendum, si quis ad bona Repl.7:
 confiscata à principe fuerit restitutus. d.gl.1. num.
 30. in prin. Secus dicendum, si uasallus feudum an Repl.8. re-
 tiquum domino renunciauerit, de quo is eiusue fi- probatur.
 lius postea denuò fuerit inuestitus. hoc enim non
 amplius patrimoniale, sed nouum seu adquisititiū
 reputabitur. d. num. 30. uers. si autē uasallus. Quod Repl.9.
 etiam obtinet, si emphyteusi per generationem fi-
 nita, dominus eam in alios cognatos renouauerit.
 nam & hæc adquisititia, non amplius patrimonial-
 lis censetur. d. num. 30. in fine. Quod si dominus Repl.10.
 aliquem de feudo antiquo tanquam de nouo inue-
 stierit: utrum hoc feudum antiquum esse desinat, &
 naturam noui feudi sortiatur, controuertitur, ma-
 gisq; negatur d.gl.1. num. 33. cum tribus sequenti-
 bus: & num. 38. cum duobus sequentibus. Quem Repl.11.
 admodum econtrariò, si feudum nouum sit conces-
 sum, ut antiqui feudi naturam haberet: utrum hoc
 antiquum seu patrimoniale, an nouum seu adquisi-
 titium sit censendum, controuertitur d.gl.1. num.
 31. cum sequente: & num. 37. num. 40. & num. 41.
 in quo postremo numero author respondet per di-
 C 3 stinctionem,

inctionem, quòd quoad ipsos contrahentes eorumq; hæredes habeatur pro feudo antiquo: sed

Repl. 12. quoad tertium, habeatur pro nouo. Quod etiam respondetur in prædio pecunia dotali empto, ut esset hæreditarium ipsius uxoris patrimonium. hoc enim postea rursus uenditum non habebitur patrimoniale, quoad ipsum emptorē, ut id cognatis uenditricis cedere cogatur. d. gl. 1. num. 31. & num. 41.

Repl. 13. in fine. Præterea quibusdam uidetur id quod quis ab eo, cui ab intestato esset successurus, adquisierit, non adquisititium, sed patrimoniale censendum esse, ut in eo rursus uendito retractui sit locus. Quorum sententia in donatis tantum & legatis, seu in titulo lucratiuo, non oneroso acquisitis procedit. d. gl. 1. num. 43. cum quinque sequentibus. Sed nec in lucratiuo titulo procedit, nisi pro ea parte, qua donatarius uel legatarius donatori aut testatori esset successurus. d. gl. 1. num. 49. cum sequente. Sed & non procedit, si donator id quod donauit, uoluerit adquisititium, non patrimoniale esse. d. gl. 1. num. 51. cum sequente. Postremò non procedit in donatis & legatis à collateralibus cognatis, non parentibus, quamuis donatarius uel legatarius ijs ab intestato esset successurus. d. gl. 1. num. 52. Quemadmodum nec id patrimoniale censetur, quod quis non ex parentum, sed ex transuersalium successione adquisiuit. d. gl. 1. num. ult. Præterea ædificium in solo

Repl. 14 reprobatur.

Repl. 15.

lo patrimoniali extractum solo cedit, ipsumq; non
 acquisititium, sed patrimoniale habetur, ut in eo re-
 tractui sit locus. d. gl. 1. num. 53. cum sequente. Idq;
 multò magis dicendum, si domo patrimoniali exu-
 sta, alia in eadem area fuerit extracta. d. gl. 1. num.
 55. Sic etiam, si res patrimonialis uendita sit, & Repl. 16.
 postea per in integrum restitutionem, uel ob lesio-
 nem ultra dimidium iusti precij ex l. 2. C. de rescind.
 uendit. recuperata: ea res nō acquisititia, sed patri-
 monialis est censenda, in qua rursus uendita retra-
 ctui sit locus. Quod quidem controuertitur, magis
 tamen approbatur d. gl. 1. num. 56. cum quatuorde-
 cim sequentibus. Similiter si feudum uel emphy- Repl. 17.
 teusis ex aliqua causa committatur, & ad domi-
 num redeat, sicq; cū directo dominio consolidetur:
 ea res patrimonialis potius quàm acquisititia apud
 dominum esse censetur. Quamquam hoc controuer-
 titur d. gl. 1. num. 72. cum sequente. Feudum uero Repl. 18. re-
 usucaptum non antiquum, sed nouum, seu non pa-
 trimoniale, sed acquisititium habetur, in quo uendi-
 to retractui locus non est. d. gl. 1. num. 74. cum se-
 quente. De eo tamen, quod quis per usucapionem Repl. 19.
 adquisiuit ultra antiquos terminos fundi patrimo-
 nialis, utrum hoc patrimoniale tanquā fundus cui
 accessit, an acquisititium sit censendum, dubitatur
 d. gl. 1. num. 76. Quemadmodum & de horto du- Repl. 20.
 bitatur, quem quis uicinum domui patrimoniali e-

Repl. 21. mit, ut pertinentia domus esset. d. gl. 1. num. 77. De eo autem constat, si cuius fundus patrimonialis à tyranno sit occupatus, posteaq; tyranno occiso recuperatus: fundum illum redire in pristinam causam,

Repl. 22. nec adquisititium haberi. d. gl. 1. num. 87. Idem dicendum, si res patrimonialis uendita sit, & postea ex pacto reuenditionis uel simili recuperata. nam & hæc res in pristinam causam redit, nec adquisititia, sed patrimonialis est censenda. §. 19. gl. 2. num. 1. cum sequentibus, usq; ad finem glossæ. & §. 32. gl.

Repl. 23. 1. num. 90. & num. 103. Postremò sciendum, si cū adquisititijs etiam patrimonialia uendita sint: in adquisititijs tantum exceptioni propositæ locum esse, nō etiam in patrimonialibus: nisi emptor nolit adquisititia retinere sine patrimonialibus. §. 23. gl. 2. num. 8. cum duobus sequentibus: & §. 32. gl. 1. num. 85. Hæc de uicesima exceptione adquisititiōrū uen-

61. Except. ditorum cum suis replicationibus sint dicta. Porro si quis non suam, sed alienam rem uendiderit: potest uideri ius retractus cessare: cum nihil ex familia uenditoris sit discessurum. Sed hoc non obstante, exceptio ista controuertitur & distinguitur §. 1. gl. 2. num. 18. cum duobus sequentibus. de qua re uide item §. except. 3.

32. Except. Postremò retractus cessat, si res à testatore alienari prohibita sit uendita. Quamquam exceptio hæc controuertitur in fine libri num. 116. cum sequente. Hæc de tertio exceptionum genere

genere aduersus retractum, earum uidelicet quæ ex re uendita sunt desumptæ, sint dicta.

Sequitur quartum genus, earum uidelicet exceptionum, quæ sumuntur ex specie alienationis, qua res est alienata. licet enim emptionis ac uenditionis uocabulum latissimè pateat, ut omnem alienationē complecti uideatur, l. statuliberi. 29. in fine. ff. de statuliberis: tamen in actione proposita de uenditione propriè ac strictè sumpta intelligi debet. Ideoq; si ^{23. Except.} res alio quàm uenditionis titulo sit alienata, retractui locus non est. §. 1. gl. 2. num. 1. cum tribus sequentibus. Nisi alia species alienationis in fraudem retractus simuletur. Quæ distinctio controuertitur quidē, sed magis approbatur in præfatione libri num. 68. cum nouem sequentibus. Si tamen fraus nō principaliter ad excludendum retractum, sed ad damnum uitandum sit adhibita: dicendum, iam dictæ distinctiōi locum non esse. Quod approbatur & exemplis declaratur in d. præfatione, num. 78. cum tribus sequentibus. Sed & si alia specie alienatio- ^{Repl. 2.} nis res sit alienata, quæ uenditioni æquipollet: dicendum, dicta exceptione non obstante, retractui locum esse. §. 1. gl. 14. num. 1. quæ replicatio declarabitur per proximè sequentes replicationes, quæ huius sunt species. Si igitur res in solutum data sit, ^{Repl. 3.} cum solutio uenditioni æquipolleet: soluentis cognatis retractus non denegabitur. Quæ replicatio

controuertitur quidem, sed magis approbatur d.
 gl. 14. num. 2. cum quatuor sequentibus: & num. 91.
 cum septendecim sequentibus. Planè si fundus uel
 alia res immobilis in solutum detur pro debito,
 quod non in pecunia consistit, sed in alia specie: per
 mutationi magis quàm uenditioni hæc solutio æqui
 pollet. Ideoq; retractui in ea locus non est. d. gl. 14.
 num. 7. Cuius exemplum est in assignatione rei im
 mobilis pro annuo redditu: de quo tractatur d. gl. 14.
 num. 117. cum quinque sequentibus. Præterea si fun
 dus non à debitore, sed à iudice ex causa iudicati in
 solutum daretur, seu addiceretur: dicendum, quia
 hæc datio in solutum non est uoluntaria, sed neccs
 saria, retractui locum non esse. d. gl. 14. num. 8. cum
 tribus sequentibus. Nisi consuetudo in contrarium
 extaret. d. gl. 14. num. 12. cum quinque sequentibus.
 Vel, nisi facta subhastatione res non creditori, sed
 alij plus offerenti à iudice addiceretur. hæc enim
 non est datio in solutum, sed mera uenditio, in qua
 Repl. 4. retractui locus est. d. gl. 14. num. 18. Porro permu
 tatio quoq; uenditioni æquipollet. Ideoq; res ex cau
 sa permutationis alienata uidetur retractui subia
 cere. Sed hæc replicatio controuertitur, magisq; re
 probatur d. gl. 14. num. 28. cum undecim sequenti
 bus: & num. 112. Declaratur autem definitione per
 mutationis §. 30. gl. 1. num. 1. Planè admittitur re
 plicatio proposita, primùm quidem, si pro re im
 mobili

mobili res mobilis sit permutata. hoc enim casu locus est retractui. d. gl. 14. num. 40. cum quinque sequentibus. Deinde admittitur, si res æstimata ex causa permutationis data sit. nam æstimatio equiparatur uenditioni. d. gl. 14. num. 19. cum octo sequentibus. Tertiò admittitur, si permutatio in fraudem retractus facta sit. d. gl. 14. num. 27. in fine: & num. 46. in prin. de qua re dictum quoque §. repl. 1. Quartò admittitur, si pro fundo ex causa permutationis alienato partim species, partim pecunia sit recepta. hoc enim casu in fundo alienato retractui locus est. Quæ distinctio approbatur & subdistinguitur §. 30. gl. 1. num. 2. Eius autem duplicatio prima est: Si animus contrahentium potior fuit ad permutandum, quàm ad uendendum. d. num. 2. cū quatuor sequentibus. Altera duplicatio est: Si cum dubitetur de mente contrahentium, uocabulo permutationis, non uenditionis sint usi. d. gl. 1. num. 7. cum sequente. Tertia duplicatio est: Si paria sint species & pecunia. tunc enim in dubio permutatio magis quàm uenditio præsumitur. Quæ duplicatio controuertitur quidem, sed magis approbatur d. gl. 1. num. 13. cum sequentibus, usque ad finem glossæ. Hæc de quarta distinctione, qua replicatio proposita admittitur, eiusque duplicationibus sint dicta. Quintò admittitur replicatio proposita, si pro specie & species & pecunia data sit. hoc enim casu in specie

specie cum pecunia data locus est retractui. *Quæ* distinctio controuertitur, magisq; approbatur d. §. 30. gl. 2. num. 2. cum sequente. Hæc de quarta re-

Repl. 5. replicatione sint dicta. Quintæ replicationis loco notandum, si reus alium contractum, qui non subiacet retractui, apud acta notificauerit, quod uideatur in retractum consensisse: ideoq; exceptione proposita non adiuuetur. Verum replicatio hæc controuertitur, magisq; reprobatur §. 36. gl. 2. num. 48. cum quinque sequentibus. Admittitur tamen, si alius contractus de simulatione sit suspectus. d. gl. 2. num. 51. de quo etiam dictum §. repl. 1. Hæc de prima exceptione, ex specie alienationis desumpta, cum suis replicationibus sint dicta: cuius exceptionis species sunt aliquot exceptiones proximè sequen-

24. Except. tes. Est autem altera eius generis exceptio, si promissa tantum uenditio sit, non secuta. hoc enim casu retractui locus non est. *Quæ* exceptio controuertitur quidem, sed magis approbatur §. 1. gl. 2. num. 55. cum sequente. Nisi res post promissionem stipulatori sit tradita, et pro ea precium receptum. Nam hoc modo uidentur ipsam uenditionem per-

25. Except. fecisse. d. gl. 2. num. 57. et d. §. 1. gl. 14. num. 126. Si item res sit permutata, non esse locum retractui, nisi in certis quibusdam casibus, paulò superius est

26. Except. ostensum. Sic etiam, si res donata sit uel legata, retractus locum non habet. §. 1. gl. 14. num. 90. et

§. 25. gl. 2. num. 1. Planè si ita sit donatum, ut donatarius donatorem aleret, uideri potest retractui locus esse: cum sit donatio onerosa, & sic uenditioni similis. Sed replicatio hæc controuertitur, magisq; reprobatur d. §. 25. gl. 2. num. 2. Idem dicendum de donatione remuneratoria, reciproca, aut ob causam facta. Nam utrum etiam in hac locus sit retractui, controuertitur, magisq; negatur d. gl. 2. num. 3. Planè si res minoris uendita sit donandi animo, retractui locus est. Quod controuertitur quidem, sed magis approbatur & distinguitur §. 1. gl. 18. num. 11. cum septem sequentibus. Si insuper res ex causa transactionis detur, uel apud possessorem dimittatur, non uidetur retractus locum habere: cum hæc uenditio non sit. Sed controuertitur hæc exceptio atq; distinguitur §. 1. gl. 14. num. 60. cum quindecim sequentibus. Si item in diuisione rei communis uni tota res sit adiudicata, ut alteri dimidiæ partis precium soluat, uel aliam rem mobilem pro ea cedat: uidetur retractui locus non esse. Verum exceptio hæc in dubio relinquitur d. gl. 14. num. 76. cum duobus sequentibus. Sic etiam, si quis rem aliquam alicui cedat, ut cessionarius æs alienum cedentis suscipiat, eiusq; creditoribus satisfaciatur: uidetur actio proposita deneganda. Sed & hæc exceptio controuertitur & distinguitur d. gl. 14. num. 114. cum duobus sequentibus. Simi-

Repl. 1.

Repl. 2.

Repl. 3.

27. Except.

28. Except.

29. Except.

30. Except.

liter

liter si uasallus uel emphyteuta precio accepto ius suum domino renunciauerit : utrum retractui hoc casu locus sit, necne, controuertitur, magisq; affirmatur, & sic exceptio hæc reprobat d.gl.14.

31. Except. num.110. cum tribus sequentibus. Contra etiam, si dominus uestigialis uel alterius annui redditus accepto precio ius hoc suum remisit : utrum cognatis eius restituto precio retractus competat, necne, controuertitur & distinguitur in fine libri

32. Except. num.119. cum tribus sequentibus. Si item per compensationem res sit alienata : utrum retractui locus sit, necne, author nihil definit, sed ad alios lectorem

33. Except. remittit, §.1.gl.14.num.96. De locatione quoq; dubitatur, utrum in ea retractui sit locus. Quod controuertitur, & magis negatur, etiam in locatione ad longum tempus uel perpetua, d.gl.14.num.79. cum sex sequentibus : & num.89. in fine. Nisi pensio locationis non soluatur singulis annis, sed pro uniuerso locationis tempore soluatur unū premium. tunc enim magis uenditio est, & uidetur in ea retractus locum habere. Sed & hoc controuer-

34. Except. titur d.gl.14.num.86. cum tribus sequentibus. Si item res in emphyteusin, libellum aut censum detur, cuius scilicet pensio perpetua est, nec subiecta redemptioni: retractui locus esse negatur, §.33.gl.1.num.1. cum sequente. Nisi forte ab initio contractus ultra pensionem annuam premium detur pro ista pensione

pensione maius annua pensione. tunc enim uendi-
 tio censebitur, ut sit retractui locus. d. num. 1. uers.
 ubi hinc occasione sumpta queritur. Similiter re 35. Except.
 tractus nō habet locū in concessione in feudū. d. gl.
 14. num. 90. in fine. nec itē in causa dotis. Quæ ta 36. Except.
 mē exceptio cōtrouertitur, magisq; reprobat d.
 gl. 14. num. 91. cū octodecim sequentibus: præsertim
 si res immobilis æstimata in dotem data sit. d. gl. 14.
 num. 108. cum sequente. Et remissiue de causa dotis
 uide d. gl. 14. num. 90. ibi: ubi etiam tractant. In 37. Except.
 pignoris quoq; datione non est locus retractui, nisi
 res tanti sit pignorata, ut nulla spes supersit luitio-
 nis. d. gl. 14. num. 127. Vtrum uerò re à non do- 38. Except.
 mino uendita, et à possessore usucapta, cognatis do-
 mini ius retractus competat, controuertitur §. 1. gl.
 9. num. 249. cum sex sequentibus. Hæc de quarto
 exceptionum genere, earum uidelicet quæ ex spe-
 cie alienationis sumuntur, sint dicta.

Quintum genus est earum exceptionum, quæ
 sumuntur ex qualitate uenditionis. Cuius generis
 exceptio est: Si nulla uel inutilis sit uenditio: hoc 39. Except.
 enim casu retractui locus esse negatur, §. 1. gl. 2.
 num. 5. cum quatuor sequentibus. Quam tamen ex-
 ceptionem improbat author d. gl. 2. num. 11. eamq;
 distinguendam censet, si uenditor non utatur iure
 suo, uenditionem nullam dicendo: tunc enim retra-
 ctui locum esse affirmat, d. gl. 2. num. 10. Huius 40. Except.
 exceptionis

exceptionis species uideri potest uenditio rei alie-

41. Except. n^e. de qua dictum ē. except. 21. * Item prædictæ
exceptionis species est uenditio simulata. ea enim
pro nulla habetur: ideoq; retractus in ea locum nō

42. Except. habet. d. gl. 2. num. 12. cum quinq; sequentibus. Sic
etiam, si quis rem suam quasi alienam, puta eius cu-
ius negocia gerit, uendat, nulla est uenditio: ideoq;
retractui locus non est. d. gl. 2. num. 21. Hæc de quin-
to etiam exceptionum genere sint dicta.

Sexto loco sciendū, modū etiā uenditionis inter-
dū excipiendi materiā aduersus retractū suppedita

43. Except. re. Nam in uenditione sub conditione facta non
est locus retractui ante existentem conditionem. de

44. Except. quare j. except. 62. dicetur. Idem etiam nonnul-
li censent de uenditione sub modo facta, cum equi-
parentur conditio & modus. Quorum tamen sen-
tentiam refellit author §. 1. gl. 2. num. 34. cum se-

45. Except. quente. Sic etiam facta uenditione, ne dominium
rei uenditæ in emptorem transfiret, nisi prius solu-
to precio: uideri potest retractum non habere lo-
cum: quia nemo uidetur eam rem uendidisse, de cu-
ius dominio id agitur, ne ad emptorem transeat.

Sed hæc exceptio controuertitur, magisq; repro-
46. Except. batur d. gl. 2. num. 36. cum tribus sequentibus. Sic
etiam si uenditio sit facta hoc modo, ut si uendito-
ris cognatus rem uelit retrahere, res sit inempta:
retractui locus esse negatur. Quæ & ipsa exceptio

contro-

controuertitur, sed magis approbatur & distinguitur d. gl. 2. num. 59. cum duobus sequentibus. Si item uenditio facta sit cum pacto de reuendendo, uenditor eiusue hæres cognatis suis retrahere uolentibus præfertur, ut j. lib. prox. quæst. 5. reg. 6. dicetur. attamen uenditore nõ retrahente, pactum hoc cognatis eius non obstat, quo minus rem retrahere possint. §. 1. gl. 18. num. 41. item lib. 2. retractus. §. 2. gl. 1. num. 1. Præterea in uenditione ad tempus facta, puta ad uitam emptoris, aut aliud tempus, uidetur ius retractus non esse admittendum. §. 1. gl. 14. num. 38. cum sequente. Postremò, si res uendita sit pro pecunia à Principe reprobata, uidetur uenditio hæc nulla esse: cum pecunia publicam debeat habere authoritatem. Idcoq; retractus uidetur denegandus, per ea quæ 3. except. 39. dicta sunt. Sed istis non obstantibus, exceptio hæc reprobatur d. gl. 14. num. ult. Hæc de sexto genere exceptionum, ex modo uenditionis desumptarum, sint dicta.

Septimo loco sciendum, causam etiam uenditionis excipiendi materiam præbere. Nam multum uidetur interessere, utrum quis spontè uendiderit, an ad hoc ex aliqua causa obligatus: puta si promiserit, uel hæres à testatore iussus uendiderit. Siquidem hoc posteriore casu magis solutio uidetur quàm uenditio: cum liberandi animo uendat. Sed exce-

ptio hæc controuertitur, magisq; reprobatur d. gl. 14. num. 124. cum duobus sequentibus: item in fine libri num. 3. cum sex sequentibus. Alias autem in uenditione necessaria communiter negatur retractui locus esse, d. num. 3. uers. illud autem planum est. Hæc de causa uenditionis breuiter sint dicta: ad quod genus uideri potest referenda s. dicta exceptio 42. quasi per errorem facta uenditio non admittat retractum.

Octauo loco sciendum, adiuncta quoq; & antecedentia uenditionis interdum exceptionem aduersus retractum suppeditare. Nam si actor uenditioni consensum præbuit, postea non admittendus est ad retractum rei uēditæ. §. 1. gl. 9. num. 120. uers. quartus. item num. 133. cum septem sequentibus. ubi exceptio hæc controuertitur quidem, sed magis approbatur. Si tamen consensit nomine sui officij, puta tanquam testis, notarius uel cognatus uenditricis: dicendum est, consensum illi non præiudicare. d. gl. 9. num. 141. cum duobus sequentibus. Proinde si tanquam tutor aut curator uenditoris auctoritatem suam uenditioni præbuit: nihilominus postea ad retractum admittitur. d. gl. 9. num. 271. Quod etiam dicendum, si tanquam iudex decreuit bona debitoris uendenda, & subhastatione facta rem plus offerenti adiudicauit. d. gl. 9. num. 272. Si tamen uenditori tanquam aduocatus, uel procurator

tor aut consiliarius adfuit in uenditione: eo ipso uidetur sibi præiudicare, ut postea retrahere uolens non admittatur. d. gl. 9. num. 267. cum tribus sequentibus. Quod et de filio, qui rem patris uendidit, dicendum. in fine libri, num. 100. cum duobus sequentibus. item de eo qui pro euictione fideiussit. d. gl. 9. num. 158. et num. 273. item de eo qui instrumentum uenditionis scripsit. d. num. 158. aut ei subscripsit. d. gl. 9. num. 159. item de eo qui precium uenditionis recepit. d. gl. 9. num. 160. et qui emptori ut emeret persuasit. d. num. 158. Porro consentienti equiparatur, qui præsens in ipso contractu tacuit, nec ei contradixit. Nam qui tacet, consentire uidetur. l. item quæritur. §. penult. ff. locati. Sed hæc exceptio in retractu controuertitur, magisq; reprobat. d. gl. 9. num. 115. cum quinque sequentibus: et num. 148. cum octo sequentibus. Admittitur tamen exceptio hæc, primum quidem, si præsens dolose tacuit. d. gl. 9. num. 157. Deinde, si præter præsentiam aliquid fecit, quod consensum eius argueret: puta, si pro euictione intercessit, uel emptori persuasit ut emeret, instrumentum emptionis scripsit, uel precium recepit. d. gl. 9. num. 158. cum duobus sequentibus. Præterea si duo rem communem uendant, licet quilibet suam tantum partem censeatur uendere: tamen ad socij partem retrahendam, tanquam in eius quoque partis uenditionem consentiens, non

2. Excepta

13. Excepta

D 2

admittitur.

54. Except. admittitur. d. gl. 9. num. 256. cum sequente. Si itē actor ante uenditionem rem sibi à domino oblatam noluit emere: uidetur postea à rei uenditæ retractu exceptione repellendus. d. gl. 9. num. 114. & num. 120. uers. quintus. Sed hæc exceptio reprobatur d.
55. Except. gl. 9. num. 145. cum sequente. Planè si actor antea permiserit uenditori rem cui uelit uendere: postea retrahere uolens exceptione repellitur. Quæ exceptio controuertitur quidem, sed magis appro-
56. Except. batur d. gl. 9. num. 113. Similiter si actor promissit uenditori se non retracturum: postea agenti obstabit exceptio. d. gl. 9. num. 112. & num. 129. cum tribus sequentibus. Idq; multò magis dicendum, si emptori hoc promissit, uel alio modo retractui renunciauit. d. gl. 9. num. 111. & num. 120. cum quinque sequentibus: item in fine libri num. 39. cum duobus sequentibus. de qua exceptione uide item 3. except.
58. Except. 65. Re tamen semel uendita, & per actorem non retracta, si ea rursus ad uenditorem redierit, isq; eam iterum uendiderit: dicendum actori retrahere uolenti non obstare exceptionem prioris uenditionis non retractæ. Quanquam hoc controuertitur d. gl. 9. num. 161. cum duobus sequentibus. de qua re
59. Except. uide item 5. except. 20. repl. 16. & repl. 22. Postremo, si actor omnes suos adqueustus præsentis & futuros alteri donauit, ipse postea retractus iure uti non poterit: cum res retracta reditura sit ad donatarium

tarium extra familiam retrahentis: nisi fortè donatarius iste sit cognatus donatoris. §. 26. gl. 2. num. ult. Hæc de octauo etiam genere exceptionum, earum uidelicet quæ ex antecedentibus & adiunctis uenditionis sunt desumptæ, sint dicta.

Restat nonum & ultimum exceptionum genus, desumptarum ex consequentibus uenditionem. Harum prima est: Si res uendita nondum fuerit emptori tradita. hoc enim casu retrahere uolens exceptione uidetur repellendus. Quæ tamen exceptio controuertitur §. 1. gl. 2. num. 43. cum undecim sequentibus. Sed & retrahere uolens exceptione repellitur, si emptor & uenditor re adhuc integra discedant à uenditione. d. gl. 2. num. 54. Idq; multò magis dicendum, si pendente uenditionis conditione à uenditione discedant. d. gl. 2. num. 29. Secus dicendum, si res amplius non sit integra. hoc enim casu emptor & uenditor aëtori, cui ius est quasi-
 60. Except.
 61. Except.
 62. Except.

tum, suo distractu non præiudicant. Quod quidem controuertitur, sed magis approbatur d. gl. 2. num. 40. cum duobus sequentibus. Præterea pendente adhuc conditione uenditionis, retractui locus non est: quia interim non censetur perfecta uenditio.

Quamquam exceptio hæc controuertitur §. 1. gl. 2. num. 22. cum septem sequentibus: & gl. 10. num. 55. item lib. 2. §. 2. gl. unica, num. 85. cum tribus sequentibus. Planè si res fuerit tradita, quamuis nondum

54 DE RETRACTV

extiterit conditio uenditionis, proposita tamen exceptioni locus non est. d. gl. 2. num. 30. cum duobus sequentibus. Nisi fortè traditio etiam sub conditione fuerit facta: quod in dubio præsumitur, si non aliter sit dictum. d. gl. 2. num. 33. Illud non interest, quoad retractum attinet, utrum precium uenditionis ab emptore solutum sit, necne. nam utroque casu retractus locum habet. d. gl. 2. num. 62. Si autem uenditor emptori precium remiserit, quia uenditio in causam donationis transit, retractui locus non est. Quæ exceptio approbatur & distinguitur §. 1. gl. 14. num. 123. Si item actor iuri suo renunciauerit, retrahere postea uolens exceptione pacti conuenti de non petendo repellitur. §. 1. gl. 9. num. 111. item num. 120. cum sequente. Nec interest, utrum specialiter renunciauerit, an generaliter promiserit, nullam se controuersiam super re uendita facturum esse. d. gl. 9. num. 122. Nec item refert, quāuis renunciatio facta sit ante perfectam uenditionem, & sic iuri futuro. d. gl. 9. num. 123. cum duobus sequentibus: & num. 113. Sed etsi emptor, cui renunciatio facta est, rem alteri postea uendiderit: adhuc dicendum, exceptionem secundo emptori prodesse. d. gl. 9. num. 127. cum sequente. dummodò actor tanquam cognatus prioris, non posterioris uenditoris rem retrahere uelit: alioquin si tanquam cognatus posterioris uenditoris rem retrahat, dicendum

dum exceptionem ei non ob stare: quia conuentio facta super uno contractu non trahitur ad alium. d. gl. 9. num. 126. & num. 128. Illud non interest, siue ipsi emptori, siue alij renunciatio sit facta. nam & uenditori renunciatio facta, emptori prodest, ut §. except. 56. ostensum est. & remotiori cognato facta renunciatione, emptori non denegabitur exceptio. in fine libri, num. 39. cum duobus sequentibus. Quamuis item res adhuc sit integra, dicendum tamen est pœnitentie locum non esse, nec eum qui semel iuri suo renunciauit, ad retractum esse admitendum. Quanquam hoc controuertitur in fine libri num. 41. Porro renuncianti similis uidetur is, qui precium emptori oblatum & depositum postea recepit. unde postea retrahere uolens exceptione uidetur repellendus. Sed hæc exceptio reprobat. §. 7. gl. 3. num. 4. cum sequente. Si uero actor alteri ius suum cesserit, ipse postea retrahere uolens non est audiendus. §. 26. gl. 2. num. 14. quamuis inutiliter cessio ab eo sit facta. d. gl. 2. num. 5. cum octo sequentibus. ubi tamen hoc controuertitur & distinguitur. Planè si cesserit ius suum cognato suo remotiori, qui rem à se retractam postea alij uendit: dicendum est, cessionis exceptionem ipsi cedenti, qui rem secundò uenditam retrahere uolet, non ob stare. d. gl. 2. num. 15. Plura de hac exceptione uide J. quæst. prox. reg. 1. except. 20. Præterea si do

66. Excepta
reprobatur.

67. Excepta

68. Excepta

minus feudo uendito laudimia elegerit, postea illud retrahere uolens exceptione uidetur repellendus, cum unum eligendo, alteri uideatur renunciasse. Quæ tamen exceptio reprobatur cum distinctio-

69. Except. ne §. 24. gl. 1. num. 7. cum sequente. Sed & si coniecturis uel alio modo probari possit, actorem non sibi, sed alij rem retrahere uelle: non solum exceptione, sed etiam actione emptor ad rem retractam reuocandam iuuatur. §. 5. gl. 1. num. 3. cum sequente. Et si autem cognatus remotior rem ab emptore retraxit, nihilominus proximiori aduersus retractantem actio dabitur. §. 11. gl. 6. num. 1. cum sequente. perinde ac si remotiori esset uenditio facta: nam & hic aduersus proximiores retrahere uolentem exceptione non iuuatur, ut ostensum ē. except. 13.

70. Except. reprobatur.

71. Except. Si insuper semel hac actione actum sit, rursus agenti exceptio rei iudicatæ obstat: nisi cum antea maritus nomine uxoris egisset, postea ipsa uxor agat. hoc enim casu uxori rursus agenti non nocebit exceptio. §. 10. gl. 1. num. 21. ubi tamen nihil certi definitur, sed ad alios authores fit remissio. Sic etiam, quamuis proximiores uenditoris cognati egerint, ac succubuerint, nihilominus remotioribus postea agentibus, si modò collusionem probauerint, dabitur actio. §. 1. gl. 10. num. 122. Similiter si cum emptore actum sit, re iam ab ipso alienata, & postea cum possessore rei agatur, rursus agenti non obstat exceptio:

ceptio: quemadmodum contrà, si cum possessore ad-
 ctum sit, & prior emptor postea conueniatur, ei nō
 dabitur exceptio supradicta. §. 12. gl. 1. num. 26. Po-
 stre mò, si reus fuerit absolutus ob aliquam solenni-
 tatem ab actore ommissam: uidetur, si actor istum de-
 fectum intra tempus retractus supplauerit, quòd
 exceptio rei iudicatæ ei non debeat obesse. Quod ta-
 men controuertitur ac distinguitur per ea quæ ha-
 bentur paulò inferius except. 75. replic. 2. duplic. 3.
 Illud sanè emptori uel possessori hac actione con-
 uento exceptionē non suppeditat, si dicat sibi eius-
 dem rei nomine ab alio cōtrouersiam moueri, sicq;
 rem litigiosam esse factam, quæ pendente lite cedi
 non possit. nam uitium litigiosi non pertinet ad alie-
nationes necessarias, quæ habent causam ex præte-
rito . in fine libri num. 1. cum sequente. Porro si
 res empta perierit: haud dubiè emptor actione pro-
 posita non tenetur, nec ad rem, quæ non amplius
 extat, restituendam, nec ad eius æstimationem: cum
 casum fortuitum nemo teneatur præstare. Si ta-
 men culpa emptoris res perierit: uideri potest em-
 ptorem ad rei æstimationem teneri: quæ tamen re-
 plicatio controuertitur in fine libri num. 67. cum
 quatuor sequentibus. Planè si post oblatū ab acto-
 re premium, & sic post moram res perierit, haud du-
 b iè emptor ad æstimationem rei tenetur, etiam si ali-
 ter ipsius culpa res non perierit. ibidem num. 68. &

72. Except. res
 probatur.

73. Except.

Repl. 2.

Repl. 2.

Repl. 3. num. 69. in prim. Sed & si aliquid ex re, quæ perijt, supersit: ueluti domo exusta, superest area: ad id quod ex re superest, actio proposita non denegabitur. Quanquam & hoc controuertitur, magis tamen approbatur ibidem num. 72. cum tribus sequentibus. Sed hoc casu actor nõ integrum precium offerre tenetur, uerũ estimationẽ tantũ eius quod superest, arbitrio iudicis faciendam. Quanquam & hoc controuertitur ibidem num. 76. cum sequen-

74. Except. tc. Præterea exceptione actor repellitur, si non totam rem emptam, quæ extat, sed partem eius: aut pluribus rebus uno precio emptis, non omnes, sed quasdam ex ijs retrahere uelit. §. 23. gl. 1. num. 1. cum octodecim sequentibus. de qua tamẽ exceptione eiusq; replicationibus uide j. quæst. 9. reg. 4.

75. Except. Postremò, ut retractui locus sit, requiritur etiam omnia retractus solennia ab ipso actore impleri: alioquin exceptione actor repellitur. §. 8. cum sua gl. 1. num. 1. & gl. 7. num. 1. cum sequente. Quæ exceptio declaratur enumeratione solennium d. §. 8. de quibus copiosius uide j. quæst. 11. reg. 1. cum se-

Repl. 1. quentibus. Planẽ si emptor exceptionem hanc nõ opposuerit, præsumuntur omnia ritẽ ac solenniter

Repl. 2. acta. d. gl. 1. num. 2. Sed & si aliquid ex solennibus sit omiſsum, potest hic defectus postea coram iudice suppleri: dummodò tempus isti solennitati præ-

Dupl. 1. stitutum nondum effluxerit. d. gl. 1. num. 6. Nam eo elapso,

elapso, defectus non amplius potest suppleri: nec
 censebitur præscriptio per iudicium interrupta. §.
 8. gl. 7. num. 27. Item defectus amplius suppleri nō Dupl. 2.
 potest, si exceptio solennitatis omiſſæ ab emptore
 fuerit obiecta. d. num. 6. in fine: & d. gl. 7. num. 26.
 Multò minus potest, si sententia lata sit, emptorq; Dupl. 3.
 absolutus. nam hoc casu, quamuis tempora largian-
 tur, tamen actor non potest denuò facere oblatio-
 nem anteq omiſſam uel non rectè factam, nouumq;
 instituere processum, exceptione rei iudicatæ ob-
 stante. Quanquam hoc cōtrouertitur d. gl. 7. num.
 3. cum sequentibus, usq; ad num. 26. & lib. 2. retra-
 ctus, §. 4. gl. 8. num. unico. Planè si à sententia fue-
 rit appellatum, & tempus nondum effluxerit, defe-
 ctus pendente appellatione potest suppleri. d. gl. 7.
 num. ult. Hæc de septuagesimaquinta exceptio-
 ne breuiter sint dicta: cuius species, harumq; re-
 plicationes plures uide j. d. quæst. 11. Sed & eius spe-
 cies uideri potest, si intra legitimum tempus actio 76. Except.
 non fuerit in iudicium deducta. de qua specie dice-
 tur j. quæst. 10. reg. 2. Item eius species est, si actor, 77. Excepto
 cum reum citari fecisset, ipse die præstituto non ad-
 fuerit in iudicio. hoc enim casu, quamuis post diem
 illum elapsu in iudicio compareat, uidetur exce-
 ptione repellendus. Sed exceptio hæc controuerti-
 tur §. 8. gl. 2. num. 9. cum quinq;
 sequentibus.

Replica-

Replicationes generales præcedentium exceptionum.

Hactenus exceptiones aduersus retractum municipalem, ex causa ipsius desumptas, enumerauimus. quarum generalis replicatio prima est: Si emptor pretium oblatum accepit, seq; actorem ad retractum admissurum esse dixit. hoc enim casu istis exceptionibus, quas habuit, renunciasse uidetur. in fine libri num. 36. cum sequente. Altera replicatio est: Si emptor actori denunciauit, ut ad retractum ueniret. §. 1. gl. 10. num. 20. Cuius duplicatio est: Si ignorans exceptionem sibi competere denunciauit. d. gl. 10. num. 21. cum sequente. Quæ duplicatio etiam dictæ primæ replicationi potest opponi. Hæc de causa propositæ actionis, eiusq; exceptionibus sint dicta.

V. QVIBVS ACTIO PROPOSITA competit?

I. Regula: Datur hæc actio cognatis ipsius uenditoris, ut s. quæst. prox. in prin. est ostensum. Cognati autẽ more Gallico linearij appellantur, quòd sint eiusdem lineæ, §. 1. gl. 9. num. 1. cum duobus sequentibus. Item appellantur consanguinei, d. gl. 9. num. 3. cum quatuor sequentibus. Item propinqui, d. gl. 9. num. 8. cum duobus sequentibus. Item cognati, d. gl. 9. num. 11. cum sequente. Item necessarij, d. gl. 9. num.

9.num.13.cum sequente. Item proximi, d.gl.9.num.15. cum sequente. Item gentiles, d.gl.9.num.17. cum sequente. Item tribules à nonnullis uocantur, d.gl.9.num.19. Item affines, d.gl.9.num.20. Item parentes, §.1.gl.8.num.1. cum duobus sequentibus. **Ab 1.Except.** hac regula uidentur primùm excipiendi parentes uenditoris. Quæ tamen exceptio controuertitur, magisq; reprobatur in fine libri num.92. cum sequente. Deinde excipiendi uidetur cognati, qui **2.Except.** uenditori hæredes existunt. Sed & hæc exceptio controuertitur, magisq; reprobatur §.1.gl.9.num.48. cum decem sequentibus: item in fine libri num.104. Idq; multò magis dicendum, si uenditor adhuc uiuat. Nam quamuis filius uel alius cognatus eius post mortem uenditori sit successurus, hoc illi nō obstat, quo minus rem uenditam retrahere possit. d.gl.9.num.47. Tertiò excipiendus uidetur **3.Except.** filiusfamiliæ uenditoris, qui nulla adhuc bona habet. Sed & hæc exceptio controuertitur, magisq; reprobatur d.gl.9.num.59. cum septendecim sequentibus. Quartò excipiendi uidentur cognati re- **4.Except.** motiores, quos alij gradu præcedunt. Sed hæc quoque exceptio reprobatur d.gl.9.num.21. cum sequente: item num.26. & §.14. in prin. Admittitur tamen exceptio hæc, si alius proximior cognatus rem uelit retrahere: hic enim remotioribus præferendus, eosq; excludit. §.11. in prin. & gl.2. num.1.

Declaratur

Declaratur hæc distinctio definitione proximi d.

Repl. 1. §. 11. gl. 1. num. 1. cum tribus sequentibus. Cuius replicatio prima est: Si non probauerit se esse proximum. Quæ replicatio controuertitur d. gl. 1. num.

Repl. 2. 5. cum quinque sequentibus. Altera replicatio uidetur: Si dubitetur de uita alterius, qui proximior est, si uiueret. hoc enim casu, nisi proximus illū probet esse mortuum, non admittitur. Quæ tamen re-

Repl. 3. plicatio etiam controuertitur d. gl. 1. num. 11. Tertia replicatio est: Si proximus uenditoris cognatus non sit proximus ei, à quo res uendita primum processit. Quæ & ipsa replicatio controuertitur, magisq; reprobat d. gl. 1. num. 12. cum octo sequentibus: & §. 14. gl. 1. num. 1. Admittitur tamen, si alius quamuis remotior ex ea linea, ex qua res processit, ad retractū ueniat. nam hic alij, quamuis proximiori, præfertur. §. 14. gl. 2. num. 1. cum tredecim sequentibus. Ratione huius replicationis cognati à patre paterna, & cognati à matre materna bona retrahunt, & non uiceuersa. d. gl. 2. num. 2. cum duodecim sequentibus. Cuius replicationis duplicatio prima est: Nisi diuisione inter duos fratres facta, uni paterna, alteri materna bona cesserint, & unus ex ijs bona quæ sibi obuenerunt, uendiderit. hoc enim casu tam à patre quàm à matre cognati simul ad retractum admittuntur. d. gl. 2. num. 15. Altera duplicatio est in bonis à uenditore acquisitis. in
his

his enim etiam simul admittuntur. §. 32. **Quarta** Repl. 4.
 replicatio est: Si proximior tempore uenditionis
 nondum fuerit natus. Quæ replicatio controuerti-
tur d. §. 11. gl. 2. num. 2. item §. 1. gl. 9. num. 99. cum
septem sequentibus. **Quinta** replicatio est: Si a- Repl. 5.
 ctor æque proximus sit ac alius. tunc enim ab alio
 non excluditur: sed si uterq; diuersis iudicijs agant,
 ei qui prior uincit, res cedenda est, cautione indem-
 nitatis ab eo exacta. d. §. 11. gl. 3. num. unico. & cæ-
 teris, qui sunt eiusdem gradus, aduersus uincentem
 pro rata competit actio. §. 11. gl. 10. num. 6. uers. nã
 si nondum. Plura de replicatione proposita uide §.
 reg. prox. **Sexta** replicatio est: Si remotior prius Repl. 6.
 egerit quàm proximior. hoc enim casu à proximio-

 re non excluditur. Quæ replicatio controuertitur
quidem, sed magis approbatur §. 11. gl. 4. num. 1. cū
tribus sequentibus. **Septima** replicatio est: Si pro Repl. 7.
 ximior in successione non esset præferendus. §. 13.
 gl. 1. num. 1. **Octaua** replicatio est: Si proximior Repl. 8.
 à remotiore interrogatus respondit, se nolle retra-
 here. Quæ replicatio controuertitur & distingui-
tur in fine libri num. 39. cum duobus sequentibus. Repl. 9.
Nona replicatio est: Si proximior ius suum alteri
 cesserit. §. 26. gl. 1. num. 32. Controuertitur tamen d.
§. 26. gl. 2. num. 5. cum decem sequentibus. de qua re-
plicatione uide item §. except. 20. **Decima** repli- Repl. 10.
 catio uidetur: Si remotiori cessio huius iuris à
 proxi-

uertitur, magisq; reprobatur §.1.gl.9.num.179. cū
 sequentibus, usq; ad num.247. Planè admittitur in
 foeminis uenditori nō successuris d.gl.9.num.245.
 & d. §.1.gl.8.num.13. Decimò excipiuntur cle- 10. Except.
 rici & alij religiosi. d.gl.8.num.19. Cuius repli-
 catio prima est: Si uēditori possent succedere. Quæ
 replicatio controuertitur d.num.19. uers. quod si
 succederent, usq; ad finem. Altera replicatio est:
 Si ingressus monasteriū nondum sit professus. Quæ
 replicatio controuertitur d.gl.8.num.21. cum no-
 uendecim sequentibus. Tertia replicatio est in
 clerico seculari. d.gl.8.num.41. Cuius duplicatio
 est: Si statutum clericos à retractu excluderet. d.gl.
 8.num.42. cum sequente. Vndecimò excipiuntur 11. Except.
 ingrati aduersus ipsum uenditorē. d.gl.8.num.44.
 & num.49. Duodecimò excipiuntur exhære- 12. Except.
 dati d.gl.8.num.45. Cuius replicatio prima est:
 Si ab alio quàm uenditore sint exhæredati. d.gl.8.
 num.46. cum sequente. Huius duplicatio est: Si
 ab alio exhæredatus ex persona exhæredantis suc-
 cederet uenditori. d.gl.8.num.48. Altera repli-
 catio est: Si citra ingratitudinem sit exhæredatus.
 de qua uide §. except.8. repl.2. Decimotertiò ex- 13. Except.
 cipiuntur banniti. Quæ exceptio controuertitur §.
 1.gl.9.num.27. cū duobus sequentibus. Decimo- 14. Except.
 quartò excipiuntur excommunicati. Sed & hæc
 exceptio controuertitur, magisq; reprobatur d.gl.

- 9.num.176. cum sex sequentibus. ubi multa alia de
 15. Except. excommunicatione ex historijs adducuntur. Decimoquintò excipiuntur, qui tempore uenditionis nondum sunt nati. Quæ exceptio controuertitur
16. Except. d. gl. 9. num. 77. cum quatuor sequentibus. Decimosextò excipiuntur, qui post uenditionem demū sunt concepti. Quæ exceptio controuertitur, sed magis approbatur d. gl. 9. num. 82. cum quatuordecim sequentibus. Cuius replicatio est: Si pendente die uel conditione uenditionis sint cōcepti. Quæ replicatio controuertitur d. gl. 9. num. 97. cum se-
17. Except. quente. Decimosseptimò excipiuntur ij qui emere non possunt, seu rei uenditæ sunt incapaces. d. gl. 9. num. 176. cum sequente. Contradicit d. gl. 9. num. 164. in fine, cum aliquot sequentibus: ubi hoc in exemplis controuertitur. Planè huius exceptionis replicatio est: Si feudo à uasallo uendito, dominus directus cognato incapaci permiserit retrahere. d. gl. 9. num. 177. uers. at si princeps non impe-
18. Except. diat. Decimooctauò excipiuntur forenses seu extranei, qui stante statuto ne extraneis liceat alienare, non habitant eo loco, in quo res uendita sita est. Quæ exceptio cōtrouertitur d. gl. 9. num. 164. cum
19. Except. undecim sequentibus. Decimononò excipiendi uidentur, qui cognato uenditoris in uenditionem consentienti hæredes extiterunt. Sed reprobatur
20. Except. hæc exceptio d. gl. 9. num. 144. Vicefimò excipiuntur,

piuntur, qui ius suum alteri cesserunt. Quæ exceptio controuertitur §. 26. gl. 1. num. 32. uers. sed an sibi. item gl. 2. num. 5. cum decem sequētibus. de qua tamen exceptione uide item §. except. 4. repl. 9. itē §. quæst. prox. 4. except. 67. Vicesimoprimum exci- 21. Except.
piuntur ij, qui omnia bona sua, præsentia & futura, alteri donauerint. de qua exceptione uide §. quæst. prox. except. 59. Hæc de prima regula, cuius plures exceptiones licet colligere ex regulis sequentibus.

II. Regula, De pluribus cognatis simul agentibus. Plures cognati uēditoris, qui sunt eiusdem gradus, simul hac actione agere possunt, singuli scilicet pro rata. §. 1. gl. 9. num. 178. & §. 11. gl. 10. num. 1. cū duobus sequentibus. Planè huius regulæ exceptio prima hæc est: Nisi res retrahenda sit indiuidua. tunc enim præoccupanti in solidum competit actio. d. gl. 10. num. 4. cum sequente. Altera exceptio est: Si alij agere nolint. tūc enim unus in solidum admittitur. §. 11. gl. 11. num. 1. Tertia exceptio est: Si plures sint diuersi gradus. tunc enim remotiores gradu per proximiores à retractu excluduntur. Quæ exceptio approbatur simul & distinguitur per ea quæ proposita sunt §. reg. prox. except. 4. Sed & eius replicatio hæc est: Si gradu remotiores defuncti parentis sui personam repræsentent: ut filij fratrum, qui cum patruo suo admit-

tuntur iure representationis. d. §. 11. gl. 9. num. 1. cū tribus sequentibus: ubi replicatio hæc controuertitur. Huius replicationis duplicatio prima est: Si is qui personam parentis sui uult representare, uiuo parente, quem uult representare, nondum fuerit conceptus. Hæc duplicatio controuertitur, magisq; reprobat. d. gl. 9. num. 5. cum sequente. Altera duplicatio est, quòd ij qui iure representationis ad retractum admittuntur, non pro rata cum cæteris cognatis admittantur, sed partem tantum, quam parens ipsorum retracturus fuisset si uiueret, retrahant. d. §. 11. gl. 12. num. 2. in fine. Quarta propositæ regulæ exceptio est: Si plures cognati simul agere uolentes ex diuersis parentibus sint nati. tunc enim non pro rata, sed in stirpes ad retractum admittendi sunt. d. gl. 12. num. 1. Huius replicatio est in collateralibus cognatis, qui in capita, seu pro rata admittuntur, licet ex diuersis parentibus sint orti. d. gl. 12. num. 2. Cuius duplicatio est in consobrinis & patruelibus ipsius uenditoris. hi enim in stirpes, non in capita uidentur admittendi. Quæ tamen duplicatio controuertitur d. gl. 2. num. 1. in prin. et num. 2. uers. at in successionem. item num. 3. cum tribus sequentibus. Hæc de secunda regula.

III. Regula, De adoptiuis cognatis. His ius retractus non cõpetit. §. 1. gl. 3. num. 16. cum sequente.

IIII. Regula, De cognatis spiritualibus. Nec hisce

hisc̃ competit ius retractus. d. gl. 8. num. 18.

V. Regula, De Ecclesia seu monasterio, quod cognatus, cui ius retractus cōpetit, est ingressus. Huic idem ius non competit. d. gl. 8. num. 20. Vide insuper s̃. reg. 1. except. 10.

VI. Regula, De patre cognati. Huic tanquam ad ministratori nomine filij sui, qui ad postulandum est inhabilis, actio non denegabitur. §. 1. gl. 9. num. 75. & gl. 10. num. 98. & num. 101. Cuius exceptio prima est: Nisi pater sine mentione filij agat. §. 10. gl. 1. num. 3. uers. & de patre. Altera exceptio est: Si filius nondū sit natus, sed adhuc in utero. de qua re uide s̃. reg. 1. except. 15. & except. 16.

VII. Regula, De ipso uenditore. Huic actio proposita non datur. Quæ regula controuertitur quidem, sed magis approbatur §. 1. gl. 9. num. 30. cum undecim sequentibus. Cuius exceptio prima est: Si nomine filij sui impuberis uenditor agat. Quæ exceptio approbatur simul & distinguitur per ea quæ proposita sunt s̃. reg. prox. Altera exceptio est: Si statuto alienatio prohibita sit. hoc enim casu alienans eam potest retractare. Quæ exceptio controuertitur d. gl. 9. num. 42. cum sequente. Tertia exceptio est: Si uenditione cognato uenditoris facta, emptor illam rem alij postea uendiderit. hoc enim casu priori uenditori actio nōn est deneganda. d. gl. 9. num. 44. cum sequente. Cuius replica-

tio est: Si uenditio posterior non spontè, sed ex necessitate retractus facta sit cognato proximiori. d. num. 44. in fine. Quarta exceptio est: Si uenditione extraneo facta, cognatus uenditoris rem retraxerit, eamq; postea rursus uēdiderit. nam & hoc casu priori uenditori non est actio deneganda. d. gl. 9. num. 46. Quinta exceptio est: Si quis cum nō suam, sed cognati sui rem uendidisset, postea cognato suo, cuius res fuit, hāeres extiterit. Quæ exceptio controuertitur in fine libri num. 100. cum duobus sequentibus. Sexta exceptio est: Si uenditor tanquā hāeres cognati sui, cui ius retractus competit, rem uelit retrahere. Quæ exceptio controuertitur, magisq; reprobatur in fine libri num. 103. cum duobus sequentibus.

VIII. Regula, De cognatis prioris & posterioris uenditoris. Si emptor rem rursus uendiderit: ipsius, non prioris uenditoris cognatis ius retractus competit. Quæ regula approbatur §. 1. gl. 10. num. 35. uers. quartum illo casu. Cuius exceptio est: Si tempus prioris retractus prioris uenditoris cognatis non sit finitum. tunc enim prioris uenditoris cognati posterioris uenditoris cognatis præferuntur. d. uers. quartum. & §. 11. gl. 5. num. unico.

IX. Regula, Si plures, ueluti maritus & uxor, rem uendant: utriusq; cognatis actio competit. §. 1. gl. 9. num. 110. item §. 31. gl. 1. num. 1. item §. 32. gl. 1. num.

num.100.in fine: & num.102.in fine. Cuius exceptio est: Si res uendita unius tantum sit ex uenditoribus, non utriq; communis. tunc enim eius tantum cognatis, cuius res est, competit retractus. d. num.110. & d.gl.9.num.266. item d. §.31.gl.1.num.2.cum sequente.

X.Regula: Si quis non suam, sed alienam rem consensu domini uendiderit: non uenditoris, sed domini cognatis ius retractus competit, exemplo dotis à marito uenditæ. §.1.gl.9.num.107. cum duobus sequentibus: ubi hoc cōtrouertitur. Sed & controvertitur §.32.gl.1.num.101.

XI.Regula: Si quis rem communem uendiderit, cognatis utriusq; socij competit ius retractus: nisi maritus bona constante matrimonio acquisita uendiderit. hoc enim casu, quamuis communia sint marito & uxori, tamen uxoris cognatis non competit actio. Quod quidem controuertitur, magis tamen approbatur §.32.gl.1.num.100. cum duobus sequentibus.

XII.Regula, De adfinibus uenditoris. His non competit ius retractus. §.14.gl.2.num.16. cum tribus sequentibus: & §.10. gl.1. num.2. cum sequente.

XIII.Regula, De heredibus cognatorum uenditoris. His quoq; idem ius competit, quod defunctis competit. in fine libri, num.ult.in fine. Cu-

ius exceptio prima est: Si extraneus sit hæres ex testamento. §. 26. gl. 1. num. 4. cum sequente, & num. 40. item in fine libri, num. 105. Cuius replicatio est: Si hæres extraneus etiam ab intestato successurus fuisset defuncto. Quæ replicatio controuertitur, sed magis approbatur d. gl. 1. num. 6. cum tribus sequentibus. Altera exceptio est: Si uenditor ipse sit hæres eius, cui ius retractus competit. Quæ exceptio controuertitur, magisq; approbatur in fine libri, num. 103. cum duobus sequentibus. de qua re dictum quoq; §. reg. 7. except. 6.

XIIII. Regula, De eo cui à cognato uenditoris hæc actio cessat. Huic actio non competit: cum ius hoc cedi non possit. §. 26. gl. 1. num. 1. cum tribus sequentibus. Nam ius hoc introductum est, ne res exeat de genere seu familia. d. gl. 1. num. 41. cum tribus sequentibus. Huius regulæ exceptio prima est: Si extraneus sit hæres cognati ex testamento, qui etiam ab intestato ei erat successurus. de qua re dictum §. reg. prox. except. 1. repl. 1. Altera exceptio est: Si unus tantum cognatus uenditoris supersit. hic enim ius suum extraneo cedere non prohibetur. Quæ exceptio controuertitur, magisq; reprobat d. gl. 1. num. 10. cum sequente. Tertia exceptio est: Si cognatus, qui non est soluendo, creditori suo ius hoc in solutum cedat, uel creditor id ex causa iudicati capiat. Quæ exceptio controuertitur

titur quidem, sed magis approbatur d.gl.1.num.12. cum tribus sequentibus. Quarta exceptio est: Si ob necessitatem famis cognatus hoc ius alteri cesserit uel uendiderit. d.gl.1.num.16. cum quindecim sequentibus. Quinta exceptio est: Si alius uenditoris cognatus non retrahat. hoc enim casu uidetur cessionario actio hæc deneganda non esse. d.gl.1. num.10. cum sequente: & num.32. in fine. Sexta exceptio est: Si cedēs ius retractus, simul etiam rem ipsam cesserit, cuius nomine retractus ei competit: puta si habeat ius retractus ob uicinum prædium, uel ob communionem rei, prædium hoc uel partem suam in re communis simul cum retractus iure extraneo cesserit. d.gl.1.num.39. cum sequente. Septima exceptio est: Si alij uenditoris cognato cessio sit facta. §.26. gl.2. num.1. Cuius replicatio prima est: Si alius proximior ipso cessionario retrahere uelit. d.gl.2. num.2. cum duobus sequentibus. Altera replicatio est: Si cessionarius non doceat se cognatum esse uenditoris. d.gl.2. num.16.

XV. Regula, De marito uxoris nomine agente. Huic quoq; competit actio. §.10. gl.1. & unica, num.1. de qua regula uide plura j. quæst.11. reg.4. except.1. repl.6.

XVI. Regula: Vxori sine consensu uel auctoritate mariti hæc actio non competit. Quæ regula controuertitur & distinguitur §.10. gl.1. num.26. cum seq.

XVII. Regula, De domino feudi alienati. Huic quoq; ius retractus competit. Quæ regula approbatur simul & distinguitur in tractatu meo feudali cap. 5. quæst. 1. causa 34. replicat. generali 2.

XVIII. Regula: Emphyteusi quoq; uendita, domino directo retractus nō denegatur, per ea quæ habentur M. I. C. lib. 19. cap. 9. quæst. 6. causa 3. & M. I. R. lib. 5. cap. 7. reg. 22.

XIX. Regula: Vicino quoq; ius retractus competit ex constitutione Imp. FridERICI de iure promiscuos, & ex speciali loci consuetudine.

XX. Regula, De socio rei uenditæ. Huic etiam ex dicta constitutione ius retractus competit.

XXI. Regula, De socio omnium bonorum adquirentis. Huic quoq; intra annum à soluta societate competit ius retractus in parte alteri socio adquisita, oblato pro rata precio. de qua re uide j. quæst. 12. reg. 12.

XXII. Regula, De eo cui testator ius retractus in testamento legauit. Huic quoq; competit ius retractus, ita ut cognatis uenditoris sit præferendus, etiam non oblato precio. Quæ regula controuertitur in fine libri num. 116. cum sequente.

VI. ADVERSVS QVOS
competit actio propo-
sita?

Regulariter hæc actio non nisi aduersus emptorem

rem cōpetit. Cuius exceptio prima est: Nisi emptor rem rursus alienauerit. tunc enim aduersus possessorem, non priorem emptorem competit. §. 8. gl. 5. num. 6. cum duobus sequentibus: & §. 12. gl. 1. num. 1. cum duobus sequentibus: & num. 26. item §. 27. Huius exceptionis replicatio prima est: Nisi prior emptor, postquam in ius uocatus est, eam rem rursus alienauerit. tunc enim aduersus ipsum actio non denegabitur. §. 11. gl. 5. num. 1. uers. modò id fiat sine fraude. & §. 12. gl. 1. num. 4. uers. nisi (inquiunt) & num. 27. Altera replicatio uidetur: Nisi possessor titulo donationis rē possideat. Quæ replicatio controuertitur, magisq; reprobatur d. gl. 1. num. 4. cū sequente. Tertia replicatio est: Nisi res emptori à possessore sit eucta. Quæ replicatio approbatur simul & distinguitur d. gl. 1. num. ult. Quarta replicatio est: Nisi actor ignoret quis rem possideat. §. 27. & §. 28. cum sua glossa. Hæc de prima propositæ regulæ exceptione. Altera eius exceptio est: Nisi emptor mortuus sit. tunc enim aduersus ipsius heredem competit actio. §. 1. gl. 13. num. 14. Tertia exceptio est: Nisi emptor uel possessor minorēnis sit. tunc enim aduersus ipsius tutorem uel curatorem competit actio. d. gl. 13. num. 24.

VII. PER QVOS COMPETIT HÆC ACTIO?

Etiam per alium competit: puta per patrem cognati,

gnati, ut 5. quæst. 5. reg. 6. item per maritum, ut d. quæst. 5. reg. 15. item per procuratorem, ut 7. quæst. 11. reg. 4. except. 1. repl. 1. cum aliquot sequentibus, ostensum.

VIII. APVD QVEM competit?

I. Regula: Tam rei uenditæ quàm emptoris iudex pro arbitrio actoris potest adiri. Quæ regula controuertitur quidem, magis tamen approbatur §. 8. gl. 5. num. 1. cum quatuordecim sequentibus.

II. Regula: Si alibi emptor domicilium habeat, & alibi habitet, in loco domicilij conueniri potest. d. gl. 5. num. 22.

III. Regula: Clericus emptor tam apud ciuilem quàm ecclesiasticum iudicem potest cõueniri. Quæ regula controuertitur d. gl. 5. num. 16.

IIII. Regula: Si plures res diuersarum iurisdictionum uno cõtractu uenditæ sunt: is iudex adeundus, in cuius iurisdictione res principalis sita est, cuius aliæ sunt accessiones: aut si æquæ principales sunt, is iudex adeundus, in cuius iurisdictione maior pars est rerum uenditarum. Quæ regula controuertitur quidem, sed magis approbatur d. gl. 5. num. 17. & §. 36. gl. 3. num. 1. cum duodecim sequentibus.

IX. QVID QVANTVM QVE VENIAT IN HAC ACTIONE PETENDUM?

I. Regula: Fructus quoq; à tempore litis contestatæ

*te ueniunt restituendi. §. 15. Quæ regula declaratur definitione fructuum d. §. 15. gl. 1. num. 27. Item declaratur definitione litis contestationis d. §. 15. gl. 2. num. 1. cum sequente. Huius regulæ exceptio prima est: Si reus fructus non perceperit. Cuius replicatio est: Si ab actore uel alio diligente patrefamiliâs percipi potuerunt. d. gl. 1. num. 28. Altera exceptio est: Si emptor sua industria & artificio uberriores fructus perceperit. d. gl. 1. num. 29. Tertia exceptio est: Si fructus ante litem contestatam fuerint percepti. d. §. 15. gl. 2. num. 3. Cuius replicatio prima est: Si post oblationem uel citationem factam fructus fuerint percepti. Quæ tamen replicatio reprobat d. gl. 2. num. 4. Altera replicatio est: Si tempore oblationis fructus pendeant. hi enim inter actorem & reum ueniunt diuidendi. d. gl. 2. num. 20. de quo tamen uariant consuetudines lib. 2. retractus. §. 5. gl. 1. num. unico. De qua re uide item 3. lib. prox. quæst. 8. reg. 2. except. 4. Tertia replicatio est in retractu cõventionali. hoc enim casu fructus debentur statim à tempore oblationis. Quæ replicatio controuertitur quidem, sed magis approbatur d. gl. 2. num. 15. cum sequente. Quarta replicatio est: Si cõtractus ob id, quia sit uitiosus, rescindatur. in fine libri, num. 58. Quinta replicatio est: Si reus sua contumacia moratus sit litis contestationem. d. gl. 2. num. 5. cum duobus sequentibus. Cuius du
plicatio*

plicatio prima est: Si reus iustam habuerit exceptionem dilatoriam. d. gl. 2. num. 8. Altera duplicatio est: Si nam si reus moram non fecisset, tamen per iudicem uel actorem stetisset, quo minus lis fuisset contestata. d. gl. 2. num. 9. cum quinque sequentibus. Hæc de tertia exceptione, eiusque replicationibus sint dicta. Quarta exceptio est: Si actor post litem contestatam intra triennium non fuerit causam prosecutus. eius enim temporis fructus non debentur, quamuis actor ad causam ipsam in integrum restituatur. Quæ exceptio controuertitur quidem, sed magis approbatur d. gl. 2. num. 17. cum duobus sequentibus. Quinta exceptio est in fructibus tempore litis contestationis pendentibus. hi enim inter actorem & reum pro rata temporis sunt diuidendi. d. gl. 2. num. 21. Sexta exceptio uidetur: Si reus sit minorennis. Quæ exceptio reprobat in fine libri num. 58. Septima exceptio est, Quod fructus restituendi minuuntur deductione sumptuum in fructus factorum. §. 15. gl. 1. num. 1. Cuius replicatio prima uidetur in male fidei possessore, quod is non deducat sumptus. Quæ tamen replicatio reprobat d. gl. 1. num. 2. uers. subditurque. & num. 8. uers. sed alijs iuribus. & num. 21. uers. nam & prædo. Altera replicatio uidetur: Si reus iubeatur integros fructus restituere. Quæ tamen replicatio est controuersa d. num. 8. cum sequente. Tertia
replicatio

replicatio est in solutione decimarum, in qua sumptus non deducuntur. d.gl.1.num.10. Cuius duplicatio prima est in decimis non prædialibus, sed personalibus, seu alicuius negotiationis. d.gl.1.num.14. Altera duplicatio est in decimis, quæ Papæ debentur. Quæ duplicatio controuertitur d.gl.1.num.15. Quarta replicatio uidetur in solutione fructuum fisco facienda. Quæ tamen replicatio controuertitur, magisq; reprobatur d.gl.1.num.11. cum sequente. Quinta replicatio uidetur in solutione fructuum Ecclesiæ facienda. Quæ et ipsa controuertitur, magisq; reprobatur d.gl.1.num.13. Sexta replicatio est in legato fructuum, ex quo impensæ non deducendæ. d.gl.1.num.16. Septima replicatio est: Si certa quantitas uel mensura fructuum ex aliquo prædio debeatur. d.gl.1.num.17. Et num.19. cum sequente. Octaua replicatio est: Si fructus pendentes siue extantes in aliquo agro donentur, uel ex alia dispositione debeantur. hic enim sine deductione impensarum soluendi sunt. d.gl.1.num.18. Nona replicatio est: Si reus suis sumptibus conditionem fructuum fecerit deteriore: puta si fructus immaturos decerpserit. d.gl.1.num.21. Decima replicatio est: Si quis certam partem fructuum, puta dimidiam uel tertiam, uendiderit. d.gl.1.num.22. Vndecima replicatio est: Si aliquid iubeatur solui ex fructibus, puta sex denarij pro libra.

bra. d. gl. 1. num. 23. Duodecima replicatio est in sumptibus non quærendorū colligendorūmuc fructuum causa factis, sed ad perpetuam prædij utilitatem. Quæ replicatio cōtrouertitur d. gl. 1. num. 24. Decimatertia replicatio est in sumptibus pro custodia agri, domus aut castri factis, ne à furibus uel hostibus fructus diriperentur. Quæ replicatio cōtrouertitur d. gl. 1. num. 25. Decimaquarta replicatio est in sumptibus boum coëmptorum factis. d. gl. 1. num. 26. Decimaquinta replicatio est: Si reus fructus integros, non deductis sumptibus, uel exceptione sumptuum non opposita, restituit. Quæ replicatio reprobatu d. gl. 1. num. ult. & lib. 2. §. 7. gl. 1. num. 7. Hæc de septima exceptione. Octaua propositæ regulæ exceptio est, quòd fructus minuuntur deductione præcij operarum ipsius emptoris. d. §. 15. gl. 1. num. 30. Hæc de prima regula.

I I. Regula, De usufructu, qui proprietati uenditæ accessit. Hic quoq; actione proposita peti potest. in fine libri, num. 112. Cuius regulæ exceptio prima est: Si emptor proprietatis usumfructum etiam ab usufructuario emerit. d. fine libri, num. 113. uers. aut emit ab alio. Huius replicatio est: Si ab eo, à quo proprietatem emerat, usumfructum quoque emerit. hoc enim casu plena proprietatis uenit restituenda, refuso tam proprietatis quàm ususfructus precio. d. num. 113. uers. cum uerò. Altera exceptio est:

est: Si usufructuarius emerit proprietatē. hoc enim casu, quamuis extinctus sit usufructus, & cū proprietate consolidatus: tamen nō nisi proprietās uendita peti potest. Quæ exceptio controuertitur quidem, sed magis approbatur §. 1. gl. 7. num. 62. cum decem sequentibus: & in fine libri, num. 113. uers. sed tamen. Huius replicatio est: Si emptor in dolo fuerit, emens scilicet contra prohibitionem statuti uolentis rem immobilem emi non posse, nisi prius requisitis uenditoris cognatis. d. gl. 7. num. 67. uers. aut illa uerba. item num. 72. in prim.

II I. Regula, De re commissa, puta emphyteusi uel feudo, quod ex aliqua causa in commissum cecidit, & sic castro uendito accessit. Hæc quoq; res cū castro uendito peti potest. Quæ regula controuertitur, magis tamen approbatur in fine libri, num. 106. cum quinque sequentibus: item §. 10. gl. unica, num. 20. in fine.

III I. Regula: Non nisi totam rem, uel omnes res uenditas actor petere potest. Ideoq; si partem rei uenditæ, uel pluribus rebus uenditis quasdam tantum ex ijs uelit retrahere, exceptione submouetur. §. 23. cum gl. 1. num. 1. cum octodecim sequentibus: & num. 30. item gl. 2. num. 1. & num. 2. in fine, cum sequente: item in fine libri num. 63. cum sequente. Cuius regulæ exceptio prima est: Si res plures diuersis precijs emptæ sint, precijs in singulas res di-

F uis.

uisis. hoc enim casu tot erunt uenditiones, quot res rerumq; pretia. Ideoq; nō prohibetur actor unam rem ex pluribus eius precio oblato retrahere. d. gl. 1. num. 20. cum duobus sequentibus. Cuius exceptionis replicatio est: Si constet emptorem aut uenditorem non nisi omnes res empturum aut uenditum fuisse. d. gl. 1. num. 23. cum sequente. Aut si omnes res pro uno debito in solutum datæ sint, precio in singulas res constituto. d. gl. 1. num. 25. cum duobus sequentibus. Planè replicatio hæc in casu posteriore denegatur, si solutio fiat non in iudicio, sed extra ex consensu partium. Quæ tamen duplicatio controuertitur d. gl. 1. num. 27. Altera propositæ regulæ exceptio est: Si actor integrum premium emptori refundere sit paratus. d. §. 23. uers. nisi refuso precio. Tertia exceptio est: Si actor alias res simul uenditis, quamuis uelit, non tamen possit retrahere. tunc enim retractus earum rerum, quas potest retrahere, ei non denegabitur. Quæ exceptio approbatur simul & exemplis declaratur §. 23. gl. 1. num. 30. & gl. 2. num. 6. cum duobus sequentibus: & num. 10. Sed & huius exemplum est, si duo rem communem uendiderint. hoc enim casu cognati alterutrius uenditoris non nisi partem, quæ fuit sui cognati, retrahere possunt. d. num. 30. & d. num. 6. cum duobus sequentibus: & d. num. 10. Aliud exemplum est in domino feudum suum cum alijs rebus uenditum.

uenditum retrahēte. d. gl. 2. num. 1. cum quatuor sequentibus. Aliud exemplum est, si duobus prædijs uno precio uenditis, uicinus ratione uicinitatis uelit prædium uicinum retrahere, & alterum quod sibi uicinum non est, emptori relinquere. d. gl. 2. num. 2. Aliud exemplum est in pluribus dominis seu di uenditi, quorum quilibet suam tantum partem in feudo uendito retrahere potest. Ideoq; eam tantum retrahēs proposita exceptione iuuatur. Quod tamen controuertitur d. gl. 2. num. 4. cum sequente. Planè propositæ exceptionis replicatio prima est: Si emptor totum uel omnes res emptas actori offerat retrahendas, & sic hac in parte iuri suo renunciēt. hoc enim casu, nisi actor totum uel omnes res simul retrahat, proposita exceptione non iuuatur. d. gl. 2. num. 3. uers. quod si sint. ibi: nisi emptor ei totum offerat. & num. 9. item lib. 2. retract. §. 1. gl. 6. num. 30. cum duobus sequentibus. Altera propositæ exceptionis replicatio est: Si actor ab unius rei petitione tempore sit exclusus, uel aliās exceptione aliqua repellatur. hoc enim casu alteram rem uel partem petens exceptione proposita non iuuatur, sed ab una re uel parte exclusus, ab omnibus rebus uno precio emptis, uel à toto exclusus censetur. in fine libri num. 62. cum quatuor sequentibus. Hæc de tertia exceptione. Quarta propositæ regulæ exceptio est: Si plures sint emptores.

ptores. hoc enim casu actor ab uno partem ipsius retrahere potest, quamuis alijs suas partes relinquat. §. 23. gl. 1. num. 31. Et lib. 2. retractus. §. 1. gl. 6. num. ult. Quinta exceptio est: Si uenditor rem sibi cum actore communem in solidum uendidit, uel rem actoris cum sua. hoc enim casu actor partem tantum uel rem uenditoris retrahere potest, siue sua parte uel re. Quæ exceptio controuertitur d. gl. 1. num. 32. cum duobus sequentibus. Cuius replicatio uidetur: Si uenditor utranq; rem uel partem possederit. Sed et hæc replicatio controuertitur d. gl. 1. num. 35. cum sequente. Ex his patet, quibus casibus actor non totum quod uenditum est, sed partem, uel non omnes res uenditas, sed quædam retrahere possit, proposita regula non obstante. In quibus casibus queri solet, quantum precium emptori ab actore sit offerendum? Et respondetur in casu, quo feudis diuersorum dominorum uno precio uenditis, unus ex dominis suum tantum feudum retrahere uolet, precium feudi retrahendi licitationi emptoris permitti, electione domino reseruata, utrum laudimia accipere, an feudum suum retrahere uelit. §. 24. Nec potest dominus hoc casu conqueri, iniustam esse licitationem, petens eam arbitrio iudicis permitti. d. §. 24. gl. unica, num. 2. cum sequente. Planè si euidentis fraus aut iniquitas emptoris in licitatione appareat: dicendum, petitionem
domini

domini esse admittendam. d. gl. unica, num. 4. cum duobus sequentibus. Sed & si feudum cognato uenditoris uenditum sit, domino retractus denegabitur, & aestimatio laudimiorum arbitria iudicis permittitur. d. gl. unica, num. 1. Plura de licitatione & electione iam dicta uide M. I. R. lib. 4. cap. 10. reg. 38.

V. Regula: Si plures simul ad retractum ueniant: pro qua parte singulis competat actio, dictum est §. quæst. 5. reg. 2. Sed etsi cognato suo quis rem suam uendiderit, cæteri eiusdem gradus cognati ad retractum pro rata admittuntur. de qua re dictum §. quæst. 4. except. 14.

VI. Regula: Arbores etiam pendente anno retractus ab emptore casæ in hac actione ueniunt præstandæ. lib. 2. retractus. §. 3. gl. unica, num. 23. in fine.

X. QVANDO ET QVAM- diu actio proposita com- petit?

I. Regula: Si re sub conditione uendita, conditio uenditionis adhuc pendeat: nondum actio proposita competit, per ea quæ dicta sunt §. quæst. 4. except. 62.

II. Regula: Si actor intra legitimum tempus non egerit: posita agenti obstat temporis præscriptio. §. 1. gl. 10. num. 19. & num. 35. uers. secundum. Declaratur regula proposita definitione temporis legiti-

mi d.gl.10.num.3.cū sex sequentibus. ubi annus & dies ad rem uenditā retrahendam constituitur. Declaratur item definitione anni d.gl.10.num.1.cum sequente. item definitione dici §.1.gl.11.num.1.cum quindecim sequentibus. Planè declaratio iam dicta de anno & die controuertitur, & à quibuscūq; pro anno & die constituuntur anni triginta, d.gl.10.num.10.num.15.et num.35.in prin.Nisi à tertio possessore res retrahatur, qui titulo possidet. hoc enim casu inter præsentes quidem decem, inter absentes autem uiginti annorum præscriptione actor submouetur.d.gl.10.num.11.cum quatuor sequentibus: & num.35.uerf.& intra decem.Sed & hæc præscriptio decem uel uiginti annorum à quibusdam etiam ipsi emptori, eiusq; hæredibus datur. d.gl.10.num.16.cum sequente. Planè propositæ regule exceptio prima est: Si statuto uel consuetudine breuius aut longius tempus retractui præstitatur.hoc enim seruandum est.d.gl.10.num.3.in prin.et num.19.item num.35.uerf.secundum. cuius exemplum habetur in fine libri, num.66. Altera exceptio est: Si reus non toto tempore legitimo rem possederit. Cuius replicatio est: Si accessione sui authoris usus tempus legitimum compleuerit. d.gl.10.num.18. Tertia exceptio est: Si finito tempore emptor actor rem interpellauerit ad retrahendum. d.gl.10.num.20.& num.35.uerf.tertiu. Cuius replicatio pri

ma est: Si emptor errans aut ignorans tempus esse finitum, actorem interpellauerit. d. gl. 10. num. 21. cum sequente: & d. uers. tertium, in fine. Altera replicatio est: Si interpellatus ab emptore actor non statim, uel non intra octo dies rem retraxerit. d. gl. 10. num. 23. cum duobus sequentibus. uel nō intra annum ad summum. d. gl. 10. num. 26. cum duobus sequentibus. Tertia replicatio est: Si cum in interpellatione certum tempus actori esset definitum, intra illud non retraxerit. d. gl. 10. num. 29. Quarta replicatio est, quòd factum emptoris eius consanguineis retrahere uolentibus non obstat, nec domino laudimia petenti. de qua re uide j. except. prox. repl. 1. Hæc de tertia exceptione. Quarta propositæ regulæ exceptio est: Si tempus consensu emptoris & actoris sit prorogatum. Quæ exceptio controuertitur quidem, sed magis approbatur d. gl. 10. num. 30. in prin. Cuius replicatio est, quòd prorogatio hæc cognatis emptoris retrahere uolentibus non præiudicet, nec domino laudimia tantumquam ex noua uenditione petenti. d. num. 30. uers. illud planè, cum duobus sequentibus: & num. 35. uers. quartum. Quinta exceptio est: Si cum cognatus uenditoris intra tempus retractus dixisset emptori, se rem retracturum, emptor illi responderit: Venias quando, uel toties quoties uolueris, ego te libenter admittam. Sed hæc exceptio reprobat

d.gl.10.num.33. cum sequente: item num.35. in fine. Sexta exceptio est: Si inter emptorem & uenditorem, uel alium aliquem de re uendita lis fuerit. hoc enim casu ante finem litis tempus retractus actori currere non uidetur. Quæ exceptio controuertitur d.gl.10.num.36. cum tribus sequentibus: & reprobatur d.gl.10.num.39. item in fine libri, num.1. cum sequente. Cuius exceptionis reprobata exemplū est: Si proximiores agant ad retrahendum. hoc enim casu remotioribus cognatis nihilominus tempus retractus currit. d.gl.10.num.120. in fine. Nisi collusio appareat inter proximiores agentes & ipsum emptorem. d.gl.10.num.121. cum sequente. de qua re uide item j. except.11. Septima exceptio est: Si inter actorem & reum de eadem re ex alia causalis sit. hoc enim casu, pendente illa lite, tempus retractus currere non uidetur. d.gl.10. num.40. cum duobus sequentibus. Cuius replicatio est: Si actor dolo litem mouerit, ne tempus illi curreret. d. gl.10.num.43. Octaua exceptio est: Si uenditione sub conditione facta, conditio nondum extiterit. interim enim tempus retractus nō currit. Quæ exceptio controuertitur quidem, sed magis approbatur d.gl.10. num.44. cum tredecim sequentibus. Cuius replicatio est: Si ante existentem conditionem traditio rei uenditæ emptori sit facta. d. gl. 10. num.55. uers. id quod tamen uelim, cum num. sequente.

quente. Huius duplicatio prima est: Si traditio facta actorem latuerit. d.gl.10. num.56. Altera duplicatio est: Si & ipsa traditio sub conditione facta fuerit. d.num.55. in fine. Nona exceptio est: Si uenditio cum pacto legis commissariae uel additionis in diem facta fuerit. tunc enim tempus retractus non currit, quamdiu uenditio potest resolui. Quae exceptio approbatur & distinguitur d.gl.10. num.58. Decima exceptio est: Si uenditio facta sit cum pacto retrouendendi intra certum tempus. hoc enim casu non nisi finito illo tempore retractus tempus currere incipit. Quae exceptio controuertitur, magisq; reprobatur d.gl.10. num.59. & lib.2. retractus. §.2. gl. unica, num.1. cum sequentibus, usq; ad num.84. Undecima exceptio uidetur: Si alij proximiores sint cognati uenditoris, quam actor. hoc enim casu, quamdiu proximiores retrahere possunt, remotiori tempus currere non uidetur. Quae tamen exceptio reprobatur d.gl.10. num.60. cum tribus sequentibus. ubi etiam additur, ob hanc rationem proximiores à remotioribus cogi non posse ut agant. reprobatur item exceptio hæc §.11. gl.4. num.4. Admittitur tamen exceptio, si proximiores agentes cum emptore in fraudem remotiorum colludant. d.gl.10. num.121. cum sequente. Vide item §. except.6. Duodecima exceptio est: Si re à non domino uendita, dominus rei uendi-

tionem istam post aliquod tempus ratam habuerit. hoc enim casu non à die uenditionis, sed à die rati-
 habitionis tempus retractus currit. Quæ exceptio
 controuertitur quidem, sed magis approbatur d.
 gl. 10. num. 64. cum decem sequentibus. Decima
 tertia exceptio uidetur: Si actor nondum obtulit
 precium emptori. nam à tempore oblationis, non
 uenditionis, tempus retractus currere uidetur. Quæ
 exceptio controuertitur, magisq; reprobatur §. 1.
 gl. 9. num. 106. & lib. 2. §. 1. gl. 7. num. 37. cum se-
 quente. Decimaquarta exceptio est: Si notifica-
 tio uenditionis apud acta non sit facta. hoc enim ca-
 su non currit tempus retractus. §. 1. gl. 10. num. 15. in
 prin. & §. 36. gl. 1. num. 2. cum sequente. Declaratur
 hæc exceptio d. §. 36. gl. 2. num. 1. Cuius replica-
 tio prima est: Si actor aliunde certus est de contra-
 ctu uenditionis. Quæ replicatio cōtrouertitur, ma-
 gisq; reprobatur d. gl. 2. num. 24. cum quinque sequen-
 tibus. Idq; eo magis, si non plena fuerit actoris scien-
 tia. d. gl. 2. num. 30. cum sequente. Altera replica-
 tio est: Si triginta anni à die uenditionis excessse-
 rint. hoc enim casu exceptioni propositæ locus am-
 plius non est. d. gl. 2. num. 36. cum quinque sequen-
 tibus. Tertia replicatio est: Si lex uel consuetu-
 do notificationem non requirat. tunc enim statim à
 tempore uenditionis tempus retractus currit. d. gl.
 2. num. 42. Quarta replicatio est: Si emptor actor
 ripet

ri per notarium & testes uenditionem denunciauerit. Quæ replicatio controuertitur d. gl. 2. num. 56. cum quatuor sequentibus. Decimaquinta exceptio est: Si notificatio in genere facta sit sine declaratione precij & aliorum. d. gl. 2. num. 32. cum tribus sequentibus. Decimasexta exceptio est: Si in notificatione uerum rei uenditæ precium non sit declaratum. d. gl. 2. num. 2. cum sequente. Decimasextima exceptio est: Si notificatio ab alio quàm emptore sit facta sine mandato. Quæ exceptio controuertitur quidem, sed magis approbatur d. gl. 2. num. 4. cum septem sequentibus: item num. 12. in prin. Cuius replicatio prima uidetur: Si notificatio facta sit per coniunctam personam. Sed controuertitur, magisq; reprobatur d. gl. 2. num. 14. Altera replicatio est: Si notificatio facta sit à secundo emptore. d. gl. 2. num. 17. Tertiareplicatio est: Si notificatio facta sit ab eo cuius interest. Quæ replicatio controuertitur, magisq; approbatur d. gl. 2. num. 18. cum duobus sequentibus. Planè quamuis hic cuius interest, notificare non posset, cogere tamen emptorem potest ad notificandū. d. gl. 2. num. 21. Decima octaua exceptio est: Si notificatio facta sit ab eo qui generale, non speciale habet mandatum. Quæ exceptio controuertitur, magisq; approbatur d. gl. 2. num. 12. cum sequente. Decimanona exceptio est: Si is qui nomine emptoris notificationem

ficationem facit, literas mandati nondum receperit, uel ignoret sibi mandatum esse. d. gl. 2. num. 15. Vicefima exceptio est: Si is qui notificationem nomine emptoris facit, taceat nomen procuratoris. d. gl. 2. num. 16. Vicefima prima exceptio est: Si notificatio sit facta ob aliud, uel in alium finem, quam retractus causa. d. gl. 2. num. 22. cum sequente. Vicefima secunda exceptio est: Si notificatio à notario non sit in acta relata. Quæ exceptio controuertitur, magisq; approbatur d. gl. 2. num. 43. cum tribus sequentibus. Cuius replicatio est: Si dolo actoris in acta non sit relata. d. gl. 2. num. 47. Vicefima tertia exceptio est: Si notificatio sit facta die dominico, uel aliq diuis sacro. Quæ exceptio controuertitur, magisq; reprobatu d. gl. 2. num. 54. cum sequente. Vicefima quarta exceptio est: Si notificatio non sit facta eo loco, in quo res est sita. §. 36. uers. iurisdictionis in qua situm est. Huius replicatio prima est: Si annui redditus uel nomina uendita sint. hoc enim casu sufficit ibi notificationem fieri, ubi debitores forum sortiuntur. Quæ replicatio controuertitur quidem, sed magis approbatur d. §. 36. gl. 3. num. 14. cum tribus sequentibus. Altera replicatio est: Si dubitetur de iurisdictione rei uenditæ, cuius sit. Quæ replicatio reprobatu d. gl. 3. num. ult. Vicefima quinta exceptio est: Si pluribus rebus diuersarum iurisdictionum uenditis, non
 in

in omnium iurisdictionibus notificatio sit facta. Quæ exceptio controuertitur quidem, sed magis approbatur simul & distinguitur d.gl.3.num.1. cum duodecim sequentibus. Cuius replicatio est: Si ubi res principalis, aut maior pars rerum uenditarū sita est, notificatio sit facta. hæc enim sufficit, quamuis non sit facta in loco, in quo pertinentiæ sunt sitæ, aut minor pars. d.gl.3.num.4. cū octo sequentibus. Vicesimasexta exceptio est: Si notificatio sit facta in iurisdictione mediata, non immediata: puta apud præsidem prouinciæ, nō apud defensore[m] ciuitatis. d.gl.3.num.18. cum sequente. Vicesimasextima exceptio est: Si re feudali uendita, non etiā apud dominum feudi notificatio sit facta. Quæ exceptio controuertitur quidem, sed magis approbatur d.gl.3.num.20. cum septem sequentibus. Hæc de exceptionibus desumptis ex circumstantijs notificationis sint dicta. Quarum replicationes generales uide paulò superius except.14. Vicesimaoctaua exceptio est: Si actor ignorauit uenditionem esse factam. nam ignoranti tempus retractus currere non uidetur. Quæ tamen exceptio cōtrouertitur, magisq[ue] reprobatur §.35.gl.4.num.1. cum 28 sequentibus: item num.34. cum sequente. Admittitur tamen exceptio hæc, primū quidem, si ex dolo aduersarij, cuius interest, ignorantia causam habuerit. d.gl.4.num.30. cum duobus sequentibus.

tibus. Deinde admittitur, si ex dolo uel facto tertij ignorantia causam habuerit. d. gl. 4. num. 33. Tertiò admittitur beneficio restitutionis in integrum ex clausula generali, Si qua mihi iusta causa esse uidebitur. Quæ distinctio controuertitur, magisq; reprobatur d. gl. 4. num. 34. cum sequentibus, usq; ad finem glossæ. Vicesimanona exceptio uidetur: Si actor fuerit minor uigintiquinq; annis. Sed reprobatur §. 35. in uerbo Minores, cum sua glossa 2. num. 1. cum decem sequentibus: ubi etiam in integrum restitutio minori aduersus lapsum temporis denegatur. Sed posito ei in integrum restitutionem non esse denegandam: ea tamen esset petenda non intra quadriennium, ex quo uicesimumquintum annum compleuisset, uerum intra annum tantum et diem. d. gl. 2. num. 12. cum sequente. Tricesima exceptio uidetur: Si actor fuerit absens. Sed hæc exceptio reprobatur d. §. 35. in uerbo Præsentes aut absentes, cum sua glossa 3. num. 1. cum sequente. Tricesima prima exceptio est: Si cum emptor rem emptam alteri cefsisset, non indicauerit actori cui cefsio sit facta. interim enim actori tempus retractus non currit. §. 12. gl. 2. num. 1. cum quinque sequentibus: item §. 27. et §. 28. gl. 1. num. unico. Cuius replicatio est: Si insignis negligentia ipsius actoris interuenerit. d. §. 12. gl. 3. num. 1. Tricesima secunda exceptio est: Si intra legitimum tempus actio

actio in iudicium deducta sit, reusq; citatus. tunc enim interruptitur præscriptio, & perpetuatur actio uel sola citatione, multò magis litis contestatione. §. 1. gl. 10. num. 75. & §. 3. gl. 2. num. 1. in fine, & num. 2. in prin. Cuius replicatio prima est: Si dies in citatione præstitutus, post tempus retractus cedat. Quæ tamen replicatio reprobatur d. §. 8. gl. 2. num. 2. Admittitur tamen, si tempus præstitutum excedat quadraginta dies. d. gl. 2. num. 7. Altera replicatio est: Si citatio sit generalis, non specialis. d. gl. 2. num. 3. cum tribus sequentibus: & §. 9. gl. 2. num. 19. uers. quid enim. Tertia replicatio est: Si forma citationis à statuto præscripta non sit obseruata. d. num. 3. cum tribus sequentibus: & d. §. 8. gl. 3. num. 1. Quarta replicatio est: Si citatio non sit facta ab apparitore ordinario, sed ab alio sine mandato. d. §. 8. gl. 4. num. 1. Quinta replicatio est: Si actor ad diem constitutum in citatione non adest in iudicio. tunc enim per citationem præscriptio non censetur interrupta. §. 8. gl. 2. num. 8. item in fine libri, num. 62. Cuius duplicatio prima uidetur: Si cum res uendita in diuersis iurisdictionibus sita esset, & ad iudices istarum rerum diuersos reum citari fecisset actor: apud unum iudicem die statuto actor comparuerit. tunc enim, quamuis apud alterum iudicem die statuto non comparuerit, non tamen iam dicta replicatio ei uidetur obesse. Sed hæc duplicatio

duplicatio reprobatur in fine libri, num. 62. cum tribus sequentibus. Altera propositæ replicationis duplicatio uidetur: Si iudex actori diem prorogauerit, uel modico tempore expectauerit. Quæ tamen duplicatio controuertitur §. 8. gl. 2. num. 9. cum quinque sequentibus. Sexta replicatio est: Si actor factæ citationi renunciauit. d. gl. 2. num. 15. Septima replicatio est: Si citatio non fuerit ritè facta, uel litis contestatio fuerit inualida, aut exemplum citationis citato non datum. d. gl. 2. num. 16. item §. 1. gl. 10. num. 85. cum sequente. Octaua replicatio est: Si post cessationem ab actore factam tantum temporis effluxerit, quantum retractui est constitutum. Quæ replicatio controuertitur quidem, sed magis approbatur §. 1. gl. 10. num. 76. cum octo sequentibus. Plures huiusmodi replicationes uide §. quæst. prox. reg. 4. except. 1. cum sequentibus. Tricesimatertia exceptio uidetur: Si res ex causa uenditionis nondum fuerit tradita. hoc enim casu tempus actori currere non uidetur. Quæ exceptio controuertitur, magisque reprobatur §. 1. gl. 10. num. 112. cum quinque sequentibus. Consuetudine tamen dicitur contrarium obtinere §. 36. gl. 1. num. 1. Tricesima quarta exceptio est: Si ita res sit uendita, ut dominium eius non nisi post mortem uenditoris ad emptorem transfiret. hoc enim casu non nisi mortuo uenditore tempus retractus uidetur currere.

Quæ

Quæ exceptio controuertitur, magisq; reprobat^{ur} d.gl.10.num.118. cum sequente. Tricesimaquin-
ta exceptio est: Si dies intercalaris in tempus retra-
ctus incidat. hic enim uidetur tempus retractus au-
gere. Quæ exceptio controuertitur quidem, sed ma-
gis approbatur d.gl.10.num.123. itē §.3. gl.2. num.
ult. Tricesimasexta exceptio uidetur: Si cum ex
duobus cognatis uenditoris eiusdem gradus unus
alteri mandasset, ut rem uenditam retraheret, po-
stea mandator ipse retraxerit. hoc enim casu man-
datario etiam post tempus retractus finitum aduer-
sus mandatorem actio uidetur competere ad rem
retractam communicandam. Quæ exceptio repro-
batur sub conditione §.11.gl.10.num.ult. Trice-
simaseptima exceptio est: Si excluso eo die, quo uen-
ditio uel notificatio facta est, tempus retractui præ-
stitutum nondum sit completum. Quæ exceptio cō-
trouertitur, utrum scilicet dies termini compute-
tur in termino? & distinguitur §.1. gl.11. num.17.
cum sequētib; usq; ad num.66. item §.3. gl.2. num.
5. Tricesima octaua exceptio est: Si ultimus dies
termini nondum sit completus. d.gl.11.num.27. &
num.66. cum sequentibus, usq; ad finem glossæ. ubi
propositis particulis, usq; ad, ultra, citra, & simili-
bus, differitur, utrum sint inclusivæ, an exclusivæ.
Hæc de temporis præscriptione, cuius plures exce-
ptiones uide j. quæst. prox. reg. 4. except. 19.

DE RETRACTV
XI. ANTECEDENTIA ET
adiuncta huius actionis.

I. Regula: Omnia retractus solennia ab actore sunt obseruanda: uidelicet generis recēſio, aut eius recenſionis oblatio: precij oblatio, & reſidui pollicitatio: requiſitio, ut conſanguineus admittatur ad retractum: citatio formalis (quam uocant) in cauſa retractus, & recuſata pecuniæ. §. 8. Quæ omnia niſi obseruata fuerint, retrahens retractu cadit. de qua exceptione eiusq; replicationibus dictum §. 3. queſt. 4. except. 75. Sed & de ſingulis iſtis ſolen- nibus dicetur in regulis ſequentibus.

II. Regula: Prima igitur ſolennitas ſeu officium actoris eſt generis recenſio. Cui concordat §. 1. uerſ. genusq; ſuum. Nec ſufficit actori, ſe cognatum uen- ditoris dicere & probare, ſed etiam gradum cogna- tionis ponere ac probare debet. d. §. 1. gl. 16. num. 1. cum octo ſequentibus: & §. 11. gl. 1. num. 9. cum ſequenti.

III. Regula: Alterum actoris officium eſt, precij oblatio. Niſi ergo actor precium, quo res uendita eſt, obtulerit, exceptione ſubmouetur. d. §. 8. & §. 2. gl. 1. num. 7. uerſ. ut intra tempus. item in fine libri, num. ult. Nec ſufficit uerbalis oblatio, ſed ad ma- num actor debet habere pecuniam. Quanquā hoc controuertitur §. 1. gl. 17. num. 8. & §. 3. gl. 3. num. 1.

g. Except. re-
probatur.

g. Except. re-
probatur.

Sed & non ſufficit fideiuſſores aut pignora offer-
re. d.

re. d. gl. 3. num. 14. cum tribus sequentibus. Neq; compensatio sufficit. Quanquam hoc controuertitur & distinguitur d. gl. 3. num. 2. cum undecim sequentibus. Illud tamen actorem à precij obligatione releuat, si dicat emptorem nondum uenditori precium soluisse. Quod quidem controuertitur, sed magis approbatur & distinguitur §. 1. gl. 18. num. 32. cum septendecim sequentibus. Sed & si emptor ex iusta causa uenditori precium soluere non tenetur, nihilominus illi ab actore precium est offerendum. d. §. 1. gl. 2. num. ult. Quatenus autem credendum sit confessioni uenditoris de precio sibi soluto, controuertitur d. gl. 18. num. 78. cum tredecim sequentibus. Itē quatenus schedulæ de hoc sit credendum, differitur d. gl. 18. num. 92. cum sequente. Præterea si actor de precio, quo res uenit, sit incertus, in mora soluendi esse non uidetur, nec proposita exceptione submouendus. §. 1. gl. 19. num. 1. modò fideiussores offerat, se precium, cum liquidum fuerit, soluturum. d. gl. 19. num. 2. & num. 1. in fine: item §. 3. gl. 3. num. 15. in fine. Si tamen diues sit actor, & ad soluendum idoneus, aut minimè suspectus, sufficit uerbalis precij obligatio etiam sine fideiussoribus. d. gl. 19. num. 3. Sed & sufficit dicere, se paratum statim satisfacere, licet præsentis fideiussores non offerat. Quanquam hoc controuertitur d. gl. 19. num. 4. cum duobus sequentibus. Plura de exceptione proposita uide J.

3. Except. cō
trouertitur.

4. Except.

5. Excepti

BIBLIOTECA NAZ.
ROMA
VITTORIO EMANUELE

6. Except. reg. prox. except. 8. repl. 5. Si insuper actori instrumentum contractus emptor non exhibuerit, dicendum actorem exceptione precij non oblatis submouendum non esse, nec tempus offerendi precij, de quo §. dicetur, currere. §. 2. gl. 1. num. 1. cū quinque sequentibus: & §. 3. gl. 1. num. 1. item §. 22. gl. 1.
7. Except. num. 1. Quod etiam dicendum, si exhibuerit quidem instrumentum emptor, sed id legendum actori non dedit. §. 2. gl. 1. num. 7. Nisi fortè, cum emptor id offerret, per actorem steterit, quo minus legeret.
8. Except. d. gl. 1. num. 8. cum sequente. Non autem sufficit exemplum instrumēti actori exhibere, sed authenticum ipsum exhibendum est. d. gl. 1. num. 10. Planè si nullum instrumentum super contractu confectū sit, per testes precium probandum est. d. gl. 1. num. 11. cum duodecim sequentibus: ubi tamen hoc controuertitur. Testibus autem & instrumento simul deficientibus, utrum credendum sit uenditori & emptori de quantitate precij deponentibus, arbitrio iudicis relinquitur. d. gl. 1. num. 24. cum tribus sequentibus. Quod etiam dicendum, si instrumentum quidem de uenditione sit confectum, quod tamen precium non exprimat, præterquam quòd contineat, uenditorem fuisse confessum, se antea præciū partem uel ipsius accepisse. d. gl. 1. num. 28. Quòd si de uenditione non publicum instrumentum sit confectum, sed priuata solū uenditoris scriptura, in qua

in qua precium expressum est: emptor satisfacit eam
 auctori ostendendo, & affirmando per iusiurandum
 uerum precium in ea contineri. d. gl. 1. num. 29. cum
 sequente. Præterea auctor exceptione precij non
 oblatus non submouetur, nec ei tempus currit, si em-
 ptor iusiurandum de precio non præstiterit. §. 2. gl.
 2. num. 1. & num. ult. Planè si emptor sit mortuus,
 hæres eius iurare non cogitur. Quod tamen contro-
 uertitur & distinguitur d. gl. 2. num. 2. cum octo se-
 quentibus. Et si autem emptor rem alij uendidit, ni-
 hilominus iurare debet. d. gl. 2. num. 11 & 13. cum se-
 quente. Sed & auctori exceptio precij non obla-
 ti non obstat, si probet non uerum precium ab em-
 ptore indicatum, & sic de ueritate precij litigetur.
 §. 4. gl. 2. Si tamen in probatione auctor defecerit,
 curret aduersus eum tempus, nec amplius ad retra-
 ctum admittetur. §. 4. gl. 3. quamuis probabiliter de
 ueritate precij dubitauit. d. gl. 3. num. 3. Sed & si
 emptor auctorem ad retractum recusat admittere,
 exceptio non oblatus precij auctori interim non ob-
 stat, nec tempus offerendi precij ei curret. §. 3. gl.
 2. num. 1. cum tribus sequentibus. Porro offerre
 auctor precium debet, etiam antequam à reo petat-
 ur. Quamquam & hoc controuertitur §. 1. gl. 17.
 num. 1. cum quinque sequentibus. Item suis sum-
 ptibus debet offerre. d. gl. 17. num. 7. Si uero pe-
 cunia, quam oblaturus erat auctor, perierit: siquidē

per emptorem steterit, quo minus oblatam pecuniā acciperet, actori exceptio proposita non nocebit: sin minus, periculum actoris erit, nec replicatione interitus aduersus exceptionem propositam iuuabitur.

17 Except. §. 1. gl. 12. num. 2. Præterea si emptor, cui oblatio fieri debet, non comparet, non nocebit actori exceptio proposita, nec tempus ei curret, si nec domicilium, nec uxorem, nec procuratorē emptor

Repl. 1. habeat. §. 1. gl. 10. num. ult. Secus si absens domicilium, uxorem, uel procuratorem præsentem habeat. tunc enim absente emptore istis offerendum est. §. 1. gl. 12. num. 1. in fine: & §. 9. gl. 3. num. 1. de qua re uide item 3. reg. prox. except. 5. repl. 3. cum

Repl. 2. sequentibus. Sed & istis deficientibus, ipsi iudici oblatio fieri debet, ne actori exceptio proposita noceat. §. 1. gl. 13. num. 21. uers. ego uerò. item §. 9. gl. 3. num. 17. cum sex sequentibus. ubi tamen hoc

Repl. 3. controuertitur. Sed & nonnulli uolunt, non nisi protestatione interposita actori replicationem absentiae emptoris prodesse. d. gl. 3. num. 19 uers. cautiùs tamen. Quorum tamen sententia etiam est controuersa d. gl. 3. num. 20. cum duobus sequentibus.

Repl. 4. Quidam etiam uolunt, non semel tantum, sed pluries protestandum esse. d. gl. 3. num. 21. uers. quæ etiā dicit. Quæ tamen sententia reprobatur d. gl. 3. num.

Repl. 5. 23. Sed & ut actori aduersus exceptionem precij non oblatis replicatio absentiae ipsius emptoris prosit,

profit, uideri potest precium ab eo consignandum ac deponendum esse. Quod tamen non esse necessarium, dicitur d. gl. 3. num. 24. de qua re uide plura §. reg. 5. Præterea non prodest actori replicatio Repl. 6. iam dicta, si emptor postea compareat, nec actor eū conueniat, eiq; faciat oblationē. d. gl. 3. num. 25. Imò si tempus retractus elapsum est, non negligenter ipsum conuenire, eiq; offerre debet. d. num. 25. cum sequente. Quid autem sit non negligenter conuenire & offerre, arbitrio iudicis relinquitur definendum, d. gl. 3. num. 26. uers. id autem totum. Cui arbitrio regula præscribitur d. num. 26. uers. arbitrari autem Hæc de decimaquinta propositæ regulæ exceptione sint dicta. Cui similis est hæc exceptio, 16. Exceptio si emptor mortuus sit, eiusq; hæreditas nondum sit adita. nam & hoc casu actor precium intra statutum tempus non offerens, per exceptionem precij non oblatis non submouetur. §. 1. gl. 13. num. 37. Planè si curator bonis sit datus, huic offerendum est. d. num. 37. Sed & iisdem replicationibus hæc exceptio emptoris mortui eliditur, quibus etiam superior proxima, per §. 9. gl. 3. num. ult. Excusatur 17. Exceptio insuper actor precium non offerens, si emptor, uel emptoris hæres pupillus sit, infans, uel furiosus, aut aliàs talis, cui offerri uel solui non possit. §. 1. gl. 13. num. 21. Idem dicendum, si propter hostes aut aliam difficultatem actor precium offerre non possit. 18. Exceptio

fit. Quanquam hoc controuertitur §. 1. gl. 10. num. 124. cum duobus sequentibus: item §. 3. gl. 4. num. 5. cum sequente. Hæc de tertia regula, seu potius de exceptione precij non oblatis, eiusq; replicationibus sint dicta.

IIII, Regula: Non sufficit autem actori offerre precium, sed rectè cum offerre oportet: alioquin adhuc dicendum, exceptionem ei obstare: quia in iure paria sunt, aliquid non esse factum, et non rectè factum esse. Qui uerò dicit, non rectè premium esse oblatum, ei probatio eius quod dicit incumbit. l. ab ea parte. s. ff. de probationibus. Quæ probatio sumitur ex sequentibus exceptionibus. Nam præsumptio hæc, Rectè ab actore oblatum esse premium: eliditur quibusdam exceptionibus, desumptis partim ex persona offerentis premium, partim ex persona eius cui oblatio facta est, partim ex re oblata, partim deniq; ex loco, item ex tempore quo oblatum est premium: quæ omnes circumstantiæ excipiendi materiam aduersus precij oblationem et aduersus actionem propositam suppeditant, quorum

1. Except. generum species ordine uidebimus. Sit igitur prima propositæ præsumptionis exceptio ex persona offerentis desumpta hæc: Si alius quàm actor premium emptori offerat. Quæ exceptio controuertitur quidem, sed magis approbatur §. 1. gl. 9. num. Repl. 1. 258. cum quinque sequentibus. Cuius replicatio pri-

ma est: Si alius offerens eius mandatum habeat ab actore. Quæ replicatio cum ipso iure subsistat, duplicationem recipit hanc: Si offerens mandatum emptori non exhibeat. d. gl. 9. num. 264. Sed & altera eius duplicatio est: Si post annum exhibeat mandatum. §. 1. gl. 9. num. 264. uers. & quid si de eo. item gl. 10. num. 93. cum sequente. Tertia duplicatio est: Si exhibitum mandatum non legat, uel legendum det, aut ipsius exemplum emptori non tradat. Quæ duplicatio controuertitur quidem, sed magis approbatur, simul & distinguitur d. gl. 10. num. 102. cum quinque sequentibus. Quarta duplicatio est: Si mandatum sit generale, non speciale. Quæ duplicatio approbatur in fine libri num. 97. item §. 1. gl. 9. num. 264. uers. an autem hoc casu. de qua re uide item paulò inferius repl. 3. Planè iam enumerationum duplicationum triplicatio generalis hæc esse uidetur: Si emptor non petierit mandatum sibi exhiberi, legi, uel eius exemplum tradi. Quæ triplicatio controuertitur, magisque reprobatur d. gl. 10. num. 108. cum tribus sequentibus. Admittitur tamen in traditione exemplaris, d. gl. 10. num. 106. Hæc de prima replicatione eiusque duplicationibus sint dicta. Altera propositæ exceptionis replicatio est: Si alius offerens caueat de rato. Quæ replicatio controuertitur, magisque reprobatur §. 1. gl. 9. num. 264. uers. & quid si offerat. item gl. 10. num.

Repl. 3.

Repl. 3. 92. cum sequente. Tertia replicatio est: Si procurator actoris generalis offerat. Quæ replicatio controuertitur, magisq; reprobatur d. gl. 10. num. 97. et num. 100. Admittitur tamen replicatio hæc: Si procurator datus sit ad omnia, præterquam ad unum casum, mandatum speciale requirentem. in

Repl. 4. fine libri, num. 94. cū duobus sequentibus. Quarta replicatio: Si procurator cum libera offerat. §. 1. gl. 9. num. 264. in fine: et gl. 10. num. 101. in fine.

Repl. 5. Quinta replicatio uidetur: Si coniuncta actoris persona offerat. Quæ replicatio controuertitur, magisq; reprobatur d. num. 264. in fine: et d. gl. 10. num. 97. uers. ideo nec coniuncta, cum num. sequente: item num. 100. Admittitur tamen replicatio hæc, primum quidem in patre pro filio offerente. d. gl. 10. num. 101. de qua re uide plura §. quæst. 5. reg. 6. Deinde admittitur, si actor minor sit ætate, furiosus, prodigus, aut talis cui bonis sit interdicens, d. gl. 10. num. 98. uers. illud autem. Non tamen admittitur in filio pro patre offerente. d. num. 101. uers. at non filius. Planè etsi replicatio proposita approbanda magis quàm reprobanda esset, tamen ea cessaret, si actor oblationem à cognato suo factam non habuerit ratam. d. gl. 10. num. 100. item si cognatus sine mentione actoris offerret. §. 10. gl. 1. num. 3. uers. et quod item scribit. item si tanquam procurator

Repl. 6. actoris sine mandato offerret. d. gl. 1. num. 7. Sexta replicatio

replicatio est: Si maritus nomine uxoris offerat. d. gl. 1. num. 1. & §. 16. gl. 2. num. 1. Quæ replicatio Dupl. 1.
adeò ualida est, ut etiam non consentiente uxore maritus eius nomine possit offerre. d. gl. 1. num. 1. & num. 11. Planè si maritus sine mentione uxoris Dupl. 2.
offerat uel agat, audiendus non est. d. gl. 1. num. 2. cū sequente. Si tamen dicat, Mæuius maritus Titiae of-
fert: non est repellendus. d. gl. 1. num. 4. & num. 25. Idem etiam dicendum, si dicat se retrahere uelle rem
à cognato uxoris suæ uenditam. d. gl. 1. num. 5. & num. 25. Item, si maritus non ut maritus, sed ut Dupl. 3.
procurator uxoris suæ offerat uel agat: exceptione repellitur. d. gl. 1. num. 6. cum sequente. Idem Dupl. 4.
dicendum, si non uerus, sed putatiuus sit maritus. Quanquā hoc controuertitur d. gl. 1. num. 9. Sed Dupl. 5.
& maritus filiusfamiliās sine consensu parentis, in cuius est potestate, offerens uel agens non admitti-
tur. d. gl. 1. num. 10. Maritus quoq; qui uxorem Dupl. 6.
domo expulit, eius nomine retrahere uolens non auditur. Quanquam & hoc controuertitur d. gl. 1. num. 12. cum tribus sequentibus. Nisi iusta expellen-
di causa fuerit. d. num. 12. in fine. Sed & maritus Dupl. 7.
repudiatus ab uxore exceptione repellitur. d. gl. 1. num. 17. Nisi sine causa sit repudiatus. d. gl. 1. num. 16. Non solū autem per se, sed etiam per Dupl. 8.
procuratorem maritus nomine uxoris offerre precium & agere potest. Quanquam hoc controuer-
titur

titur d.gl.1.num.22.cum tribus sequentibus.Hæc de

Repl.7. sexta replicatione sint dicta. Septima replicatio est: Si sponsus sponsæ nomine offerat uel agat. Quæ

Repl.8. tamē replicatio cōtrouertitur d.gl.1.num.8. Octa ua replicatio est: Si actor oblationem ab alio factam ratam habuerit. §.1.gl.10.num.99.Nisi post annum retractus elapsus ratam habuerit. d.num.99.in fine: & num.100.in fine: & d.gl.10.num.87.cum tribus sequentibus. Si tamen intra annum promisit se ratificaturum, quamuis post annum ratam oblationem habuerit, quibusdam uidetur replicationi propositæ locum esse. Quorū tamen sententia est controuersa, magisq; reprobatur d.gl.10.num.91. cum sequente: & lib.2. in fine, num.42. cum nouendecim sequentibus. Admittitur tamen sententia ista, si actor alicui mandauit precium offerre ac rem retrahere, promittens se hunc retractum ratum habiturum. tunc enim alia ratihabitione opus non est.

Repl.9. d.gl.10.num.92. Postremò exceptio proposita locum non habet, si tutor actoris obtulerit, dummodò tanquam tutor pupilli, non suo nomine offerat: aliàs secus est dicendum. §.10. gl.1.num.3. uers. & idē de tutore. Hæc de prima exceptione, ex persona offerētis desumpta, eiusq; replicationibus sint dicta. Præterea ex persona offerentis excipendum uidetur, Si minorennis uel pupillus sine tutoris uel curatoris autoritate offerat precium. nam

hic

hic ut soluendo nihil agit, sic etiam precium offerendo non uidetur ad retractum esse admittendus. Quæ tamē exceptio reprobat^{3. Except.}ur §. 1. gl. 9. num. 265. & gl. 13. num. 25. cum sequente. Sed admittitur exceptio hæc in infante offerente. d. num. 25. in fine: & num. 26. in fine. Ex persona eius, cui oblatio facta est, exceptio contra oblationem sumitur, Si alij quàm ei qui liberare potest, oblatio precij sit facta. hæc enim oblatio offerenti non prodest. §. 9. gl. ult. num. 4. cum duobus sequentibus. Proinde pupilo uel infanti oblatio sine tutoris autoritate facta nihil operatur. §. 1. gl. 9. num. 265. de qua tamē re uide item paulò inferius except. prox. repl. 7. Item si alij quàm emptori oblatio facta sit, actor exceptione non rectè oblatis precij submouetur, quamuis iudici apud acta sit facta. d. gl. ult. num. 1. & §. 1. gl. 12. num. 1. cum sequente. Vel emptoris procuratori. d. gl. ult. num. 7. & §. 1. gl. 13. num. 31. uers. secus de generali. Nisi fortè dominus absit, nec alius sit cui denunciatio uel oblatio fieri possit, tunc enim ea procuratori potest fieri. d. gl. ult. num. 8. & num. 9. uers. quanquam sustineri. Prius tamen ad domum absentis denunciatio fieri debet, item absentis uxori, quàm fiat procuratori: alioquin procuratori facta nihil operatur. Quanquam hoc controuertitur d. num. 8. & 9. item §. 9. gl. 2. num. 1. Sed etsi procurator speciale mandatum habeat, rectè ei potest denunciari

Repl. 1. reprobat^{5. Except.}ur.

Repl. 2. reprobat^{4. Except.}ur.

nunciari & offerri. d.num.7. in fine: & §.1. gl.13.
 num.31. cum sequente. Quod etiā dicendum in pro-
 curatore generali, cui libera bonorum administra-
 tio est concessa. d.num.7. & d.num.31. cum num.
 sequente. Hoc tamen non procedit in procuratore
 generali ad lites, etiam cum libera. neq; enim huic
 solui uel offerri potest. d.gl.13. num.33. & d.gl.ult.
 num.10. uers. illud autem inter omnes. Vtrum uerò
 procuratori oblatio rectè fiat domino sciente &
 non contradicente, controuertitur d.gl.ult. num.
 10. cum sex sequentibus: ubi tamen replicatio hæc
 magis approbatur quàm reprobatur. Hæc de pro-
 curatore emptoris, quatenus ei offerri uel non of-
 ferri possit, sint dicta. Porro non solum absentis
 procuratori, secundum ea quæ diximus, potest of-
 ferri, sed etiam absentis uxori, & ad eius domiciliū
 potest ac debet offerri, secundum ea quæ diximus
 s. reg. prox. except. 15. repl. 1. Quibus accedit §.9.
 gl.1. num.3. cum quinque sequentibus: & gl.2. num.1.
 Repl. 4. Item marito emptricis. d.gl.1. num.1. cum sequente.
 Repl. 5. Item absentis cognatis, ad finibus & alijs amicis fie-
 ri potest denunciatio & oblatio. d.gl.1. num.4. in
 fine: & num.5. in prin. item §.9. gl.ult. num.8. Et
 hæc quidem obtinent, si emptoris copia non sit, ut
 ei possit denūciari uel offerri: aliās secus: ut d.num.
 4. in fine: & d.gl.ult. num.2. cum sequente: item §.
 1. gl.13. num.34. cum sequente. de quare plura di-
 centur

centur 3. in citatione emptoris. Præterea si cor- Repl. 6.
 pus aliquod, collegiū uel uniuerſitas aliquid emit,
 ſufficit eius aſtori uel ſyndico denunciari ac pre-
 cium offerri. Quanquam hoc controuertitur d. gl.
 13. num. 36. Si item emptor uel emptoris hæres Repl. 7.
 pupillus ſit, infans uel furioſus, ſi quidem tutorem
 uel curatorem non habeat, aut habeat quidem, qui
 tamen non comparet, ipſi pupillo, infanti uel furio-
 ſo rectè offerri poteſt, quāuis aliās ei ſolui non poſ-
 ſit. Quanquam & hoc cōtrouertitur d. gl. 13. num.
 14. cum ſeptem ſequentibus. Sin autem tutorem uel
 curatorem habeat, iſq; compareat, ipſi tutori uel
 curatori rectè offertur. d. gl. 13. num. 22. cum ſequen-
 te. Item ipſi pupillo & adulto cum tutoris aut cu-
 ratoris authoritate offerri poteſt, ſic ut tutor uel
 curator cætera ſolus agere poſſit. d. gl. 13. num. 24.
 Poſtremo, ſi hæredi emptoris deſuncti facta ſit ob- Repl. 8.
 latio, exceptio propoſita alij quàm emptori factæ
 oblationis non obſtat. d. gl. 13. num. 14. in prin. Hæc
 de exceptione alij quàm emptori factæ oblationis,
 eiusq; replicationibus ſint dicta. Præterea ex per- 6. Excepti-
 ſona eius cui oblatio facta eſt, excipiendum uidetur,
 ſi cum pluribus offerendum eſſet, uni tantum ex ijs,
 non omnibus oblatio ſit facta. Quæ tamen exceptio
 controuertitur & diſtinguitur d. gl. 13. num. 28. cum
 duobus ſequentibus. Planè pluribus tutoribus uel
 curatoribus emptoris exiſtentibus, uni ex ijs poteſt
 offerri.

- offerri. Quod approbatur ac distinguitur d. gl. 13.
7. Except. num. 27. Si insuper emptori oblatio facta sit, isq; nondum citatus decesserit, nisi hæredi quoq; postea citato facta sit oblatio, per exceptionem se potest tueri. in fine libri, num. 115. Quanquam hæredi facta oblatio sufficit, licet defuncto facta non sit, ut paulò superius est ostensum. Hæc de exceptionibus ex persona eius, cui oblatio facta est, desumptis sint dicta. Sequuntur exceptiones desumptæ ex re
8. Except. oblata. Harum prima est: Si non totum preciũ, quo res emptæ est, uel quod emptor uenditori soluit, ab actore sit oblatum. hoc enim casu emptori per exceptionem succurritur. §. 1. gl. 18. num. 1. cum nouè sequentibus. ubi simul etiam reprobatu replicatio
- Repl. 1. re- hæc: Si precium iustam æstimationem excedat. Cui
 probatur. concordat etiam §. 2. gl. 3. num. 1. Planè si in frau
 Repl. 2. dem actoris maius precium fingatur, uel etiam de-
 tur: tunc precium, quo res emptæ est, non attendi-
 tur. d. §. 2. gl. 1. num. 27. et gl. 3. num. 1. cum sequen-
- Repl. 3. te. Fructus item ab emptore percepti minuunt
 precium, ut eo minus emptori ab actore sit offren-
 dum. §. 15. gl. 3. num. unico. Cuius declarationem ac
- Repl. 4. distinctiones uide §. quæst. 9. reg. 1. Præterea mi-
 nuitur precium, quo res emptæ est, si pars rei em-
 ptæ perijt. nam eius æstimatio ex precio deducen-
 da. Quanquam hoc controuertitur in fine libri
- Repl. 5. num. 76, cum sequente. Sed et si incertum sit
 precium

precium, quo res emptæ est: siquidem de eo probabiliter constare poterit, licet actori quantitatem, quam uoluerit, offerre, cum oblatione hac, reliquũ, postquam de eo plenè certior factus fuerit, se soluturum. §. 1. in fine. Sin uerò de eo constare non poterit: arbitrio iudicis precium constituitur, quo oblato actori exceptio proposita non obstat. §. 2. gl. 1. num. 27. & in fine libri num. 39. cum duobus sequentibus. Planè quod dictũ est, licere actori quantitatem, quam uoluerit, offerre, distinguitur, si unũ tantũ numum offerre uoluerit. Quanquam distinctio hæc controuertitur §. 1. gl. 21. num. 1. cum nouè sequentibus. Eoq; magis distinctio hæc admittitur, si oblatio fiat duorum aut trium contractuum. d. gl. 21. num. 10. cum sequentibus, usq; ad finem glossæ. Sed & si incertum sit precium ob æquiuocationem monetæ: puta rem uenditam centum libris, nec additum fuisse Parisiensibus aut Turonensibus: siquidem non constet quid actum sit, nec uerisimiliter constare possit: minor summa potest ab actore offerri. §. 1. gl. 13. num. 73. cum duobus sequentibus. Hæc de replicatione incerti precij sint dicta. de qua uide item §. reg. prox. except. 5. Præterea si uendi- Repl. 6.
tor emptori aliquid de precio remisit, uel donandi causa minoris rem ei uendidit: uidetur actori hoc prodesse, ut quamuis non totum precium, quo res uendita est, uel uendi potuisset, offerat, exceptione

H proposita

- proposita non submoueat. Quæ tamen replicatio controuertitur §. 1. gl. 13. num. 11 cum septem sequentibus. Si item emptor non totum precium uenditori soluit, actor tantum offerendo, quantum emptor soluit, aduersus exceptionem propositam uidetur replicatione defendendus. de qua re uide §.
- Repl. 7.** reg. prox. except. 4. Si item emptor post uenditionem suppleuit primum precium, tanquam id nõ satis iustum fuisset: hoc augmentum actor emptori offerre non tenetur. Quanquam hoc controuertitur & distinguitur d. gl. 13. num. 50. cum octodecim
- Repl. 9.** sequentibus. Similiter si emptor ultra precium uenditionis uenditori quid mutuum dederit, uel donauerit: ad hoc emptori restituendum actor non tenetur. Quanquam & hoc controuertitur d. gl. 18. num. 19. cum sex sequentibus: & num. 69. cum tri-
- Repl. 10.** bus sequentibus. Si insuper emptor dimidiã partem rei emptæ alij rursus uendidit: actor partem, quam retinuit emptor, retrahens, non totum precium, sed dimidium tantum tenetur offerre, & posteriori emptori, à quo alteram dimidiam retrahit, reliquum dimidium debet offerre, quamuis ille plurius minorisue istam dimidiam partem emerit. Quanquam & hoc controuertitur in fine libri num. 59.
- Repl. 11.** cum sequente. Quod etiam controuertitur, si prior emptor totam rem emptam plurius minorisue uendiderit, utrum prioris, an posterioris uenditionis

his precium ab actore sit offerendum? §. 12. gl. 1.
 num. 6. cum octodecim sequentibus. Similiter si Repl. 114
 ualor monetæ, qua res emptæ est, postea auctus uel
 diminutus sit: utrum ualor qui fuit tempore con-
 tractus, an qui est retractus tempore, inspiciendus
 sit, controuertitur §. 1. gl. 18. num. 26. & num. 28.
 Quod etiam dicendum, si manente ualore, moneta Repl. 134
 bonitate intrinseca mutetur. d. gl. 18. num. 27. Si Repl. 144
 insuper partim pecunia, partim res precij loco da-
 ta est, æstimatio rei à iudice facienda, eaq; cū pecu-
 nia data ab actore est offerenda. §. 30. gl. 2. num. 1.
 Postremo, si plures res uno precio sint emptæ, qua- Repl. 149
 rum quasdam, non omnes, actor retrahere uelit ac
 possit: quantum precium ab eo sit offerendum, di-
 ctum s. quæst. 9. reg. 4. in fine. Hæc de exceptione
 non totius precij oblatis sint dicta. Altera ex re 9. Except.
 oblata desumpta exceptio uidetur, si cum res pluris
 ab emptore uendi posset, actor non tantum emptor-
 i offerat, quanti ea ab ipso uendi posset. Quæ tamē
 exceptio reprobatur §. 1. gl. 18. num. 1. uers. neq; e-
 diuerso. & num. 10. in fine. Ex re item oblata ex- 10. Except.
 cipiendum uidetur: Si actor pecuniam offerat dete-
 rioris monetæ, uel minoris ualoris, quàm emptor
 soluit uenditori. de qua re dictum paulò superius
 except. 8. repl. 12. cum sequente. Ex quo etiam loco
 patet, si ualor monetæ auctus sit, utrum ualor ille
 qui fuit tempore uenditionis, an is qui est retractus
 H 2 tempore,

11. **Except.** tempore, sit inspiciendus? Deterioris autem monetae species est numus non legitimi ponderis: quo oblato, actori nocebit exceptio. §. 1. gl. 20. num. 13.
12. **Except.** Idem dicendum uidetur area moneta oblata, quod tamen controuertitur, magisq; reprobatur d. gl. 20.
13. **Except.** num. 4. cum sex sequentibus. Si autem actor numos reprobos uel nō expendibiles obtulerit: exceptione submouetur. d. gl. 20. num. 11. cum sequente. Licet tempore contractus usus illorum nondum fuerit interdictus, & ab emptore uenditori in solutum dati. §. 1. gl. 18. num. 29. Vel in alia regione sint, usuales & expendibiles. d. gl. 18. num. 75. in fine: & d.
14. **Except.** §. 1. gl. 20. num. 14. cum sequente. Quamuis autem aliam monetam, quam emptor uenditori soluit, iustam tamen & equipollentem actor offerat: dicendum est, exceptionem ei non obesse. d. gl. 18.
15. **Except.** num. 30. cum sequente. Idem dicendum, etsi partim auream, partim argenteam, aut unius tantum
16. **Except.** materiae monetam offerat. d. gl. 20. num. 3. Quamuis item consuetudo retractus auri & argenti faciat mentionem, sub quo pecunia signata iure communi non continetur: tamen aurum & argentum signatum, non in massa offerendū est. d. gl. 20. num. 1. cum sequente. Haec de exceptionibus ex re oblata
17. **Except.** desumptis sint dicta. Ex loco item, quo precium offertur, excipiendum uidetur, si in templo sit oblatum. Quae tamen exceptio controuertitur, magisq;

gisq; reprobatur in fine libri num. 82. cum sequen-
 te. Similiter & hac exceptio, Si in loco inhone- 18. Except.
 sto, puta in popina uel lupanari, oblatio sit facta:
 controuertitur atq; distinguitur in fine libri, num.
 84. cum duobus sequentibus. Postremo tempus 19. Except.
 quoq; oblationis excipiendi materiam suppeditat,
 si dicatur non intra legitimum tempus oblationem
 esse factam. §. 3. gl. 4. num. 1. cum tribus sequentibus:
 & §. 22. gl. 2. num. 1. Tempus autem legitimum defi-
 nitur octo dierum ab eo die, quo emptor auctori in-
 strumentum emptionis exhibuit, eumq; ad retra-
 ctum admisit. Nisi ergo emptor auctori instrumentum Repl. 7.
 emptionis exhibuerit, eumq; ad retractum admise-
 rit, octo dies oblationis auctori non currunt. d. §. 22.
 gl. 1. num. unico: & gl. 2. num. 1. de qua re dictum
 quoq; §. reg. prox. except. 6. cum duabus sequenti-
 bus, & except. 11. Dies item exhibitionis & ad- Repl. 20.
 missionis non computatur in numero octo dierum.
 Quamquam hoc controuertitur & distinguitur §.
 3. gl. 2. num. 5. item §. 1. gl. 11. num. 17. cum sequenti-
 bus, usq; ad finem glossæ. de qua re dictum quoq; §.
 quæst. prox. reg. 2. except. 37. cum sequente. Si Repl. 30.
 item tempus octo dierum incidat in diem bissexti-
 lem, uidetur, quamuis nono die oblatio fiat, auctori
 tamen exceptionem propositam non nocere. Quod
 tamen controuertitur, magisq; reprobatur d. gl. 2.
 num. 6. de qua re uide item §. d. reg. 2. except. 35.

- Repl. 4.** Præterea quāuis noctū postremi diei oblatio fiat, dicendum tamen est actori non ob stare exceptionem supradictā. §. 1. gl. 11. num. 12. Licet aliās noctū oblatio fieri non debeat, nisi periculum sit in mora. d. num. 12. & in fine libri num. 86. uers. ideo cum &
- Repl. 5.** solutio. Sed & si iustum impedimentum superuenierit, quo minus intra legitimū tempus oblatio sit facta: dicendum, actori aduersus exceptionem propositam replicatione subueniendum. §. 3. gl. 4. num. 5. cum sequente. in cuius tamen fine additur, hanc replicationem de consuetudine non facillè ad-
- Repl. 6.** mitti. Si item actor, postquam octo dierum præscriptione à retractu est exclusus, intra annum retractus nouam denunciationem & oblationem faciat: uidetur rursus admittendus ad retractū. Quod tamen multum controuertitur d. gl. 4. num. 7. & §. 8. gl. 7. num. 3. cum sequētibz, usq; ad finem glos-
- Repl. 7.** se. Deniq; si sententia in causa retractus lata sit contra emptorem, actor etiam intra triginta annos preciam offerens audiendus est. in fine libri num. 32. cum tribus sequētibz: ubi tamen hoc controuertitur. Plures propositæ exceptionis replicationes uide §. reg. prox. Nam quæ causæ actorem, qui omnino non obtulit precium, excusant, eadem etiam eidem, si intra legitimū tempus obtulit, ad excusationem prosunt. Sed & plures huiusmodi replicationes uide §. quæst. prox. reg. 2. Sumitur
in super
- 20. Except.**

insuper ex tempore oblationis exceptio, si noctu dicatur oblatio facta. de qua paulò superius exceptione prox. repl. 4. est dictum. Item, si feriatis diebus oblatio sit facta, aduersus oblationem ex tempore eius uidetur excipiendum. Quæ tamen exceptio reprobatur in fine libri num. 78. Hæc de precij oblatione, altero uidelicet actoris officio, sint dicta.

V. Regula: Tertium actoris officium uidetur, precium oblatum consignare atque deponere, si id emptor accipere nolit, uel absit. Sed hoc actori remittitur §. 7. uers. nec opus est consignare. item §. 9. gl. 3. num. 24. Secus est de iure communi, & quo rundam locorum consuetudine speciali. d. §. 7. gl. 3. num. 1. cum duobus sequentibus: item §. 9. gl. 3. num. 3. Declaratur regula proposita definitione consignationis d. §. 7. gl. 3. num. 6. cum quatuor sequentibus.

VI. Regula: Quartum actoris officium est, requisitio ut ad retractum admittatur. §. 8. uers. requisitio. item d. §. 8. gl. 1. num. 3. cum duobus sequentibus.

VII. Regula: Quintum actoris officium est, ut emptorem in ius uocari seu citari faciat. d. §. 8. uers. citatio formalis. & d. §. 8. gl. 2. num. 1. de qua re uide plura §. quæst. prox. reg. 2. except. 32. itē M. I. R. lib. 2. cap. 5. reg. 19. except. 1. cum sequentibus.

VIII. Regula: Pertinet item ad officium acto-

vis, rem quam petit, designare. §. 1. uers. quas quidem res. & d. §. 1. gl. 15. num. unico. Item, quòd sit res patrimonialis, ab eo ponendum atq; probandū est. §. 32. gl. 1. num. 97. cum duobus sequentibus.

I X. Regula, De iureiurando ab actore prastando, quòd hanc actionem suo nomine, & ad suum commodum, & sine fraude instituat, habetur §. 5. cū sua glossa unica, num. 1. & num. 6. Iurare autem debet actor eo modo quo petit reus. d. gl. unica, num. 7. Si uerò reus non petierit iusiurandum, actor ad hoc prastandum non est adstrictus. d. §. 5. uers. postulante reo.

X. Regula: Pertinet item ad officium actoris, soluere impensas reo, quas rei retrahendæ nomine fecit. §. 1. gl. 18. num. ult. & §. 29. ubi uaria huiusmodi impensarū genera enumerantur: inter cætera impense instrumentorum ipsius contractus. Cui concordat d. §. 29. gl. 3. num. 1. cum seq. Item laudimia. Cui concordat d. §. 29. gl. 1. num. 1. cum sequente. item lib. 2. retractus, §. 6. gl. 2. num. 3. uers. nam etsi consanguineus. De impensis tributi aut gabellæ ab emptore solutis habetur d. §. 29. gl. 4. num. 1. De impensis domino datis, ut ratificaret contractum ab alio in re sua celebratum, habetur d. gl. 4. num. 11. De impensis ab emptore factis in re persequenda
1. Except. uel defendenda habetur d. gl. 4. num. 12. De ijs quæ data sunt proxenctis, controuertitur ac distinguitur

guitur d. gl. 4. num. 8. cum duobus sequentib. Si- 2. Except.
 militer de impensis quas emptor transigendi causa
 fecit, ne res ei auocaretur, controuertitur d. gl. 4.
 num. 14. Quemadmodum etiam de impensis, quas 3. Except.
 emptor ratione sui priuilegij soluere non teneba-
 tur, attamen soluit, controuertitur d. gl. 4. num. 4.
 Planè sumptus quos cognatus remotior rem retra- 4. Except.
 hendo in eam litem fecit, proximior ab eo rem re-
 trahens ei restituere non tenetur. §. 11. gl. 6. num. 3.
 cum sequente. Quanquam huic contradicit d. gl. 4.
 num. 13. Sed nec eos sumptus actor reo tenetur 5. Except.
 restituere, quos casu fortuito rei nomine amisit. d.
 gl. 4. num. 15. Quemadmodum nec eos quos se- 6. Except.
 cit in re armis aduersus potentes defendenda. d. gl.
 4. num. 16. Sed & si reus ab aduersario suo, cum 7. Except.
 quo de re litigauit, sumptus receperit, frustra eos ab
 actore petit. d. gl. 4. num. 13. uers. sed ita tamen.
 Quemadmodum & eos quos non expendit: nisi 8. Except.
 fortè ex speciali priuilegio eos non expendit, uel do-
 nandi causa ei sint remissi. Quorum tamen prius
 controuertitur d. gl. 4. num. 2. cum sequente. poste-
 rius controuertitur d. gl. 4. num. 5. cum duobus se-
 quentibus. Plures huiusmodi cōtrouersas exceptio-
 nes uide paulò superius reg. 4. except. 8. repl. 8. cum
 sequente: item j. lib. prox. quæst. 10. reg. 6.

XI. Regula, De fori præscriptione opposita,
 utrum impediat litis contestationem, an post eam

H 5 sit

sit disceptanda, controuertitur §.8. gl.5. num. 18. cū tribus sequentibus.

De Probationibus at Præsumptionibus in hoc iudicio retractus.

XII. Regula: Cognatio actoris probatur confessione aduersarij, quamuis ab eo sit reuocata: nisi errorem confessionis probauerit. Quæ regula controuertitur quidem, sed magis approbatur §.1. gl.9. num. 274. cum sequente.

XIII. Regula, De testibus cognitionem affirmantibus, quatenus ij fidem faciant, differitur §.1. gl.16. num. 1.

XIII. Regula: Alia per quæ cognatio probetur, habentur d. gl.16. num. 1. cum octo sequentibus.

XV. Regula: Si dubitetur, utrum reus absens sit perquisitus & non inuentus: quid præsumendum, & per quæ probetur, differitur §.8. gl.9. num. 23. cum quatuor sequentibus.

XVI. Regula, De citatione probanda. Hæc per testes probari potest sine alia renunciatione nunciij. §.7. gl.2. num. unico. Eiq; duo testes adhibendi. §.8. in fine: & d. §.8. gl.8. num. unico.

XVII. Regula: Si dubitetur, utrum uēditionis, an alio titulo res ad reū peruenerit: quomodo uenditio probetur, cōtrouertitur in fine libri num. 87. cum quatuor sequentibus.

XVIII. Regula: Si dicatur contractus simulatus, quomodo probetur, differitur §. 1. gl. 2. num. 17, & gl. 7. num. 75. & §. 2. gl. 1. num. 25.

XIX. Regula: Contractus simulatus & fraus non presumitur, nisi probetur. §. 26. gl. 1. num. 35. itē lib. 2. in fine, num. 127. uers. præsertim cū in dubio. Sed probatur & detegitur ex tractatu precedente magis quā ex sequēte. §. 1. gl. 14. num. 24. cū tribus sequentibus. Item ex contractu lucratiuo magis quā oneroso. §. 26. gl. 3. num. ult. in fine.

XX. Regula: Presumitur fraus, si res uilius sit conducta. §. 1. gl. 7. num. 75. Item ex breuitate temporis. d. gl. 7. num. 76. cum sequente. Item cū eodem tempore fit locatio & uenditio, aut confestim fit uenditio post locationem. d. gl. 7. num. 78. Item si contrahentes, cū cogitant tractantq; de uenditione, locationem & conductionem prius faciunt. nam hoc casu, quauis emptio & uenditio nō continuo post sequatur, tamen factum in fraudem uideri potest. d. gl. 7. num. 79.

XXI. Regula: Si dubitetur, utrum permutatio simuletur in fraudem retractus, necne: uēditor eius rei censetur testis idoneus. Quæ tamen regula controuertitur §. 1. gl. 14. num. 46. cum decem sequentibus.

XXII. Regula: Simulatio permutationis in fraudem retractus etiam testibus probatur. d. gl. 14. num.

num. 57. item coniecturis & præsumptionibus. d. gl. 14. num. 58.

XXIII. Regula: Non satis est dicere ac probare in genere, contractum esse simulatum, fraudulentum & fictitium, nisi etiam species fraudis probetur. d. gl. 14. num. 59.

XXIII. Regula: Fraus actoris non sibi, sed alij retrahentis, deprehenditur coniecturis & argumentis uerisimilibus: item si rem retractam statim alij cedat. §. 5. gl. 1. num. 4. Et quamuis actor iurauerit, se sibi, non alij retracturum: tamen contra hoc iuramentum admittitur probatio in contrarium. d. gl. 1. num. 5.

XXV. Regula: Si de quantitate precij dubitetur, utrum assertioni contrahentium standum sit, differitur §. 1. gl. 18. num. 76. cum sequente: & §. 2. gl. 1. num. 24. cum tribus sequentibus: item num. 29. cum sequente. Item, utrum instrumentis solum, an etiam testibus uenditio eiusq; precium probari possit: controuertitur §. 2. gl. 1. num. 11. cum duodecim sequentibus. Et, utrum probatio in contrarium sit admittenda, si emptor de quantitate precij iurauit: controuertitur, magisq; affirmatur §. 2. gl. 2. num. 15. & §. 4. cum gl. 1. num. 1. & nouem sequentibus: & num. ult. de qua re ibidem plura sequuntur, quæ meis Institutionibus lib. 2. cap. 11. reg. 9. except. 12. in se adieci.

XXVI. Regula: Si dubitetur, utrum emptor uenditori precium soluerit, necne: uenditoris confessioni standum est. Quanquam hæc regula controuertitur §. 1. gl. 18. num. 78. cum quindecim sequentibus: & §. 2. gl. 1. num. 28.

XXVII. Regula: Res uendita in dubio præsumitur acquisititia, donec patrimonialis probetur. Quæ regula controuertitur atq; distinguitur §. 32. gl. 1. num. 91. cum quinque sequentibus: & num. 97. cum duobus sequentibus.

XII. EVENTVS ET CON- sequentia propositæ actionis.

I. Regula: Per actionem propositam in iudicium deductam res efficitur litigiosa, ut amplius alienari non possit. in fine libri, num. 123. Antequam autem ea in iudicium fuerit deducta, emptori alienatio rei non est interdicta. §. 12. gl. 1. num. 1.

II. Regula: De instrumento actori à reo super retractu præstando; differitur §. 29. gl. 5. num. 1. cum tribus sequentibus.

III. Regula: De precio & alijs impensis ipsi reo ab actore soluendis, dictum §. 3. quæst. prox. reg. 3. cū sequente: & reg. 10.

IIII. Regula: De iure per emptionem confuso emptori restituendo differitur §. 1. gl. 7. num. 62. cū octodecim sequentibus: item in fine libri num. 114.

V. Regula.

V. Regula, De laudemijis domino soluēdis. Actor qui rem retraxit, non tenetur domino tanquam nouus emptor soluere laudemia. Quæ regula controuertitur quidem, sed magis approbatur §. 29. gl. 1. num. 3. cum sequente. Cuius exceptio prima est: Si res actori ab emptore ultrò sit uendita, non ab eo inuito retracta. d. gl. 1. num. 5. cum sequente. Huius replicatio est: Si uenditio hæc posterior intra tempus retractus facta sit eodem precio, iisdemq; conditionibus, quibus prior est facta. Quæ replicatio controuertitur d. gl. 1. num. 27. Altera propositæ regulæ exceptio est quoad priorem uenditionem, ex qua res retracta est. Ex ea enim actor domino laudemia soluere tenetur. Quæ exceptio controuertitur quidem, sed magis approbatur d. gl. 1. num. 1. cum sequente: item d. §. 29. gl. 2. num. 1. cum quatuor sequentibus. Cuius replicatio prima uidetur: Si ab ipso domino emente retraxit. Quæ replicatio controuertitur, magisq; reprobatur d. gl. 2. num. 9. cum sequente. Altera replicatio uidetur: Si dominus emptori laudemia remisit uel donauerit. Quæ replicatio controuertitur d. §. 29. gl. 4. num. 3. cum duobus sequentibus. Tertia replicatio est: Si emptor ipse domino laudemia soluerit. hoc enim casu actor nõ domino, sed emptori laudemia soluet. De qua re dictum §. quæst. prox. reg. 10.

VI. Regula: Emptor, re retracta, non tenetur domino

mino soluere laudemia. Quæ regula controuertitur quidem, sed magis approbatur §. 29. gl. 2. num. 1. cum quatuor sequentibus. Cuius exceptio prima est: Si emptor auctori nondum ius suum cesserit. d. gl. 2. num. 6. Altera exceptio est: Si emptor sponte alteri rem rursus uendiderit. hoc enim casu nihilominus domino ex priori emptione laudemia debet. d. gl. 2. num. 7. cum sequente.

V 11. Regula: Venditor emptori re retracta de euictione non tenetur. §. 1. gl. 9. num. 34. cum duobus sequentibus. Cuius regulæ exceptio prima est: Si uenditor euictionem se præstaturum promiserit. d. gl. 9. num. 34. in fine: et num. 36 in fine: item num. 54. cum sequente. Huius replicatio est: Si non specialiter promiserit uenditor rem tutam & securam se aduersus retractum cognatorum præstaturum. d. gl. 9. num. 56. Hæc replicatio uidetur recipere duplicationem hanc: Si uenditor promiserit, quomodocumq; res euincatur, se præstaturum. Quæ duplicatio controuertitur, magisq; reprobatur d. num. 36. in fine: & in fine libri, num. 98. Altera propositæ regulæ exceptio est: Si uenditor dixerit, rem non esse obnoxiam retractui. in fine libri, num. 99. Tertia exceptio est: Si emptor rem rursus uendiderit durante tempore retractus: hoc enim casu, si res à secundo emptore retrahatur, ipsi aduersus suum uenditorem actio non denegabitur.

tur. §. 12. gl. 1. num. 6. Cuius replicatio prima est: Si posterior uenditor secundo emptori indicauerit, rem adhuc retractui esse obnoxiam, uel posterior emptor id sciuerit. d. gl. 1. num. 7. cum sequente. Huius duplicatio est: Si expressim de euictione re retracta scienti sit cautum. d. gl. 1. num. 7. uers. nec enim. & num. 8. Vide item §. except. 1. Altera replicatio est: Si posterior emptor scire debuit rem obnoxiam esse retractui. d. num. 7. uers. aut scire debebat. item d. gl. 1. num. 9. item in fine libri, num. 43. Tertia replicatio est quoad precium, quo posterior emptor rem pluris emit quam prior. ad hoc enim restituendum prior emptor posteriori tenetur. Quae replicatio controuertitur quidem, sed magis approbatur d. gl. 1. num. 8. in fine: & num. 10. cum sequente: num. 13. & num. 25. Cuius duplicatio prima est: Si id actum sit, ne de eo restituendo prior emptor teneretur. d. num. 10. uers. nisi etiam actum sit. & num. 14. Huius triplicatio est: Si non specialiter, sed generaliter cōuenerit, ne prior emptor posteriori de euictione teneretur. d. num. 14. Altera propositae replicationis duplicatio est: Si contra interdictum legis emerit. hoc enim casu nec precium potest repetere. d. gl. 1. num. 12. item in fine libri, num. 47.

VIII. Regula: Re actori euicta, is non habet regressum aduersus emptorem, à quo retraxit, sed aduersus

aduersus uenditorem. in fine libri, num. 118. Cuius exceptio est: Si ex facto uel culpa emptoris res actori fuerit euicta. d. num. 118. Huius replicatio est: Si ex eo res actori euincatur, quod emptor à minore sine decreto emerat. hoc enim casu, quamuis emptor in culpa sit, quod rem à minore, cuius aetatem non ignorabat, aut certè ignorare non debebat, sine decreto emerit: tamen actori de euictione non tenetur. Quæ replicatio controuertitur quidem, sed magis approbatur in fine libri, num. 42. cum septem sequentibus. Huius replicationis duplicatio prima est: Si emptor actorem ad retrahendum allexit. in fine libri, num. 50. Altera duplicatio est: Si & actor retrahens fuerit minorennis. hoc enim casu in integrum aduersus emptorem restituitur. Quæ duplicatio controuertitur, magisq; approbatur in fine libri, num. 51. cum sex sequentibus.

IX. Regula: Tempus quo possedit emptor, actori ad usucapionem uel præscriptionem implendam accedit. in fine libri, num. 38.

X. Regula: Actor qui sententiam obtinuit, postea poenitentia ductus retractui renunciare, inuito etiam emptore. Quæ regula controuertitur quidem, sed magis approbatur in fine libri, num. 24. cum septem sequentibus: & num. 51. cum sex sequentibus.

XI. Regula: Si actor nō sibi, sed alij rem retra-

I xit:

xit: emptori datur actio ad rem repetendam. §. 5. gl. unica, num. 2. cum duobus sequentibus.

XII. Regula: Socius bonorum actoris retrahentis dimidiam rei retractæ partem acquirit. §. 26. gl. 1. num. 33. cum quatuor sequentibus. Vnde uxor quoque retrahentis dimidiam rei retractæ partem habet, & contrà maritus uxoris retrahentis. §. 16. cū duabus glossis sequentibus. & §. 10. gl. unica, num. 20. in prim. Soluta tamen societate, actori eiusq; hæredibus intra annū datur facultas retrahendæ partis socio acquisitæ, oblato pro rata precio. d. gl. 1. num. 38. Quod etiam in parte uxori uel marito retrahentis acquisita obtinet. §. 17. cū sua glossa unica: et d. num. 20. Sed & si maritus constante matrimonio rem aliquam adquisierit à cognatis suæ uxoris: licet uxori eiusque hæredibus soluto matrimonio partem marito acquisitam oblato pro rata precio retrahere. §. 20. Quod etiam in alijs socijs, quorum alter ab alterius cognatis aliquid emerit, obtinere censet Tiraquellus d. §. 20. gl. 1. num. 1. cum decem sequentibus. Similiter admittitur quis restituendo precij dimidium, cum maritus & uxor constante matrimonio adquisierint aliquem annum redditum, aut onera uel seruitutes, quæ ab altero eorum aut super bonis ipsorum ante matrimonium debebantur. §. 19. cum sua glossa prima. Planè si consuetudo sit, ut res constante matrimonio acquisitæ superstiti

perfliti coniugi cedant, ex afse quidem in ufumfru-
ctū, ex femiffe uerò in proprietatē: quāuis defuncti
hæres dimidiā precij partē fuperfliti intra annū ob-
tulerit, nihilominus fuperflites ufumfructū medieta-
tis rei adq̄uifitæ obtinebit. §. 18. cū fua glosfa unica.

XIII. Regula: Ceffante confuetudine cōmunio
nis inter maritū & uxorē, itē oblationis precij di-
midij foluto matrimonio, cōtrouertitur, utrū mari-
tus rē uxoris nomine retractā ei eiufue hæredibus
foluto matrimonio teneatur refituere? §. 10. gl. uni-
ca, num. 18. cum duobus fequentibus.

XIII. Regula: Cū uir & uxor fimul uendūt,
præfumitur præciū ad utrunq; pro parte peruenif-
fe. Quæ regula controuertitur & diftinguitur §. 31.
gl. 1. num. 4. cum quinq; fequentibus.

XV. Regula: Si emptor rei immobilis decedat,
relictis alijs hæredibus mobilium, alijs immobiliū,
poftēaq; res retrahatur: præcium oblatum ad hæ-
res mobilium pertinet, quamuis res, fi retracta non
fuiffet, hæredum erat rerum immobiliū. Quæ re-
gula controuertitur quidem, fed magis approba-
tur in fine libri, num. 10. cum tredecim fequentibus.
Accedit Gabriel. lib. 1. de præfumptionibus, conclus.
12. num. ult.

METHODI LIBRI PRIMI

de retractu municipali

finis.

I 2

METHO-

METHODVS LI-

BRI SECVNDI, DE

retractu conuen-
tionali.

PARTITIO LIBRI.



N libro secūdo describitur actio, quæ datur ex pacto reuenditionis in uenditione alicuius rei uel post adposito ad rem uenditam ipsi uenditori eiúsue hæredibus oblato precio reuendendam: unde à conuentione appellatur *Retractus conuentio- nalis*. Describitur autem hæc actio per undecim locos principales. Primus est de ipso pacto, ex quo hæc actio competit. Alter de nomine huius actionis. Tertius de genere eius. Quartus de causa huius actionis, eiusq; exceptionibus. Quintus locus complectitur personas, quibus actio hæc detur. Sextus personas eorum, aduersus quos detur. Septimo definitur, ubi & apud quem iudicem hæc actio competat? Octauo, quid, quale quantumq; in hac actione ueniat petendum? Nono, quando & quamdiu competat? Decimo enumerantur antecedentia & adiuncta huius actionis. Postremo euentus eius & consequentia.

CONVENTIONALI. 133
I. DE IP SO PACTO
reuenditionis.

I. De nomine huius pacti. Hoc pactum uulguſ de
retrouendendo, nonnulli de reuendendo appellant.
in præſat. num. 1. in fine. Fiducia ſeu fiduciaria man
cipatio aut uenditio à ueteribus nūcupatur. in præ
ſat. num. 39. cum duobus ſequentibus.

II. Iuſtum cenſetur pactum. in præſat. num. 2. cū
duobus ſequentibus. Nec inducit præſumptionem
fraudis, ſcilicet contractus pignoratitij in fraudem
uſurarum initi. Quanquam hoc controuertitur in
præſatione num. 5. Minus tamen inducit ſuſpi- 1. Excepto
cionem fraudis pactum ex interuallo adpoſitum,
quàm illud quod in ipſo contractu aut mox poſt
ipſum factum eſt. in præſat. num. 6. cum quinque ſe-
quentibus. Sed & ſi pactum reuendendi non in ipſo 2. Excepto
inſtrumento principali adpoſitum eſt, ſed ſeorſim
ac ſeparatim, magis facit ad præſumptionem frau-
dis. in præſat. num. 12. cum tribus ſequentibus. Si- 3. Excepto
militer ſi iuramentum acceſſerit, hoc magis reddit
contractum ſuſpectum de fraude ac ſimulatione. in
præſat. num. 16. cum tribus ſequentibus. Sed & 4. Excepto
fraudis ſuſpicio augetur, ſi res minoris uendita ſit.
in fine libri num. 126. uerſ. nec enim id ſolum. Quod
quomodo accipiendum ſit, declaratur in præſat.
num. 20. cū ſex ſequentibus: item in fine libri num.
144. cum tribus ſequentibus. Item in uenditione 5. Excepto

paſtum adpoſitum magis eſt ſuſpectum, quàm in datione in ſolutum. in præſat. num. 27. cum duobus

6. Except. ſequentibus. Item augetur fraudis ſuſpicio, ſi paſto adpoſitum ſit certum tempus, intra quod rem redimere non liceat. in præſat. num. 30. & §. 1. gl. 2. num. 69. cum tribus ſequentibus: item in fine libri num. 93. uerſ. quod paſtum. In quo tamen poſtremo loco paſtum hoc nõ dicitur illicitum, niſi alia quædam concurrant. Cui accedit etiam Fichard. in addit. ad Baptiſt. à Vill. in litera P. num. 6. Vide item §.

7. Except. quæſt. 9. reg. 1. Item ſuſpicio fraudis augetur, ſi maiori uel minori precio res à uenditore eſt redimenda, quàm emptor ſoluit. in præſat. num. 31. cum duo-

8. Except. bus ſequentibus: & §. 1. gl. 3. num. 1. Minuitur autem fraudis ſuſpicio, ſi paſtum à ruſtico uel muliere

9. Except. ſit factum. in præſat. num. 34. cum ſequenti. Item fraudis ſuſpicionem auget, ſi in paſto ſit adpoſitũ, ut ſi uenditor rem redimat, emptori ſumptus reſundat, quos eius rei gratia feciſſet. Quanquã hoc controuertitur, magisq; reprobatum §. 6. gl. 2. num. ult.

10. Except. Præterea ſi pro annuo reditu uendito fundus emptori ad percipiendos fructus datus ſit, & conuenit, niſi intra certum tempus annuus reditus redimatur, ut fundus in ſolutum emptori cedat: hoc paſtum illicitum cenſetur. Quod tamen controuertitur & diſtinguitur in fine libri, num. 120. cum ſequentibus, uſq; ad num. 144. Planè ſi conuenit, ut

re intra tempus statutum non redempta, emptor precio aliquam summam adijciat, hoc pactum non improbat. in fine libri, num. 148. Postremo **II. Excepta** fraudis suspicio augetur, si pacto reuendendi adiectum sit, ut emptor eius anni, quo res redimetur, dimidiam partem fructuum percipiat. Quoniam hoc controuertitur, approbatur tamen magis in fine libri, num. 149.

III. Pactum reuendendi censetur pars contractus. §. 1. gl. 1. num. 1.

IIII. Hoc pactum facit rem minoris aestimari. in præfat. num. 20. cum sex sequentibus.

V. Res uendita pro pacto de reuendendo tacite censetur pignori obligata. §. 3. gl. unica, num. 9.

VI. Emptor ob pactum de reuendendo non potest cedere arbores frugiferas aut alias inciduas. Quod approbatur simul et distinguitur §. 3. gl. unica, num. 23. cum octo sequentibus.

VII. Empto uiuario cum hoc pacto reuendendi, feræ occidi possunt, dummodò aliæ in earum locum substituantur. d. num. 23. in fine.

VIII. Fundus cum pacto reuendendi emptus, pendente tempore reuendendi, antequam redimatur, censetur immobilis, in quo hæredes rerum immobilium succedunt: postquam uerò redemptus est, pecunia qua redemptus est, ad hæredes rerum mobilium pertinet. in fine libri, num. 111.

IX. Ex pacto reuendendi ex parte tantum emptoris oritur obligatio, non etiam ex parte uenditoris. nam hic inuitus ad redimendum cogi non potest. in fine libri, num. 150. Nisi id nominatim sit actum. in fine libri, num. 104. Sed et si hoc actum non sit, potest tamen emptor, si contractus sit illicitus, aduersus uenditorem agere, ut aut approbet contractum, aut reprobet. d. num. 150. cum tribus sequent.

X. Emptori cum pacto reuendendi competit interdictionum Quod ui aut clam, ceteraq; similia. in fine libri, num. 181.

XI. Ex uenditione cum pacto reuendendi debentur laudimia domino, non autem ex reuenditione. Quod controuertitur quidem, sed magis approbatur §. 6. gl. 2. num. 4. cum sedecim sequentibus. Plures huius pacti effectus uide §. quest. 11.

II. DE NOMINE ACTIONIS propositæ.

Hæc actio Retractus conuentionalis appellatur, quod ex conuentione partium profiscatur: cum scilicet inter emptorem & uenditorem conuenit, ut uenditor intra certum aliquod tempus, aut quandoque, aut simpliciter sine temporis præfinitione possit rem uenditam oblato precio retrahere. in præfat.

num. 1.

CONVENTIONAL I. 137
III. GENVS PROPOSITÆ actionis.

I. Ex pacto de reuendendo duæ actiones oriuntur, Venditi nimirum et Præscriptis uerbis actio. §. 1. gl. 1. num. 2. cum sequente.

II. Bonæ fidei actio est. §. 1. gl. 6. num. 42.

III. Actio est in rem scripta. §. 4. gl. 5. num. unico. uers. neceſſe est ergo.

IIII. CAUSA HVIVS ACTIONIS, cum suis exceptionibus.

Competit hæc actio ex pacto reuendendi. l. si uir. 12. ff. de præscriptis uerbis. l. 2. et l. si à te. 6. C. de pactis inter emptorem et uenditorem. Accedunt ea quæ dicta sunt §. quæst. 2. Competit tamē interdum hæc actio ex iure statutorio, quando statuto cauetur, ut uēditis uel in solutum datis bonis debitoris, liceat ei intra aliquod tempus oblato precio bona redimere. quo casu queritur, an idem statutum obtineat in datione in solutū spontē facta? Quod controuertitur in fine libri, num. 154. Planē causa proposita suas etiam habet exceptiones, quarum prima est: Si minor uiginti quinq; annis aliquid emens hoc pactum uenditori fecerit, uel tutor aut curator eius. in fine libri, num. 1. Cuius replicatio uidetur: Si pactum hoc reuendendi non ex interuallo, sed in ipso contractu emptionis fuerit adpositum. Quæ re

plificatio controuertitur in fine libri, num. 2. cū quatuordecim sequentibus. Altera exceptio est: Si prælatus Ecclesiæ emens hoc pactum in præiudicium Ecclesiæ adiecerit. Quæ exceptio approbatur simul & distinguitur in ijsdem locis, in quibus Superior proxima. Accedit Soar. in litera E. num. 5. Sed & in ijsdem locis differitur idem in procuratore & alio quouis administratore alterius nomine emente. Quod tertiæ exceptionis loco notandū. Quarta exceptio est: Si filiusfamiliās aliquid emens pactum reuendendi sine consensu patris adiecerit. Quæ exceptio approbatur d. num. 1. uers. & in simili. ubi etiam replicatio proponitur talis: Si nō ex interuallo, sed in ipso contractu filiusfamiliās hoc pactum adiecerit. Quinta exceptio uidetur: Si non simpliciter concessa fuerit uenditori facultas redimendi, sed emptor tantum promisit se daturum uenditori eam facultatem redimendi intra certum tempus. Quæ tamen exceptio controuertitur, magisq; reprobatur in fine libri, num. 25. cum sequentibus, usq; ad num. 62. Sexta exceptio est: Si in præfatione quidem contractus mentio sit facta pacti de reuendendo, sed in ipso contractu eius non sit cogitatum. Quæ exceptio approbatur simul & distinguitur in fine libri num. 21. cum tribus sequentibus. Septima exceptio est: Si non in continenti, sed ex interuallo pactum reuendendi sit adpositum,

tum. in fine libri, num. 105. cum duobus sequentibus. item num. 108. in fine. Cuius replicatio prima est: Si stipulatione pactum ex interuallo adpositum fuerit munitum. d. num. 108. uers. cæterum Angelus. Altera replicatio est: Si non multò post contractum superuenerit pactum. d. num. 108. in prin. item §. 1. gl. 5. num. 2. cum sequentibus, usq; ad finem glossæ. Tertia replicatio est: Si eodem die, quo contractum est, uel die sequenti pactum fuerit adiectum. d. gl. 5. num. 1. & d. §. 1. gl. 4. num. unico. Quarta replicatio uidetur: Si cum quis nomine alterius aliquid emississet, pactum hoc reuendendi adiecerit, antequàm is cuius nomine emerat, contractum ratificaret. Quæ replicatio cõtrouertitur in fine libri, num. 130. Hæc de septima exceptione. Octaua exceptio est: Si contractus principalis non subsistat, puta si simulatus sit. tunc enim pactum quoq; adiectum tale censetur, qualis est contractus principalis. in fine libri, num. 112. cum sequente. Nona exceptio est: Si uenditor in pacto reuendendi non promisit redimere. Quæ exceptio approbatur simul & distinguitur in fine libri, num. 105. cum tribus sequentibus. Decima exceptio est: Si annuo redditu cum pacto reuendendi intra certum tempus uendito, uenditor emptori fundum dederit ad fructus interim percipiendos, ita ut, nisi intra tempus, de quo conuenit, uenditor redditum annuum redemerit, fundum illum.

illam emptor in solutum haberet. Quæ exceptio cōtrouertitur & distinguitur in fine libri, num. 120. cum sequentibus, usq; ad num. 148. De qua exceptione cum alijs similibus dictum quoq; §. quæst. 1. reg. 2. Vndecima exceptio est: Si uenditor postea pacto reuendendi renunciavit. Quæ exceptio cum ipso iure subsistat, recipit replicationem hanc: Si alius, qui nomine domini uēdidit, pactusq; est de reuendendo, isti pacto postea renunciavit. hoc enim in præiudicium domini facere non potuit. in fine libri, num. 19. Cuius duplicatio est in feudo à uasallo consensu domini uendito. hoc enim casu uasallus uenditor pacto reuendendi in præiudicium domini potest renūciare. in fine libri, num. 160. Duo decima exceptio uidetur: Si in uenditionis instrumento pacti de reuendendo mentio facta non sit. hoc enim casu à pacto uidetur recessum. Quæ tamē exceptio reprobatur in fine libri, num. 21. cum tribus sequentibus. Decimatertia exceptio est: Si cum uenditor precium, emptore id accipere recusante, deposuisset, illud postea receperit. per hoc enim uidetur pacto reuendendi renunciassse. §. 4. uers. et si postea recipiat, cum sua gl. 10. num. 1. Cuius replicatio prima est, si cum sola oblatio sine con signatione ac depositione sufficeret, uenditor nihilominus deposuerit, & depositum postea receperit. d. num. 1. in fine: & lib. 1. §. 7. gl. 3. num. 4. Altera

tera replicatio est: Si minor uiginti quinque annis de-
positum receperit. d. gl. 10. num. 3. Decimaquar-
ta exceptio est: Si pacto certo modo facto, modus
pacti defecerit. tunc enim retrahere uolenti obsta-
bit exceptio. Cuius replicatio uidetur: Si cum pa-
ctum esset factum hoc modo, ut uenditori liceret re-
trahere post triennium à die, quo emptor uendito-
ri denūciasset ut redimeret, computandum, emptor
antequam denunciaret, sit mortuus, & sic nō ipse,
sed hæres eius denunciauerit. Quæ tamen replica-
tio controuertitur in fine libri, num. 162. Decima-
quinta exceptio est: Si cum pactum de reuendendo
factū esset sub hac conditione, Si emptor intra cer-
tum tempus non soluisset precium: emptore intra
tempus non soluente precium, uenditor postea pre-
cium petierit. per hoc enim pacto uidetur renūci-
asse. in fine libri, num. 163. Decimasexta exceptio
est: Si cum fundus cum pacto reuendendi uenditus
esset ea lege, ne uenditor alteri fundum uenderet,
nihilominus uenditor postea eum alteri uendide-
rit. hoc enim casu agenti ex pacto reuendendi ob-
stabit exceptio non seruati contractus. §. 3. gl. uni-
ca, num. 21. Cuius replicatio uidetur: Si uenditor
fundum à posteriori emptore redemerit, & priori
eum tradiderit. Sed reprobatur hæc replicatio d.
gl. unica, num. 22. Decimasextima exceptio est:
Si res uendita emptori sit euicta. in fine libri, num.

179. Cuius replicatio est: Si euictio ex facto emptoris prouenerit: puta si feudi emptor feloniam commiserit, ob quam feudo priuatur. hoc enim uenditori postea retrahere uolenti non præiudicat. §. 3. gl. unica, num. 32. Decima octaua exceptio uidetur: Si cum uenditor fundum cum pacto reuendendi uenditū in emphyteusin ab emptore accepisset, ob non solutum canonem iure emphyteutico ceciderit. hoc enim casu postea ex pacto cum retrahere uolenti exceptio uidetur ob stare. Quæ tamen exceptio controuertitur in fine libri, num. 89. cum sequente. Decimanona exceptio est: Si actor aliud quàm in iudicium deductum est, probauit. Quæ exceptio approbatur simul & distinguitur §. 1. gl. 3. num. 3. item in fine libri num. 98. cum quinque sequentibus. Vicesima exceptio uidetur: Si emptor id quod actoris interest, soluere sit paratus. hoc enim casu à rei restitutione uidetur liberandus. Sed exceptio hæc reprobatur §. 1. gl. 7. num. ult. & Soar. in litera E. num. 141. Vicesima prima exceptio est: Si uenditor nō totam rem emptam, sed partem eius: uel pluribus rebus uno precio emptis, quasdam ex ijs, non omnes retrahere uelit. Quæ exceptio approbatur per ea quæ habentur s. lib. prox. quæst. 4. except. 74. Cuius replicatio est: Si cum una res duobus cum pacto reuendendi uendita esset, uenditor ab uno emptorum partem eius uelit retrahere.

lib. 1.

lib. 1. retractus. §. 23. gl. 1. num. 31. Plures huius exceptionis replicationes uide s. lib. prox. quæst. 9. reg. 4. Vicefima secunda exceptio est: Si non omnia retractus solennia impleuerit actor. Quæ exceptio approbatur simul & distinguitur s. d. quæst. 4. except. 75. Declaratur enumeratione solennium s. lib. prox. quæst. 11. item j. hoc libro, quæst. 10.

Replicatio præcedentium exceptionum generalis.

Hactenus exceptiones aduersus retractum conventionalem, ex causa ipsius desumptas, enumerauimus: quarum replicatio generalis siue communis hæc est: Si emptor precium oblatum accepit. per hoc enim uidetur omnibus istis exceptionibus renun-
ciasse. §. 4. gl. 10. num. 2. De qua replicatione cum alia etiam generali uide ite s. lib. prox. quæst. 4. in fine.

V. Q V I B V S A C T I O proposita compe- tit?

I. Regula: Hæredibus quoque uenditoris actio proposita competit. §. 1. gl. 6. num. 1. Cuius exceptio prima uidetur: Si in pacto reuendendi adiecta sit dictio taxatiua: puta, ut liceat uenditori tantum, uel soli uenditori rem retrahere. Quæ exceptio cōtro-
uertitur d. gl. 6. num. 2. cum decem sequentibus. Admittitur tamen exceptio hæc, si dictio taxatiua non uenditori, sed alij, cui uenditor pactum reuenden-
di

di fecit, adiiciatur . d. gl. 6. num. 13. Altera exceptio uidetur: Si cum pactum reuendendi factum esset hoc modo, Cum uenditor uoluerit: uel, Cum petierit: uenditor, antequam suam uoluntatem redimendi declarauit, decesserit. Quæ exceptio reprobatur d. gl. 6. num. 14. cum duobus sequentibus. Tertia exceptio est: Si statuto primogenitus in feudo cum pacto reuendendi uendito ceteros hæredes excludat. hoc enim casu eos etiam in retractu excludit. in fine libri, num. 175. Quarta exceptio uidetur: Si non sui sint hæredes, sed extranei. Quæ tamē exceptio reprobatur d. gl. 6. num. 26.

II. Regula, De hæredibus hæredis. His quoq; actio proposita non deneganda. Quæ regula cōtrouertitur quidē, sed magis approbatur d. gl. 6. num. 17. cum octo sequentibus.

III. Regula, De extraneo, cui actio hæc à uenditore cessa est. Huic quoq; actio proposita competit: cum ius hoc cedi possit. lib. 1. retractus. §. 26. in fine, cum sua gl. 3. num. 1. Cuius exceptio prima uidetur: Si pactum reuendendi factum sit contemplatione uenditoris tantum, eiusq; filiorum. Sed controuertitur, magisq; reprobatur d. gl. 3. num. 42. Altera exceptio est: Si in pacto reuendendi uenditoris personæ adiecta sit dictio taxatiua. §. 1. gl. 6. num. 11. cū sequente. Tertia exceptio est: Si conuenit ne id ius alteri cedi possit. d. gl. 3. num. 43.

Quarta

Quarta exceptio est: Si cessionarius emptori instrumentum cessionis non exhibeat. d.gl.3. num.44.

Quinta exceptio est: Si minor uiginti quinque annis sine decreto iudicis hoc ius alteri cesserit. in fine lib.2. num.110.

IIII. Regula: Creditore pignus cum pacto reuendendi uendente, debitori quoque actio proposita non denegabitur. in fine libri, num.91.

V. Regula: Duobus rem communem cum pacto reuendendi uendentibus: unus sine altero experiri hac actione non prohibetur, & quidem in solidum. Quanquam hoc controuertitur §.1. gl.6. num.33. cum quinque sequentibus. Sed & pro parte retrahere uolens inuito emptore, exceptione uidetur repellendus. Quod & ipsum controuertitur d.gl.6. num.30. cum duobus sequentibus: item apud Franciscum. Viuium lib.2. com. opinion. in uerbo Vendita re ueni. de qua re uide item §.lib. prox. quæst. 9. reg. 4. except. 3. repl. 1. Planè quamuis unus alteri omnia sua bona, eo loco, ubi res uendita est, sita, in diuisione cesserit: tamen cedens hac actione experiri potest. d.gl.6. num.39.

VI. Regula: Si uenditor eiusque cognatus cōcurrant, utroque retrahere uolente, illo quidem ex pacto reuendendi, hoc autem ex iure municipali: uenditor cognato est præferendus. §.1. in fine, cum sua gl.7. num.1. cum sedecim sequentibus. Cuius re-

regule exceptio prima est: Si pactum reuendendi nō in continenti, sed ex interuallo contractui fuerit adiectum. d. gl. 7. num. 4. & num. 18. cum quatuor sequentibus. Huius replicatio uidetur esse: Si uenditor rem ex pacto redemerit. Sed controuertitur, magisq; reprobat d. gl. 7. num. 23. Altera propositæ regule exceptio est: Si uenditor non intra, sed post tempus, de quo in pacto conuenit, rem uelit retrahere. Quæ exceptio ipso quidem iure subsistit, uerū eius replicatio uidetur: Si emptor uenditori tempus illud prorogauerit. Quæ tamen replicatio controuertitur d. gl. 7. num. 24. cum octodecim sequentibus. Cuius replicationis controuersæ duplicatio est: Si non intra, sed post prius tempus elapsū emptor illud prorogauerit. d. num. 24. cum sequente. Tertiæ propositæ regule exceptio est: Si non uenditor ipse, sed alius, cui uenditor ius suū cedit, rem retrahere uelit. hic enim cognatis uenditoris non est præferendus. Quæ exceptio controuertitur quidem, sed magis approbatur lib. 1. retractus. §. 26. gl. 3. num. 45. Cuius replicatio est: Si cognatus uenditoris cessionario non restituat precium, quod pro cessione soluit. d. gl. 3. num. ult.

VI. ADVERSVS QVOS
actio proposita com-
petit?

L Regula: Aduersus emptoris quoque heredes
actio

actio proposita competit. §. 1. gl. 6. num. 27. Cuius exceptio prima uidetur: Si hæres minor sit uiginti-quinq; annis. Sed reprobatur d. gl. 6. num. 28. Altera exceptio uidetur: Si defunctus usufructum rei alteri legauerit. hoc enim casu usufructuarius potius quàm hæres uidetur conueniendus. Quæ tamē exceptio reprobatur d. gl. 6. num. 29. Tertia exceptio est: Si emptor eiusue hæres rem alienauerit. hoc enim casu possessor potius uidetur conueniendus. §. 1. gl. 7. num. 3. & num. 6. cum quinq; sequentibus: item num. 14. cum tribus sequentibus. Contradicit tamen d. gl. 7. num. 12. cū sequente. Sed & controuertitur exceptio hæc §. 3. gl. 1. num. 1. cum octo sequentibus. Tandem magis approbatur quàm reprobatur d. gl. 1. num. 9. in fine. magis tamen reprobatur quàm approbatur apud Francisc. Viuium lib. 1. com. opin. in uerbo Vendens rem cum pacto. Quarta exceptio est: Si pro parte hæres in solidum conueniatur. Quæ exceptio controuertitur §. 1. gl. 6. num. 44. Eiusq; replicatio est: Si pro parte hæres rem in solidum possideat. Quæ replicatio controuertitur etiam, magisq; approbatur d. gl. 6. num. 41. cum duobus sequentibus.

II. Regula: Etiam aduersus tertium possessorem uenditori oblato precio competit rei uendicatio. Quæ tamen regula ualde est controuersa, per ea quæ proposita sunt paulò superius reg. prox. exc. 3.

DE RETRACTV
VII. VBI ET APVD QVEM
iudicem hæc actio com-
petat?

Apud iudicem domicilij ipsius rei conuenti hæc actio competit, non apud iudicem loci, in quo res est sita. §.4. gl.5. num. unico. Cuius exceptio uidetur: Si tertius possessor conueniatur. Que tamen exceptio cōtrouertitur d. num. unico. uers. an uerò etiam, cum sequentibus.

VIII. QVID, QVALE QVAN-
tumq; ueniat in hac actio-
ne petendum?

I. Regula: Res ipsa uenit restituenda, nec emptor liberatur præstando id quod actoris interest, per ea que dicta sunt §. quæst. 4. except 20.

II. Regula, De fructibus. Emptor qui est in mora reuendendi, tenetur etiam ad fructus. §.4. gl.6. num.5. & §.5. gl.2. num.4. item gl.4. num.28. Declaratur regula hæc definitione moræ d. num.4. in fine. Huius regulæ exceptio prima est in hærede emptoris conuento, qui iustam habet ignorantie causam, si ei fides non fiat de pacto reuenditionis. d. num.5. cum duobus sequentibus. Altera exceptio est: Si ante oblationē & consignationem precij fructus à reo sint percepti. §.4. gl.6. num.4. & §.5. gl.2. num.1. cum duobus sequentibus: & num.6. Cuius replicatio prima uidetur: Si tempore uenditionis

tionis fructus fuerint maturi, ut breui tēpore post uenditionem emptor fructus perceperit. Sed reprobatur d. §. 5. gl. 4. num. 12. Altera replicatio est: Si fructus immaturos emptor perceperit. Quæ replicatio approbatur simul & distinguitur d. gl. 4. num. 18. cum duobus sequentibus. Hæc de secunda exceptione. Tertia propositæ regule exceptio uidetur: Si ante litis contestationem fructus ab emptore sint percepti. Verum exceptio hæc reprobatur §. 5. gl. 2. num. 5. de qua uide item §. lib. prox. quæst. 9. reg. 1. except. 3. repl. 3. Quarta exceptio est: Si fructus sint pendentes, nondum ab emptore percepti. hi enim inter emptorem & uenditorem pro rata temporis sunt diuidendi. §. 5. uers. sed si retrahens. Controuertitur tamen, magisq; approbatur d. §. 5. gl. 4. num. 1. cum octo sequentibus. Cuius exceptionis replicatio prima uidetur: Si emptor continuo post uenditionem integros percepit fructus, & eodem anno à uenditore oblatio fiat. hoc enim casu uidentur fructus pendentes soli uenditori relinquendi, non diuidendi. Sed replicatio hæc controuertitur, magisq; reprobatur d. gl. 4. num. 12. cum quinque sequentibus. Altera replicatio uidetur in sylua cædua. Sed & hæc reprobatur d. gl. 4. num. 31. Tertia replicatio est: Si emptor non spontè admisit uenditorem ad retrahendum, sed ad id fuit condemnatus. d. gl. 4. num. ult. Hæc de quar-

ta exceptione. Quinta proposita regula exceptio est: Si fundo ab emptore locato, dies pensionis tempore oblationis nondum uenerit, fructibus tamen à colono perceptis. hoc enim casu pensio debetur emptori, non uenditori. Secus si oblatio facta sit fructibus à colono nondum perceptis. d. gl. 4. num. 11. Sexta exceptio est in fructibus iurisdictionis, puta in multis & publicatione bonorum, delicto ante oblationem commissso. hi enim fructus, quamuis condemnatio nondum sit secuta, ad emptorem, non uenditorem pertinent. Quæ exceptio controuertitur quidē, sed magis approbatur d. gl. 4. num. 21. cum quatuor sequentibus. Quod magis dicendū, si tempore oblationis condemnatio sit facta, quamuis nondū secuta sit executio. d. gl. 4. num. 26. Quin imò si alicui multa sit indicta sub hac conditione, si intra annum aliquid committeret, isq; tale quid commiserit post oblationem à uenditore factam, dummodò intra annum statutum, nihilominus multa ad emptorem pertinet. d. gl. 4. num. 27. Quod etiam iuris est in laudemijis domino soluendis, uenditione sub conditione facta. nam etsi post oblationem conditio contractus extiterit, nihilominus laudemia emptori, non uenditori debentur: cum tempus contractus, non tempus existentis conditionis sit inspiciendum. d. num. 27. in fine. Septima exceptio est in fructibus ab emptore non perceptis.

Cuius

Cuius replicatio est: Si dolo uel culpa emptoris factum sit, quo minus eos perceperit. hoc enim casu actori in id quod ipsius interest, tenetur. d. gl. 4. num. 29. cum sequente. Hæc de secunda regula.

II I. Regula: Res talis reuendenda est, qualis est tempore retractus, non qualis fuit tempore contractus: nisi dolo emptoris deterior sit facta. §. 7. gl. unica, num. ult. & in fine libri num. 86.

III I. Regula: Id quod rei uenditæ per alluuiorem uel alio modo accessit, cum ipsa re uenditori restituumdum. in fine libri num. 92. cum quatuor sequentibus.

V. Regula: Thesaurus in fundo uendito repertus ante reuenditionem, communis est emptori & uenditori: ideoq; non nisi pro parte dimidia proposita actione peti potest. in fine libri, num. 97.

VI. Regula: Si ius aliquod uenditori competens per uenditionem sit confusum in persona emptoris, hoc redempto prædio uenditori est restituendum. Quæ regula controuertitur, magisq; approbatur & exemplo declaratur in fine libri num. 178.

VII. Regula: Si unus ex pluribus, quibus actio proposita competit, agat, utrum pro parte, an in solidum agere possit, uide §. quæst. 5. reg. 5. Item, si unus ex pluribus conueniatur: utrum pro parte, an in solidum sit cōueniendus, uide §. quæst. 4. except. 21. repl. item lib. prox. quæst. 9. reg. 4. except. 4.

IX. QVANDO ET QVAM-
diu competat actio pro-
posita?

I. Regula: Si pacto sit adiectum, ut post aliquod tempus uenditori rem retrahere liceret, ante illud tempus elapsum agens exceptione repellitur. §. 1. gl. 2. num. 48. uers. & econtrariò. item num. ult. Vide item §. quæst. 1. reg. 2. except. 6.

II. Regula: Intra statutum tempus omni die licet uenditori rem redimere. Quæ regula cont. rouertitur quidem, sed magis approbatur d. gl. 2. num. 67. cum sequente. Cuius exceptio est: Si ita enunciatio facta sit, ut duodecimo anno uenditori liceret redimere. tunc enim non nisi duodecimo anno potest redimere. d. gl. 2. num. 68.

III. Regula: Si actor intra legitimum tempus nõ egerit, postea ex pacto reuenditionis agenti temporis præscriptio nocebit. Quæ regula est extra controuersiam. Tempus autem legitimum huius actionis est triginta annorum. §. 1. gl. 2. num. 1. cum sequente. Nisi aliud inter emptorem & uenditorem conuenerit. d. gl. 2. uers. intra autem tempus, cū sua gl. 2. num. 42. cum undecim sequentib. Sanè si conuenit inter contrahentes, ut ad tempus uenditori rem redimere liceret, nullo certo tempore expresso: tunc de decem annis hæc conuentio accipienda est, nisi consuetudo loci aliud tempus maius uel mi-

nus receperit. d. gl. 2. num. 4. cum sequente. Sed & si res ab emptore sit alienata, possessor præscriptione decem annorum inter præsentēs, & uiginti inter absentes defenditur. d. gl. 2. num. 3. Planè habet regula proposita suas etiam exceptiones, quarum prima hæc est: Si conuenerit, ut uenditor quandocunque uel quoties uoluerit, uel perpetuò, uel semper possit rem oblato precio redimere, uel alio modo temporis præscriptioni ab emptore sit renunciatū. Quæ exceptio controuertitur d. gl. 2. num. 6. cum octodecim sequentibus: tandem tamen reprobatur d. gl. 2. num. 28. cum tribus sequentibus. item reprobatur apud Francisc. Viuium lib. 2. com. opin. in uerbo Pactum de retrouendendo. Sanè si tempus immemorabile uel cētum anni excesserint, magis uidetur retrahenti nocere temporis præscriptionem, exceptione proposita non obstante. Quamquam & hoc controuertitur d. gl. 2. num. 25. cum duobus sequentibus. Altera propositæ regulæ exceptio est: Si ex pacto redimendi non agatur, sed excipiatur. tunc enim temporis præscriptio isti exceptioni non obstat. d. gl. 2. num. 31. cum sequente. Tertia exceptio est: Si non simpliciter ex pacto redimendi agatur, sed etiam quòd contractus sit usurarius, uel aliàs illicitus ac reprobatus. d. gl. 2. num. 33. cū quinque sequentibus. Quarta exceptio est: Si ita emptor promiserit reuendere, Toties quoties huic fa-

cultati præscriptum fuerit, uel quamdiu uenditor uiuet, aut alijs similibus uerbis: d. gl. 2. num. 39. cum sequente. Quinta exceptio est: Si temporis præscriptio ab emptore nõ fuerit opposita. d. gl. 2. num. 41. Sexta exceptio est: Si res exiguo precio uendita sit. hoc enim casu uenditor etiam post tempus est audiendus. Quæ exceptio approbatur certo modo d. gl. 2. num. 55. Septima exceptio uidetur: Si tempus reuenditioni non à lege, neq; à contrahentibus, sed à iudice uel arbitro sit præstitutum. Quæ tamen exceptio reprobat in fine libri, num. 171. Octaua exceptio est: Si uenditor iustam habuerit causam, ob quam intra legitimum tempus non redemit, quæ in integrum restitutionem mereatur. Hæc exceptio controuertitur d. gl. 2. num. 56. cum quatuor sequentibus. Nona exceptio est: Si post tempus transactum emptor precium oblatum uel depositum accepit. d. gl. 2. num. 61. cum sequente. Cuius replicatio est: Si emptor ignorans tempus esse transactum, precium accepit. d. gl. 2. num. 63. Decima exceptio est: Si post tempus transactum emptor petijt sibi solui precium. d. gl. 2. num. 64. Vndecima exceptio uidetur: Si emptor uenditori dixit, se admissurum illum ad retractum quandoq; uoluerit. Quæ tamen exceptio reprobat d. gl. 2. num. 54. Sed & si post tempus transactum id uenditori dixit, tamen non perpetuò ex hoc obligatur,

ligatur, sed uenditor debet intra modicum tempus
 precium offerre: alioquin temporis præscriptione
 submouebitur. d. gl. 2. num. 65. Duodecima exce-
 ptio est: Si à die traditionis facta computatione, tem-
 pus nondum sit impletum. Quæ exceptio approba-
 tur simul & distinguitur d. gl. 2. num. 66. Deci-
 matertia exceptio est: Si tempus reuenditioni sta-
 tutum consensu emptoris sit prorogatum. §. 1. gl. 7.
 num. 32. Cuius replicatio est: Si minorennis, aut
 eius tutor, uel alius administrator emptoris, uendi-
 tori tempus prorogauerit. in fine libri, num. 17. cum
 sequente. Decimaquarta exceptio uidetur: Si cul-
 pa tutoris, uel alterius administratoris bonorum
 emptoris, intra tempus non sit actum. Quæ exce-
 ptio controuertitur, magisq; reprobatur in fine li-
 bri, num. 20.

X. ANTECEDENTIA ET adiuncta propositæ actionis.

I. Regula: Actor rem ex pacto retracturus, pre-
 cium reo debet offerre: alioquin exceptione sub-
 mouetur. §. 4. gl. 3. num. unico.

II. Regula: Non autem sufficit precium offerre,
 sed rectè offerendum est, secundū ea quæ dicta sunt
 §. lib. prox. quæ est. 11. reg. 4. in prim. Rectè aut obla-
 tum esse precium præsumitur, nisi contrarium pro-
 betur. Probatio uerò contrarij sumitur ex circum-
 stantijs

stantijs oblationis, puta ex re oblata, ex persona, & ex tempore oblationis, ex quibus exceptiones aduersus oblationem sumuntur, quas ordine recensēbimus. Sit igitur prima aduersus oblationem & dictam præsumptionem exceptio hæc: Si non totum precium, de quo conuenit, oblatum sit. d. §. 4. gl. 2. num. 1. Cuius replicatio prima est: Si nullum certum precium in pacto reuenditionis sit expressum. tunc enim, utrum precium uenditionis, an iustum precium, an uerò id quo res alteri uēdi possit, offerri debeat, differitur §. 1. gl. 3. num. 2. Altera replicatio uidetur: Si tantum unus numus desit, Sed reprobat. §. 4. gl. 6. num. 23. cum decem sequentibus. Altera exceptio est: Si aliam monetam uenditor offerat, quam accepit. Quæ exceptio approbatur simul & distinguitur §. 4. gl. 2. num. 2. Tertia exceptio est: Si monetam non usualement, reprobā, uel non legitimi ponderis offerat, d. num. 2. in fine. Quarta exceptio est: Si annuum redditum redimens, sortem tantum sine reliquijs uel usuris offerat. §. 4. gl. 4. num. 1. & §. 6. uers. unā cum reliquijs. Cuius replicatio est: Si dies usurarum nondum cessit. §. 5. uers. quorum dies cessit. Quæ replicatio recipit duplicationem hanc, Quod eius anni, quo sors offertur, usuræ pro rata temporis offerendæ, quamuis dies earum nondum cesserit. d. gl. 5. uers. sed si retrahens, cum sua gl. 3. num. unico. Quinta exceptio est:

est: Si non id quod emptoris interest, offeratur. §. 4. gl. 4. num. 2. Sexta exceptio est: Si non impen-
sa legitimæ, quas in rem fecit emptor, offerantur. §. 6. in fine. de qua exceptione plura dicentur J. reg.
6. Septima exceptio est: Si non emptori, sed iu-
dici oblatio sit facta. §. 4. gl. 1. num. unico. de qua
exceptione cum similibus uide §. lib. prox. quæst.
11. reg. 4. except. 5. Postrema exceptio est: Si post
tempus præstitutum oblatio sit facta. Quæ exceptio
approbatur, declaratur simul et distinguitur per
ea quæ dicta sunt §. quæst. prox. reg. 3. itē d. reg. 4.
except. 19. Sed et plures propositæ præsumptionis
exceptiones uide d. reg. 4.

III. Regula: Si emptor oblatum precium recu-
sauerit accipere, id à uenditore consignandum ac
deponendum est. §. 4. uers. et consignare. Nisi
ergo uenditor precium consignauerit ac deposue-
rit, dicendum est, illum exceptione submouendam
esse. Quæ regula controuertitur quidem, sed magis
approbatur d. §. 4. gl. 6. num. 1. cum tribus sequen-
tibus. Declaratur definitione cōsignationis d. num.
1. in prin. Distinguitur in rustico, muliere et milite
non consignante. Quæ distinctio controuertitur,
magisq; reprobatur d. §. 4. gl. 7. num. 13. cum septē
sequentibus.

IIII. Regula: Non autem sufficit actori consi-
gnare ac deponere precium, sed etiam requiritur,
ut

ut rectè id ab eo fiat. Proinde si non totum preciũ consignauerit ac deposuerit, exceptione submouetur, quamuis uel unus numus desit. de quo s. reg. 2. except. 1. est dictum. Idem dicendum, si non intra tempus reuisionis consignauerit ac deposuerit, sed post illud elapsum. §. 4. gl. 6. num. 36. Idem etiam dicendum uidetur, si non apud iudicem, sed apud alium deposuerit. Quod tamen controuertitur, magisq; reprobatur §. 4. gl. 7. num. 1. cum duobus sequentibus. Sed & si sine autoritate iudicis depositio sit facta, ea nullius censetur esse momenti. d. gl. 7. num. 11. Quod tamen non obtinet, si in loco publico depositum sit precium. d. num. 11. Cuius occasione recenset author historias de depositionibus factis in sacris ædibus. d. gloss. 7. num. 12.

V. Regula: Ad officium quoq; actoris pertinet, ut reũ intra tempus reuisionis faciat citari. Quamquam hoc controuertitur §. 4. gl. 6. num. 37. cum duobus sequentibus.

VI. Regula: Præter pretiũ & usuras, de quibus s. reg. 2. dictum, etiam expensas, quas rei causa emptor fecit, uenditor restituere tenetur. Quod nisi fecerit, exceptione repellitur. §. 6. in fine: item §. 7. cum sua gl. 1. num. 1. Impensæ igitur scruiutum ab emptore adquisitionum sunt restituendæ. d. §. 6. gl. 2. num. 23. Itẽ instrumenti uenditionis. d. gl. 2. num. 24.

Item

Item quod uenditor reliquatus est, & ab emptore solutum. d. gl. 2. num. 21. Planè si impensæ non fuerint necessariae, quamuis utiles, ad eas refundendas uenditor non tenetur. quod primæ exceptionis loco notandum. Quæ exceptio controuertitur simul & distinguitur §. 7. cum sua gl. unica, num. 1. cum duobus sequentibus. Potest tamen hoc casus emptor opus quod fecit tollere, dummodò id fiat sine detrimento rei retrahendæ, id est, ut res non sit deterior, quàm si ab initio impensæ factæ non essent. d. gl. unica, num. 6. ubi hoc rursus distinguitur in hunc modum: Nisi actor tantum dare paratus sit, quantum habiturus esset emptor opere isto ablato. d. num. 6. uers. nisi tamen. Altera propositæ regulæ exceptio uidetur: Si fructus ab emptore percepti æquent expensas. tunc enim cum fructibus uidentur compensandæ. Quæ tamen exceptio reprobatur d. gl. unica, num. 4. Tertia exceptio est in expensis fructuum percipiendorum gratia factis. has enim emptor cum fructibus perceptis debet compensare. d. num. 4. in fine. Cuius replicatio est: Si nulli aut exigui fructus ab emptore sint percepti. §. 5. gl. 4. num. 10. Huius replicationis duplicatio uidetur: Si emptor primo anno, quo fundum accepit, fructus à uenditore satos percepit. Quæ tamen duplicatio reprobatur d. gl. 4. num. 17. Quarta exceptio est: Si impensæ adeò magnæ sint, ut si uenditor

uenditor eas restituere cogeretur, re sua sit cariturus. §. 7. gl. unica, num. 5. Quinta exceptio uidetur: Si emptor rem restituit, expensarum exceptione non opposita. hoc enim casu ad eas repetendas uidetur actio ei deneganda. Quæ tamen exceptio reprobatur d. gl. unica, num. 7. Sexta exceptio est: Si res impensis emptoris non sit facta melior, aut non in tantum, quantum est impensum. d. gl. unica, num. 8. Quo casu res æstimanda est fructuum respectu magis quàm ipsius rei. d. gl. unica, num. 9. Cuius exceptionis replicatio est: Si impensæ sine culpa emptoris perierint. d. gl. unica, num. 10. Septima exceptio uidetur: Si res, in quam impensum est, postea perierit. Sed exceptio hæc reprobatur d. num. 10. in fine. Octaua exceptio est: Si cum in quasdam tantum res impensum esset, uenditor oblato precio eas tantum res, in quas nihil impensum est, sibi restitui petat, donec impensæ fuerint liquidæ. d. gl. unica, num. 11. Cuius replicatio prima est: Si non totum precium à uenditore offeratur. d. gl. unica, num. 12. in prin. Altera replicatio est: Si res sint connexæ, quæ separari ac dissolui non possint. d. num. 12. uers. sed nec affirmo. Nona exceptio uidetur: Si impensæ non sint liquidæ, & uenditor offerat cautionem de ijs soluendis, si liquidæ fuerint factæ. Sed hæc exceptio reprobatur d. gl. unica, num. 13. Decima exceptio uidetur: Si sen-

tencia

tentia in causa principali sit lata, nulla impensarum mentione facta, nec à reo exceptione opposita. Quæ tamen exceptio reprobatur, ita ut etiam aduersus executionem hæc exceptio impensarum possit opponi, d. gl. unica, num. 14. Vndecima exceptio uidetur: Si nō emptor, qui impensas fecit, sed alius, cui emptor rem uendidit, impensarū exceptionem opposuerit. Sed reprobatur d. gl. unica, num. 15. Duodecima exceptio uidetur: Si impensis forma rei sit mutata, puta ex agro uinea facta. Sed reprobatur d. gl. unica, num. 16. Decimatertia exceptio uidetur: Si uenditor minus fuisset impensurus. Sed reprobatur certo modo d. gl. unica, num. 17. Decimaquarta exceptio est: Si proxenetis aliquid emptor dedit. ad hoc enim restituendum uenditor non tenetur. Quæ exceptio controuertitur §. 6. gl. 2. num. 22. Decimaquinta exceptio est in gabella soluta. Quæ tamen exceptio controuertitur, magisq; reprobatur d. gl. 2. num. 1. cum sequente: Et num. 16. Decimasexta exceptio est in collecta soluta. in fine libri, num. 85. Decimaseptima exceptio uidetur in laudemijis domino solutis. Sed reprobatur d. gl. 2. num. 3. Decima octaua exceptio est: Si indebitū quid soluerit emptor. d. num. 3. uers.

si autem ea. Hæc de sexta regula cum
suis exceptionibus sint
dicta.

De probationibus ac præsum-
ptionibus in hoc iu-
dicio.

VII. Regula: Pactum reuenditionis potest pro-
bati per duos testes. in fine libri, num. 62. Sed et per
quæ alia probetur hoc pactum, demonstratur ibi-
dem num. 63. Licet autem testes nihil de precio re-
uenditionis deponant, tamen pactum probant. Quan-
quam hoc controuertitur in fine libri num. ult. Si
uerò aliud deponant testes, quam actor in libello de-
duxit, fidem non merentur. §. 1. gl. 3. num. 3. & in fi-
ne libri num. 98. Nisi plus uel minus quam deductum
est deponant: tunc enim probant. d. num. 98. cum
quatuor sequentibus. Idem dicendum, si procedatur
sola facti ueritate inspecta. in fine libri num. 103.

VIII. Regula: Si contractus principalis est si-
mulatus, pactum quoque adpositum simulatum est cen-
sendum. in fine libri num. 112. cum sequente.

IX. Regula: Scriptura priuata non probat tem-
pus in præiudicium tertij. §. 1. gl. 7. num. 43. cum
quinque sequentibus: item num. 50. cum quatuor se-
quentibus. Sed in præiudicium scribentis probat non
minus quam publica scriptura. d. gl. 7. num. 49.
Quod primæ exceptionis loco notandum. Cuius
exceptionis replicatio est: Si sine die & cōsule scri-
ptura sit concepta. Quæ replicatio controuertitur
d. gl. 7. num. 50. cum duobus sequentibus. Altera
exceptio

exceptio est: Si scriptura priuata tempore in ea cō
prehensio uisa sit à uiris literatis. d. gl. 7. num. 55. cū
sequente. Tertia exceptio est: Si ex statuto pri-
uata scriptura uim habeat publici instrumēti. Quæ
exceptio controuertitur, magisq; reprobatur d. gl.
7. num. 57. Quarta exceptio est: Si priuata scri-
ptura à tribus testibus sit subscripta. d. gl. 7. num.
58. Quinta exceptio est: Si scriptura priuata
duobus testibus & alijs indicatijs adiuuetur. d. gl. 7.
num. 59.

X. Regula: Consignatio & depositio precij nō
probatur confessione ipsius depositarij in præiudi-
cium tertij, sed tantum in præiudicium confitentis.
Quæ regula controuertitur quidem, sed magis ap-
probatur §. 4. gl. 6. num. 8. cum nouem sequentib.

XI. Regula: Si ultra confessionē depositarij con-
stet depositum esse marsupium, in quo uenditor di-
xerat illud precium reuenditionis esse, nec tamen
id numerarat: nec hoc sufficit ad probandum depo-
situm in tertij præiudicium. Quæ etiam regula con-
trouertitur, magisq; approbatur d. gl. 6. num. 18. cū
quatuor sequentibus.

XI. EVENTVS ET CON- sequentia propositæ actionis.

I. Regula: Per actionem propositam in iudicium
deductam res efficitur litigiosa, ut pendente iudicio

non possit alienari. *Quæ regula cōtrouertitur quidem, sed magis approbatur in fine libri, num. 173. item §. 3. gl. 1. num. 2.*

I I. Regula: Ex pacto de reuendendo, oblato precio emptori, ipso iure contractus uenditionis resoluitur, ut ad uenditorem dominium sine noua traditione redeat. *Quæ regula controuertitur & distinguitur §. 1. gl. 7. num. 3. cum aliquot sequentibus: itē in fine libri num. 115. de qua re uide item s. quæst. 5. reg. 6. item quæst. 6. reg. 1. except. 3. Hoc multò magis dicendum uidetur, si uēditor oblato precio rem ab emptore recepit. Quanquam & hoc controuertitur in fine libri num. 64. cum uiginti sequentibus.*

III. Regula: Res ex pacto reuendendi recepta redit ad uenditorem libera ab emptoris obligationibus. *Quæ regula controuertitur & distinguitur §. 3. gl. 1. num. 10. cum decem sequentibus.*

III I. Regula: Emptor post reuenditionem manet in possessione rei, donec fructus perceperit. *§. 5. in fine, cum sua gl. 5 & 6.*

V. Regula: Venditori accedit tempus, quo possedit emptor. *in fine libri, num. 93. uers. & facit. item num. 114. cum sequēte. Quemadmodū contrā quoq; emptori accedit tempus, quo possedit uenditor. §. 5. gl. 6. num. unico.*

VI. Regula: Venditor rem redimens non tenetur domino facere homagium, nec laudimia aut gabellam

bellam tanquam ex noua uenditione soluere. in fine libri, num. 158. item §. 6. gl. 2. num. 16. in fine, cum quatuor sequentibus.

VII. Regula: Vassallus uel emphyteuta rem ex pacto redimens non cadit feudo uel emphyteusi. Quæ regula controuertitur in fine libri, num. 155. cum duobus sequentibus.

VIII. Regula: Res à marito ex pacto reuendendi recepta nō fit communis marito & uxori. Quæ regula controuertitur in fine libri num. 164.

IX. Regula: Si emptor facultatem reuendendi redimat à uenditore constante matrimonio: tantum illa facultas redempta ei & uxori fit communis, nō tota res. Quæ regula controuertitur in fine libri num. 165. cum quinque sequentibus.

X. Regula: Si ius redimendi duobus competat, & unus ex ijs totum redemerit: hic alteri tenetur ad communicandū id quod redemit. §. 1. gl. 6. num. 37. uers. si non repudiet, cum num. sequente.

XI. Regula: Si annuo reditu cū pacto redimendi à pluribus uendito, unus ex ijs suam partem redemerit: hic pro alijs ad annum redditum præstandum non tenetur. §. 1. gl. 6. num. 40.

XII. Regula: Hæres rem ex pacto redemptam fideicommissario cum reliqua hæreditate tenetur restituere. in fine libri, num. 87. cum sequente.

XIII. Regula: Si emptor usumfructum rei uen-

dita uenditori legauit, eiusq; fidei commisit, ut post mortem suam alij rem restitueret: redempta re à uenditore, fideicommissum extinguitur: sic tamē, ut fideicommissarius precium, quo res redempta est, ab hæredibus emptoris petere non prohibeatur. in fine libri, num. 172.

XIIII. Regula: Ius primogenituræ, quod hæres emptoris in re non redempta habuisset, durat re redempta in precio. in fine libri, num. 176.

De precio deposito.

XV. Regula: Sequestri munus necessitatis est, non uoluntatis. Quæ regula cōtrouertitur §. 4. gl. 7. num. 3. cum duobus sequentibus.

XVI. Regula: Si precium depositum casu perijt, quod emptor sine iustā causa accipere recusa-uit; ipsi emptori, non uenditori perijt. §. 4. gl. 6. num. 34.

XVII. Regula: Depositarius ad precium depositum restituendum ipsi deponenti actione præscriptis uerbis tenetur. §. 4. gl. 7. num. 4. uers. quam sententiam. item gl. 9. num. 1. Cuius exceptio prima est: Si Princeps à depositario istam pecuniam exegit & accepit. Quæ exceptio controuertitur d. gl. 6. num. 35. Altera exceptio est: Si iussu iudicis res litigiosa sit apud sequestrum deposita, tunc enim deponens rem repetere non potest, nisi lite finita & uicto aduersario. d. gl. 9. num. 2. Tertia excep-
ptio

ptio est: Si consensu utriusque partis res litigiosa sit deposita. nam & hoc casu deponens eam repetere non potest, nisi lite finita, uel nisi per aduersarium steterit, quo minus finiatur, aut iudex repetendam decreuerit. d. gl. 9. num. 3. Quarta exceptio est: Si usurarius pecuniam deposuerit pro restituendis usuris. d. gl. 9. num. 4. Quinta exceptio est: Si depositum sit restitutum. Cuius replicatio est: Si alij, non domino sit restitutum: puta seruo, monacho uel filio familiars. Hæc replicatio ipso quidem iure subsistit: uerum eius duplicatio est: Si alius, cui restitutum est, id deposuerat. tunc enim ei reddi potest, etiam sine consensu domini.
d. gl. 9. num. 5.

METHODI LIBRI SECVN-
di de retractu conuentio-
nali finis.

L 4

DIALOG

DIALOGVS DE

ROMANA IURISPRV-

dentia recuperan-

da.

INTERLOCVTORES.

Iurisprudentia Romana, Iusticia,
Iurisprudentia Mahometica, Vigelius.



IURISPR. ROMANA: O me miserā, ô infœlicissimā me, quæ de tanto fastigio sum deiecta. Olim domina bar Europæ, Asiæ & Africæ, toti propemodum terrarum orbi; hodie uix osibus hæreo, & ab omnibus propè gentibus despicior, cum soror mea Iurisprudentia Mahometica per Asiam & Africam florens, me de possessione tantorum regnorum deiecerit. Adibo matrem Iusticiam, eiq; hanc tam atrocem iniuriam, à sorore mihi illatam, conquerar. Salue ô mater Iusticia.

IUSTICIA: Salue & tu mea filia. Quomodo seres habent tuæ? Videris solito tristior.

IUR. ROM. Tristitiæ mee, ô mater, præcipua causa est soror mea Iurisprudentia Mahometica, quæ me sedibus expulit, & maximam partem meorum regnorum per uim occupauit. Si tibi, ô mater, aliqua Iurisprudentiæ

tiæ Romanæ cura est, obnixè rogo, ut illam sororis meæ insolentiam coërceas, meq; in pristinam regnorum meorum possessionem, de qua sum deiecta, facias restitui. **IVS T.** Magnum est quod de sorore tua conquereris, ô filia: poterisne ista, si opus sit, probare? **IVR.ROM.** O mater mea, notoria sunt quæ adfero: regnaq; non solum Europæ, sed etiam Asiæ & Africæ olim à me possessa, meq; ab ijs nunc deiectam esse, lippis notū est atq; tonsoribus. **IVS T.** Sed quid agunt armatæ militiæ uiri Romani, qui te in tua possessione non defenderunt? **IVR.ROM.** Illi de religione inter se decertant, mei exiguam habent curam. Dum de cœlo certant, terram amittunt. **IVS T.** Audiam sororis tuæ ad tuam querelam responsum, ne se inauditam à me damnatam esse conqueri possit. En lupus (quod aiunt) est in fabula. Quid noui adfers Iurisprudentia Mahometica? satisne salua omnia? **IVRISP. MAHOMETICA:** Satis salua sunt omnia, mea mater. Viri armatæ militiæ me in magno habent honore propter te, ac ius fidemq; in moribus hominum summa uiuentur, ipsiq; seruant sedulò. Ideoq; omnia mea regna pacata sunt atq; tranquilla. **IVS T.** Agnoscisne sororem tuam Iurisprudentiam Romanam? **IVR. MAH.** Agnosco: sed eius apud nostros homines exigua est cura. **IVR.ROM.** Hoc tua culpa factum est scelestæ, quæ me de possessione tantorum regnorum

contra ius fasq; deiecisti. Rogo, ô mater Iustitia, per
 Deos hominesq; ut te uindicem præbeas tantæ ini-
 iuriæ, mihi à sorore nequissima illatæ. **IVR. MAH.**
 Bona uerba quæso. Egone te de possessione regno-
 rum meorum deieci? **IVR. ROM.** Negare id aude
 impudentissima, quod lippis tonsoribusq; notum
 est? **IVR. MAH.** Nego constanter, ac protestor de
 tam atroci iniuria mihi à te facta. Ego hoc uel iure-
 iurando affirmare ausim, ijs temporibus, quibus re-
 gna Asiæ & Africæ occupabam, nihil Romanæ Iu-
 risprudentiæ in istis fuisse. Omnia oratorum opinio-
 nibus ac persuasionibus regebantur, contentioni-
 bus ac disidijs omnia feruebant, nullum constans
 ius, de religione magna erat contentio, quæ tamen
 magis hominum sceleribus prætexebatur, quàm co-
 lebatur: seriò: in summa, Eloquentia in istis regnis
 tunc temporis dominabatur, omni iurisprudentiæ
 explosa. Eloquentiam ijs in regnis de sua possessio-
 ne deieci, Rebus publicis rectè administrandis ine-
 ptam atque indignam. Quòd si ab ea tu quondam
 deiecta es (quod quidem uerisimile est) illa tibi po-
 tius accusanda est quàm ego. Sic enim tuus Iuris-
 consultus ait: Cum à te ui deiectus sum, si Titius
 eandem rem ui possidere cœperit: non possum cum
 alio quàm tecum experiri interdicto. Sed quid de
 orientalibus regnis contendimus, quæ dudum præ-
 scripsi, Inspice occidentis regna, Quotusquisq; in
 ijs

ijs est, qui uel prima iudicandi principia intelligat? Omnes fatentur, litis contestationem iudiciorum esse fundamentum: sed quid litis contestatio sit, & quomodo fiat, nemo est qui sciat. Qualem autem Iurisprudentiam in ijs regnis esse putas, ô mater Iustitia, in quibus ab ipso iudiciorum fundamento erratur, nemoq; est qui prima iudicandi principia intelligit? Iurisprudentia enim in iudicando magis quam in disputando consistit. Eloquentia in istis regnis imperat, impudentissima meretrix, quæ se affectibus hominum accommodans, ius fidemq; in rebus humanis peruertit, leges flectit ac reflectit ad suum ipsius commodum: quia utile magis quam honestum curat. fascinat reges ac principes occidentis, quos inuicem committit, suaq; cõtentione omnia reddit incerta ac dubia, ut populus, quid sibi credendum uel sequendum sit, ignoret: amat Academicam disputandi licentiam, omne animi sensusq; iudicium aspernata. Qua sua leuitate omnia facit dissidiorum plena, omnia turbulenta reddit, tumultusq; ac seditiones in populis excitat. Nisi igitur tu, soror mea, iure tuo usa, tam scelestam sceminam de solio deiceris, & pristinam tuam possessionem regnorum occidentalium recuperaueris, ego armata mea militiâ perrumpam, & regna ista, quemadmodum orientis regna, Eloquentia deiecta occupabo. Leges meæ armatæ sunt, tuæ inermes.

IVS T. Quid ad hæc respondes, filia mea? quid taces? cur lachrymaris? IVR. ROM. O' mater mea, præ lachrymis nihil effari possum. querā aduocatū, qui causam meam agat. IVS T. Quem aduocatiū queres, cum omnes oratores (ut intelligo) habeas tibi aduersos? IVR. ROM. Vigeliū quæram, qui mei causā multa est perpeffus, & oratorum odium in se concitauit, ut omnia dicta factaq; eius captent, quo aliquam cum calumniandi ansam arripiant. IVS T. Profecto nisi oratores sceleratè mali essent, non uiolarent nomen famamq; Vigelij, optimè de iure meriti. Sed eas, & aduocatum tuum adducas. IVR. ROM. Salue mi Vigeli. VIGELIVS: Salue & tu, domina mea charissima. IVR. ROM. Opus est mihi tuo patrocinio. VIG. Tibi, ô Domina, patrocinabor, quamdiu spiritus hos regit artus. Dic quæ est causa, in qua patrociniiū meum desideras. IVR. ROM. Conquesta sum apud matrem meam Iusticiam de iniuria mihi à sorore mea Iurisprudencia Mahometica illata, quod me de regnis orientis deiecerit. Illa culpam à se in Eloquentiam transfert, à qua dicit me deiectam esse, quemadmodum ab eadem de regnis occidentis sim deiecta: minaturq; nisi possessionem regnorum occidentis Eloquentie rursus eripiam, se armata sua militia eam deiecturam, regnaq; occidentis occupaturam esse. Suas enim leges dicit armatas, meas esse inermes. VIG.

Vereor,

Vereor, ô Domina, ne aduersaria tua istam suam exceptionem facile sit probatura. Constat enim ex historijs, Eloquentiam orientis regna olim occupasse te deiecta, & inter eius alumnos (oratores puta) nō satis conuenisse. Est enim contentiosum hominum genus. Vnde magna orientis dissipatio secuta est, iusq; ac iustitia ciuilis de medio sublata. qua occasione usa Mahometica Iurisprudencia, orientis regna occupauit, Eloquentia rursus ex ijs deiecta, & hoc modo pacem & tranquillitatem publicam istis regnis restituit. Constat item, oratores sua Eloquentia occidentis regna miserè dissipasse, suisq; dissidijs ac contentionibus adhuc dissipare, ut nec pacis nec concordie recuperandæ ulla in ijs spes supersit, nisi uel tu, uel soror tua, illa explosa, possessionem regnorum ac Rerumpublicarum occidentis recuperauerit. nec falsò dixit soror tua, suas leges armatas esse, tuas inermes. Itaq; metuendum, ne tu unquam possessionem pristinam recuperes. Eloquentia enim omnes scholas, omnia iudicia, omnesq; occidentis aulas suis blanditijs occupauit, maioresq; uires adepta est, quàm ut tu eam ui deicere queas. **IVR. ROM.** Quid igitur consilij das, mi alumne, ut miseræ mihi et afflictæ succurratur? **VI O.** In possessorio iudicio aduersus Mahometicam Iurisprudentiā nihil obtinebis. Eius enim exceptio tã in iure quàm in facto subsistit, nec qua replicatione queat elidi, animad-

animaduerto. In petitorio iudicio fortè aliquid ob-
tinere posses, si nō longissimi temporis præscriptio
tibi obstaret. Quanquam malæ fidei possessor nullo
tempore præscribit. Attamē uereor, etiam si in hoc
iudicio obtineres, executionem tibi de futuram. Le-
ges enim tuæ (ut aduersaria tua rectè dixit) ualde
sunt inermes, quod multi boni uiri conqueruntur.
Illud suaferim, ut omīssis regnis orientis, in quibus
recuperandis spes nulla tibi reliqua est, è regnis oc-
cidentis Eloquentiam, quoquo modo possis, eiicere
coneris, eaq; recuperare, priusquam soror tua Iu-
risprudentia Mahometica, cuius leges multum sunt
armatæ, eiectis oratoribus ea ui occupauerit. **IVR. ROM.** Sed modum eius mihi monstra. **VI G.** Diffi-
cile quidem id, quod dixi, tibi futurum est: attamen
scholis Iurisconsultorum rectè reformatis, nonnul-
la spes esset Eloquentiam deiiciendi, ac possessio-
nem pristinam recuperandi. **IVR. ROM.** Quam
reformationem mihi narras? **VI G.** Vt leges tuæ in
scholis ordine doceantur ac discantur, ut tam do-
ctrina iuris quàm exercitatio scholastica forensibus
actionibus non deprauatis accommodetur, ut iu-
uentus de causis & controuersijs hominum certò
& constanter potius iudicare, quàm perorando ac
disputando litibus omnia miscere, adsuescat. Ita e-
nim tandem futurum esset, ut Eloquentiæ fumus
tanquam sole oborto euanesceret. **IVR. ROM.** Be-

ne mones, mi alumne: sed quis istam reformationem
auspicabitur? VI G. Imperator cum statibus imperij
Romani magnum adiumentum ad eam instituen-
dam adferre possent, ac Germanicæ perpetuum de-
cus conciliare. Sed uereor ne Eloquentia, quæ in
ipsorum aulis multum potest, absterreantur, præser-
tim cum eius illecebris fascinati plurimum de reli-
gione inter se contendant, ut iuris ac iurispruden-
tiæ exiguam curam habere uideantur. Respublica
Venetorum prudentem habet Senatum, qui non
tam Eloquentia mouetur, quàm ducitur ratione, ac
sedulò cogitat, quomodo Iurisprudentiam Maho-
meticam, quæ ceruicibus suorum imminet, pruden-
ter excludat. Hic si intellexerit rationē tui recupe-
randæ, faciliè tibi (nisi me coniectura fallit) manus
porriget, ac quocunque possit modo tibi subueniet.
IV R. ROM. Rogo itaq; mi alumne, ut Senatum Ve-
netum accedas, proq; me intercedas, ac ei persua-
deas, ut explosa è scholis suis Eloquentia, mihi affli-
ctæ succurrat. VI G. Persuadere oratorum est: ora-
tor non sum. IV R. ROM. Oratores sua Eloquentia
stultos mouent, non sapientes. Si sapit Senatus Ve-
netus (ut intellexi) Eloquentia nunc huc, nunc il-
luc non mouebitur, sed prudenti tuo consilio obse-
quetur. VI G. Sed aliud adhuc obstat, quo minus ti-
bi patrociniū meum apud dictum Senatum sit pro-
futura. Itali homines Germanos pro barbaris ha-
bent;

bent, nec illorum ineptias curant. **IVR. ROM.** Tenta saltem aliquid mei causa, mi alumne. Nam si prudens Senatus est, uti dixisti, non despiciet uel holitorrem opportuna loquentem. Siquidem (ut in prouerbio est) Sæpe etiam est holitor ualde opportuna locutus. **VIG.** Ego tui gratia, mea Domina, nihil intentatum relinquam. Adibo itaq; Senatum Venetum, ut iubes, omnemq; mouebo lapidem, quò pristinam authoritatem atq; possessionem recuperes. **IVR. ROM.** Eas bonis auibus, mi alumne. Ego interim ad matrem meã redeo, omnia ea quæ inter nos acta sunt, ei expositura.

AMPLISSIMO, PRUDENTISSIMOq; Senatui Veneto Nicolaus Vigelius I.C.

S. P. D.

Quam misera sit iuris ac Iurisperdentie Romanæ conditio, uos, ô Patres amplissimi ac prudentissimi, perspicere non dubito. Notum enim est lippis (quod aiunt) atq; tonsoribus, ius Romanum, quod actionibus humanis ordinẽ præscribit, ipsum omni carere ordine. Vnde fit, ut cum in iudicijs excipiat, replicetur, duplicetur, &c. nemo tamen in tanta legum confusione scire possit, quæ cuiusq; iuris sint exceptiones, replicationes, duplicationes: cumq; secundum ius Romanum controuersie hominum sint decidendæ, illud iuriconsultorum

sultorum uel oratorum potius ingenijs Academica disputandi licentia adeò sit deprauatum, ut serè nihil in eo non uideatur esse controuersum: cumq; litis contestatio confessione omnium sit iudiciorum fundamentum, nemo tamen quid sit litis contestatio, & quomodo lis sit contestanda, sciat: adeò in ipso iudiciorum fundamento erratur, primaq; iudicandi principia negantur ab ijs, qui passim se pro Iurisconsultis uenditant, & iudicandi munere funguntur. Hinc euenit, ut in una causa sepe decem, interdum uiginti proceatur annis, quæ uel uno mense expediri posset. Replentur litibus omnia tribunalia, audacia pro sapientia est, Eloquentia pro Iurisprudencia, hypocrisis pro iustitia, summa in iure dicendo incertitudo ac inconstantia, res iudicæ faciliè retractantur aut executione carent, in legibus figendis ac refigendis magna leuitas. Hinc omnis disciplinæ dissolutio sequitur, ius fidesq; in moribus hominum euanesceat, ac ciuilis societas collabitur, ut ipsa rerum natura in occidentalibus regnis aut Iurisprudenciæ Romanæ restorationem, aut Mahometicæ Iurisprudenciæ propagationem uitæatur efflagitare. Ego quidem homo priuatus Romanæ Iurisprudenciæ restorationem pro mea uirili iuui, leges canonesq; cum controuersis Doctorum opinionibus in certum ordinem ac Methodum redigendo. Qua ratione lus utrunq; non solum à sua

M confusione,

confusione, qua laborabat, liberasse, sed etiam ex infinito finitum reddidisse mihi uideor. Certā quoque de causis tam ordinarijs quā extraordinarijs iudicandi rationem, antea incognitam, in lucem protuli, quāq; ratione iudex se ex controuerso iure extricare queat, ostendi: necnon in Repertorio meo uiam monstraui facilem causis hominum incidentes ad suas actiones certis limitibus in iure descriptas examinandi. Institutiones deniq; ad usum fori non deprauatum accommodatas conscripsi, iuuentutē quasi per gradus ab imo ad summū ad solidam utriusq; iuris cognitionem deducens. Nam ex Institutionibus, quæ primum gradum representant, studiosos in Repertorium meum deduco, ex Repertorio in triplicem Methodum meam, uidelicet Iuris ciuilis, pontificij & controuersi. Ex Methodo iuris ciuilis eos postea deduco in uniuersum ius ciuile certiore ordine legendum: quemadmodum ex Methodo iuris Pontificij in uniuersum ius Pontificium, necnon ex Methodo iuris controuersi in Doctoriū opiniones ac disputationes. Qua uia si utantur, non tantum illis erit periculum, ne in iuris oceano, in quo multa præclara ingenia naufragium fecerunt, fluctibus nunc huc, nunc illuc impellantur ac oberrent: sed solidam utriusq; iuris cognitionem sine magno labore consequentur, & reipsa experientur, artem iuris ciuilis (quod Cicero scribit) magis magnam

gnam atq; uberem, quàm difficilem & obscuram
esse: necnon usum iuris uerum in causis hominum
disputandis ac dijudicandis addiscent: ut non tam
legulei uani, quàm iurisconsulti solidi euadant. Vi-
deor igitur afflictæ Romanæ iurisprudentiæ ma-
gnum adiuumentum (quod sine arrogantiâ scriptum
uolo) attulisse. Sed ea desiderat etiam curam magi-
stratus publicam in scholis Iurisconsultorum rectè
instituentis. Nam cum scholæ iudiciorum ac Re-
rumpublicarum sint quasi seminaria, ex quibus ui-
ri moribus hominum regendis ac iuri dicendo ido-
nei prodeant: plurimum Rerumpublicarum inter-
est, quales sint scholæ, & quomodo institutæ. Inpri-
mis autem hoc in scholis Iurisconsultorum deside-
ratur, ut ius in ijs ordine iusto doceatur ac discatur,
ut tam doctrina iuris quàm exercitatio scholastica
forensibus actionibus non deprauatis, quarum cau-
sa ius in scholis docetur, sit accommodata. Alioquin
istis neglectis, sit ut iuuenes è scholis ad forum pro-
gressi, nec inueniendi causarum argumenta, nec iu-
dicandi rationem rectam norint. Hinc ad lites in
Rebuspublicis perorando ac disputando excitan-
das ac multiplicandas, quàm ad eas certò ac constan-
ter iudicando determinandas ac finiendas, euadunt
aptiores. Quæ res Rerumpublicarum pestis est præ-
sentissima, & publicam magistratus curam re-
formationemq; desiderat. Cum itaq; pa-

Ætæ Iurisprudentiæ Romanæ dudum susceperim, ac cogitarem, qui maximè magistratus ad dictam curam suscipiendam permoueri possent: uos, Patres amplissimi ac prudentissimi, potissimum mihi uenistis in mentem: tum quia Iurisprudentia Romana ex Italia est oriunda, ideoq; ab Italis potissimum eius recuperandæ cura suscipienda: tum quia Italia præstantissima habet ingenia, quæ à me in studijs iuris adiuuandis inchoata facile ad perfectionem perducere queant: tum deniq;, quia Mahometica Iurisprudentia uestris regnis ac Rebuspublicis imminet, quæ commodius excludi non potest, quàm Romana Iurisprudētia restaurata. Hæc sunt, Patres amplissimi ac prudentissimi, quæ mihi spem faciunt non exiguam, uos mecum afflictæ Romanæ Iurisprudentiæ succursuros esse. Quibus addo & hoc, si aliqua gens in occidentalibus regnis emerferit, quæ omiſſis oratorum de religione contentionibus, afflictæ Romanæ Iurisprudentiæ succurrat, eamq; recuperet, istam gentem non minorē in occidentalibus regnis hominum fauorem sibi conciliaturam, ac quondam Saraceni in regnis orientalibus sunt consecuti. Nam omnes homines dissensionibus oratorum, quibus regna occidentis haud aliter ac olim orientis regna concutiuntur ac uastantur, pertæsi, ius certum finitumq; ac constans efflagitare uidentur. Vt igitur eo quo monstraui modo misera & afflictæ

*afflictæ iurisprudentiæ Romanæ succurratis, obni-
xè rogo obtestorq; de genere humano optimè pro-
merituri, uestre q; genti perpetuam gloriam para-
turi. Valete.*

ORATIO NICO-
LAI VIGELII IURISCON-
sulti de summo bono, habita Marpurgi
xxix die Iulij, Anno, &c. Lxxxv. in pro-
motione duorum Candida-
torum Iuris.



*E summo bono, seu hominis fine sum-
mo, eiusq; felicitàte, plures & uariæ
fuerunt ueterum Philosophorū opi-
niones, etiam inter sese discrepantes,
dum alij in uoluptate, alij in diuitijs,
alij in honoribus, alij in uirtute, alij in rerum gesta-
rum gloria, alij in alia re hominis felicitàtem po-
suerunt. Et si autem sacræ literæ summum hominis
bonum seu finem summum in cognitione ac dile-
ctione Dei ponunt: tamen præter illam aliud, si non
summum, at saltem summo proximum bonum na-
turalis ratio nobis ostendit, à sacris etiam literis nõ
alienū. de quo cū mihi ex hoc loco pro more huius
Scholæ aliquid dicendum sit, nonnulla in medium
adducam, quæ ad mores formandos & ad uitam re-*

etè instituendam non erunt inutilia. Aristoteles in Ethicis summā hominis fœlicitatem in actione ponit, dum summum hominis finem definit actionem secundum uirtutem perfectam in uita perfecta. Et sanè si uerum fateri uolumus, uita nostra nihil aliud est quàm actio, militia seu certamen: quemadmodū etiam in sacris literis nunc militia, nunc certamen appellatur. Nec enim ad ocium & ignauiam, neq; ad ludum & iocum nati sumus: sed quemadmodum auis ad uolandum, sic homo ad laborandū est creatus. cumq; anima hominis in perpetuo sit motu, non est conueniens, rationem, qua homo à cæteris animalibus differt, & corpus ipsum, quod ab anima regitur, quiescere ac ociosum esse. Hinc etiam Salustius: Is demū (inquit) nubi uiuere, atq; frui anima uidetur, qui alicui negotio intētus, præclari facinoris, aut artis bonæ famā quærit. Cōstat ergo, uitam hominis in actione consistere, & esse militiam seu certamen, quo alius alium superare, & uictoriam adipisci contendit. Vt autem cursu uel iaculis certantibus meta est proposita, imò omne certamen certum habet scopum, quò dirigatur: sic etiam uitæ hominis certa est constituta meta seu scopus, quò istius actiones sunt dirigendæ, ne in uanum laboretur: qui scopus quis sit, nunc est dicendum. Cicero quidem lib. 1. Officior. scribit: Principiò generi animalium omni à natura tributum esse, ut se, uitam corpusq;

In procæmio
 coniurat. Ca
 cil.

corpusq; tueatur, declinetq; ea quæ ei nocitura uideantur, omniaq; quæ sint ad uiuendum necessaria inquirat & paret, ut pastum, ut latibula, ut alia eiusdem generis. Sed hæc cætera animantia sine aliorum animantium ope consequi possunt: homo autem sine Dei & aliorum hominum ope atq; beneficio ea consequi non potest. Sic enim idem Cicero lib. 2. Off. Duo (inquit) sunt genera ratione utentium, quæ ad uitam tuendam pertinet: unum Deorum, alterum hominũ. Deos placatos pietas efficiet ac sanctitas. Proximè autem & secundum Deos homines hominibus maximè utiles esse possunt. Earumq; rerum, quæ noceant & obsint, eadem diuisio est. Nam homines hominibus plurimum obesse arbitrantur. Vnde à ueteribus dictum: Homo hominì Deus. item: Homo hominì lupus. Cum igitur hic locus nihil habeat dubitationis, quin homines plurimum hominibus & prosint & obsint: primùm hoc statuo, esse uirtutis, conciliare sibi animos hominum, & ad usus suos adiungere. Magna itaq; fœlicitatis pars hominì in eo sita est, si aliorum hominum studium, fauorem ac beneuolentiam promereatur, ut ei non nocere, sed prodesse, quæq; ad uiuendum necessaria sunt, suppeditare uelint. nec aberrare uidentur, qui putant, propter necessitatem uitæ (quòd ea quæ natura desiderat, consequi sine alijs atq; efficere non possemus) in uitam esse cum ho-

li. i. Off. cap.
De iusticia.

ibidem,

In coniurat.
Catil. in com-
paratione
Catonis &
Cæsar.

minibus communitatem & societatem. Ut igitur ea quæ ad uiuendum necessaria sunt, homines nobis suppeditent, eò annitendum nobis est, ut quemadmodum alios nobis prodesse cupimus, sic nos uicissim alijs prosimus. Siquidem hoc ius naturæ est (ut Cicero scribit) communes utilitates in medium adferre commutatione officiorum dando accipiendoq; tum artibus, tum opera, tum facultatibus deuincire hominum inter homines societatem. Nec multum aberrasse uidentur Stoici, qui (ut idem Cicero scribit) existimarunt, quæ in terris gignuntur, ad usum hominum omnia creari: homines autem hominum causa esse generatos, ut ipsi inter se alijs alijs prodesse possint. Cum itaq; uita nostra in actione consistat, sitq; nihil aliud quam militia seu certamen; scopus istius certaminis utilitas hominum esse debet, ut quantum in nobis est, prosimus quamplurimis, obsumus nemini. Hinc etiam Hesiodus ait: Aemulatur uicinum uicinus, qui ad diuitias prope- rat: hæc autem contentio bona est hominibus. Et quò quisq; altiori animo est, & ad uirtutem magis pronus, eò magis gestit alijs prodesse, & bene mereri de quamplurimis. Hinc Salustius de Iulio Cæsare scribit in hæc uerba: Cæsar in animum induxerat laborare, uigilare, negocijs amicorum intendere, sua negligere, nihil denegare quod dono dignum esset. Et de Achille scribitur, cum interroga-
tus

tus esset, quos labores omnium difficillimos sustinuisse, eum respondisse, Susceptos pro amicis: & cum rursus interrogaretur, quos sustinuisset iucundissimos labores, eosdem respondisse: quasi ad hoc natus esset, ut suis laboribus alijs prodesset. Et sanè maximè in hac uita beati censentur ij, qui maximè sua industria, laboribus uel facultatibus quàm plurimis prosunt: quoniam his rursus homines omnem operam, studium & obsequium impendunt, beneuolentia prosequuntur, diuitijs deniq; atq; honoribus augent. Hinc etiam prudenter adolescentiam transegisse censentur ij, qui eas artes didicerunt, quibus plurimum hominibus prodesse queat: nam his uicissim homines plurimum prosunt, opibus & dignitatibus eos augendo. Contrà uerò, qui nihil tale in iuuentute sua didicerunt, contemptui sunt omnibus, & cum nemini prodesse possint, nec quisquam illis prodest: unde cum paupertate simul & infamia per omnem uitam luctantur, Proci Penelopes fruges consumere nati. Quemadmodum ergo ignis summus finis est quammaximè calidum et siccum, aquæ contrà quammaximè frigidam ac humidam esse: sic hominis finis summus esse uidetur, quamplurimis hominibus prodesse, obesse quātum fieri potest nemini. Quæ sententiā etiam à sacris literis non est aliena. Nam Christus saluator noster interrogatus, quod esset summum legis præce-

Matth. cap.
22. in fine.

ptum, non tantum respondit: Diliges Dominum Deum tuum ex toto corde tuo, & in tota anima tua, & in tota mente tua. hoc esse primum & magnum mandatum. sed adiecit etiam: Secundum autem simile est huic: Diliges proximum tuum perinde atq; teipsum. In his duobus mandatis tota lex & prophetae pendent. Quasi diceret Christus: Non solum dilectio Dei, sed etiam dilectio proximi summa lex est, aut saltem summæ legi similis. Per dilectionem uerò proximi nihil aliud significari uidetur, quàm quod Christus Matth. 7. præcipit in hæc uerba: Omnia quaecunq; uolueritis ut faciant uobis homines, sic & uos facite illis. pro ratione subiiciens: Hæc enim est lex & prophetae. Manet ergo sententia firma, summum hominis finem, seu summum, aut saltem summo proximum bonum esse, aliorum hominum utilitatem: eosq; uerè in hac uita esse felices, qui quamplurimis prosunt. Nec obstat, quòd alij in diuitijs, alij in honoribus, alij in uoluptate, alij in alijs bonis felicitatem hominis posuerint. Nam cum felicitas hominis (ut ab initio est ostensum) in actione, militia seu certamine consistat, cuius scopus sit hominũ utilitas: reliqua bona nõ possunt esse finis seu terminus hominis, sed uictoriæ potius præmia, quæ à scopo sunt diuersa. Nã ea sunt ad labores & certamen incitamenta, quæ utrò consequuntur, si quis finem seu scopum fuerit affectus.

affecutus. Quod uel ex eo conijci potest. Quemadmodum enim in alio certamine non ij consequuntur uictoriæ præmia, qui magis ad præmia quàm ad scopum sunt intenti: sic qui ad uoluptatem magis, quàm ut alijs prosint, in hac uita sunt intenti, minus uoluptatem consequuntur: & qui ad gloriam magis, minus eam adipiscuntur. Contrà uerò, qui scopo intenti minus ista curant, magis ista consequuntur. Vnde Salustius de Catone: Quo minus (inquit) gloriam petebat, eò magis illam assequebatur. & apud Liuium legitur: Gloriam qui spreuerit, ueram habebit. Ad quem etiam modum Erasmus in Philodoxo suo scribit, Præcipuam uirtutem ei qui ad gloriam aspiret, esse negligere gloriam: & summam laudem esse, non ambire laudem, quæ magis sequitur fugientē: quoq; impensius ista ambiuntur, hoc magis frustrantur. Ad benefacta ergo properandum, nō ad gloriam & alia uirtutis præmia, quæ uirtutem ultrò consequuntur. Siquidem ij, in quos beneficia conferuntur, naturaliter ad remunerandū obligantur, iusq; naturæ uiolant, si beneficii sint ingrati. Vnde ingratitudo non immerito uitiorum dicitur pessimum. Huc etiam alludere uidetur Papinianus Iurisconsultus, dum ait: Beneficio affici hominem, interest hominis. Quanquam etiam ipsa actio, qua alijs prodesse nitimur, per se iucunda est, nec uoluptate caret. Quod etiam Ari-

In d. comparat. Catonis & Cæsaris,

l. 6. §. fin. ff. de seruis exportandis,

Stoteles

Stoteles in Ethicis confirmat, dum ait, Virtutem sine uoluptate non esse uirtutem. Nec est minima *foelicitas*, bona conscientia frui. Vnde Socrates bibiturus cicutam dixit Critoni: An opera nostra sit probaturus Deus, nescio. Certè sedulò conati sumus, ut illi placeremus. Est mihi tamen bona spes, quòd ille conatus nostros sit boni consulturus. Ex his apparet, nos natos esse non ad ocium & ignauiam, non ad ludum & iocum, sed ad labores & ad certamen: summamq; hominis *foelicitatem*, seu summum uel saltem summo proximum bonum nihil aliud esse quàm actionem, militiam seu certamen, cui utilitas aliorum hominum, tanquam scopus seu meta, quò tendat, sit proposita. quam metam qui fuerint consecuti, eos in summa *foelicitate* uersari: contrà qui nihil agant, neminiq; prosint, eos omnium esse infœlicissimos. In hoc autem certamine & uitæ curriculo, ut in alijs certaminibus accidere solet, ij qui uirtuti suæ diffidunt, aliorum uirtuti inuident, eosq; supplantare, aliòue modo impedire conantur, quo minus ad metam perueniant, uel ipsi ijs præcurrant. Quod uitium ex eo maxime oritur, quia magis ad præmia uirtutis, quàm ad ipsam uirtutem seu scopum certaminis, sunt intenti. Vnde Salustius: Ambitio (inquit) multos mortales falsos fieri subegit, aliud clausum in pectore, aliud in lingua promptum habere, amicitias inimicitiasq;

non

In coniurat.
Cætilinæ, cir-
ca principiū.

non ex re, sed ex commodo aestimare, magisq; uultum quàm ingenium bonum habere. Idem Salustius: *ibidem.* Gloriam (inquit) honorē, imperium, bonus et ignauus æquē sibi expetunt. sed ille uera nititur uia: huic quia bonæ artes desunt, dolis atq; fallacijs contendit. Ex eo igitur, quòd homines scopum uitæ humanæ in suis actionibus non attendunt, uel uirtuti suæ diffidunt, omnia uitiorum genera nascuntur, falsum, furta, rapinæ, adulteria, stupra, calumniæ, &c. ut quia licitis modis uirtutis præmia, nempe diuitias, honores, gloriam, uoluptatem, &c. consequi non possunt, illicitis modis ea captent. Quare ab incunte ætate pueri, adolescentes & iuuenes sedulo sunt admonendi eius, quòd omnis illorum uita sit dirigenda, scilicet ad Dei agnitionem, & aliorum hominum utilitatem, ut eas artes addiscere uelint, quibus alijs aliquando queant prodesse, & hominum animos sibi conciliare: ad hoc enim eos natos esse, ut alijs prosint, & sic hominum beneuolentiā demereantur, neq; inutilia terræ pondera euadant.

Cum autem plura & uaria sint genera militiarum seu functionum, quibus alij alijs prodesse possint, plurimum interest, cui generi quis se dedat, quodq; uitæ genus sectetur: siquidem in uno maior fœlicitas est quàm in alio. Illud tamen uitæ genus maximè sequendum, quod cuiusq; naturæ primum, deinde etiam ipsius fortunæ maximè congruit. Nam

in eare quisq; fortunatus est, ad quam est natus, seu ad quam natura eius inclinat. Contrà parum succedit, quod inuita Minerva iratoq; genio tentat. Proinde in genere uitæ deligendo quisq; naturam suam explorare debet, & animaduvertere, ad quæ studia, quæ sue functiones, quòdque genus uitæ maximè sit idoneus. Hoc indicat in nobis arcanus quidam animi sensus, quo à quibusdam abhorremus nulla euidente causa, ad quædam item animi impetu rapimur. Hinc est quòd alius foeliciter rem tractat militare, alius dexter est in negocijs politicis, alium dicas ad studia natum. Quanquam & in his mira uarietas, nimirum tanta, quanta est functionum diuersitas. Vnde & Cicero præcipit in deligendo uitæ genere, quoniam ad id maximam uim natura habeat, fortuna proximã, utriusq; tã naturæ quàm fortunæ rationem habendam, sed naturæ magis. Est tamen in institutione & educatione non leue ad foelicitatem momentum. Siquidem multi, quamuis optima præditi sint natura, nec fortuna destituantur, institutione tamen frustrantur: dum præceptores doctrinam magis ad sui ingenij ostentationem, quàm ad profectum studiosorum dirigunt: uel longis ambagibus discipulos morantur, & serò eò perducunt, quò breuiore uia ducti citius & minori labore peruenire potuerant: uel dum non necessaria iuuentuti inculcant, faciunt ut necessaria ignorent.

Vnde

li. i. Off. cap.
constituendū
genus.

Vnde Cicero lib. 3. De oratore: Ista (inquit) discuntur facili, si & tantum sumas, quantum opus sit, & habeas qui docere fideliter possit, & scias etiam ipse discere. Sed istis omnis, breuiter enumerabimus genera artium, scientiarum ac functionum, quibus hominibus prodesse, sicq; scilicet in hac uita uiuere possimus. Earum alie priuatæ sunt, alie publicæ. Priuatarum (ut Cicero scribit) alie liberales sunt, alie sordide. Sordide sunt portitorum, scenariorum, & mercenariorum omnium functiones, quorum operæ, non quorum artes emuntur. Est enim in illis ipsa merces auctoramentum seruitutis. Sordidi etiam putandi, qui mercantur à mercatoribus quod statim uendant: nihil enim proficiunt, nisi admodum mentiantur. Nec uerò quidquam est turpius uanitate. Opificesq; omnes in sordida arte uersantur: minimeq; artes probandæ, quæ ministræ sunt uoluptatum, cetarij, lanij, coqui, factores, piscatores, unguentarij, saltatores, totusq; ludus talaris. Quibus autem artibus aut prudentia maior inest, aut non mediocris utilitas quæritur, ut medicina; ut architectura, ut doctrina artium honestarum, hæ sunt his, quorum ordini conueniunt, honestæ. Mercatura, si tenuis est, sordida putanda: si magna & copiosa, multa undiq; apportans, multisq; sine uanitate impartiens, non est admodum uituperanda. Omnium autem rerum, ex quibus aliquid

quid exquiritur, nihil est agricultura melius, nihil uberius, nihil dulcius, nihil homine libero dignius. Hæc de priuatis functionibus seu militijs ex Cicerone protulimus. Maior autem dignitas est in militijs publicis, quibus non tam singulis quàm uniuersæ Reipublicæ conmodamus. Ideoq; quanto publica priuatis sunt præstantiora, tanto maior felicitas est in his quàm in illis. Est autem publica functio seu militia aut armata, aut togata. Quanquam utriq; deseruit functio questoria, quæ in querendis, administrandis & erogandis pecunijs publicis consistit. Armata & togata militia comparationem Cicero lib. i. Officiorum instituit, togatam armata præferens. Non tamen destituenda est sua laude armata militia, cuius beneficio in pace & ocio uiuimus, quaq; non solum patria aduersus hostes defenditur, sed etiam rebellantes legibus ad officium & obedientiam coguntur. Nec enim leges decet esse inermes: frustra q; iudicia de rebus iustis fierent, si non per armatam militiam ad executionem perducerentur. In hac autem militia alia ducum, alia militum sunt officia, quæ nobis in titulis De re militari describuntur. Togata militia diuiditur in ecclesiasticam & ciuilem. Illa diuinis, hæc humanis rebus præest. & quod in ecclesia est uerbum Dei, hoc in ciuili Republica ius est: quorum utroq; sublato, & Ecclesia & Respublica non potest

test esse diuturna. Quia uerò in Ecclesijs multæ solent esse contentiones atq; dissidia, ciuilis militiæ uiris seu magistratibus politicis incumbit prospicere, ne Respublica quid detrimenti inde capiat. Cum enim Respublica Ecclesiæ hospitium sit, absurdum uidetur, Ecclesiam ita tueri, ut inde Respublica intereat: hoc enim esset ius hospitij uiolare. Violatur autem ac interit Respublica, si magistratus politici unam sectam fouendo, alteram opprimere conantur. Hinc enim bella ciuilia oriuntur, & Respublica in medio constituta negligitur, ac neglecta cueritur. Quam rem melius fuisset ex Cicerone discere, quàm tot cladibus & bellorum tumultibus experiri. Sic enim Cicero: Omnino (inquit) qui Reipublicæ præfuturi sunt, duo Platonis præcepta teneant. Vnum, ut utilitatem ciuium sic tueantur, ut quidquid agunt, ad eam referant, obliui commodorum suorum. Alterum, ut totum corpus Reipublicæ curent: ne dum partem aliquam tuentur, reliquas deserant. Nam qui parti ciuium consulunt, partem negligunt, rem perniciosissimam in ciuitatem inducunt, seditionem atque discordiam. Hinc apud Athenienses magnæ discordiæ ortæ: in nostra Republica non solum seditiones, sed etiam pestifera bella ciuilia. Quæ grauis & fortis ciuis in Reipubl. dignus principatu fugiet atque oderit, tradetq; se totum Reipublicæ. Hæc Cicero. Hoc au-

lib.1. On.

tem præceptum olim Athenienses secuti, sectas Philosophorum inter se diuersissimas in sua Republica fouerunt, Stoicos, Epicureos, Academicos, Cynicos, &c. liberum cuiq; relinquentes, cui uelit sectæ adherendi. Hanc etiam rationem Turcæ hodie in suo regno administrando obseruant, quemadmodum & olim ueteres Romani eam obseruauerunt. Quinimò Pontifices quoq; Romani, cum uiderent oratores ecclesiasticos inter se nõ satis conuenire, aliosq; alias regulas ad uitam æternam consequendam præscribere (nam hic est mos oratorum, ut leges dare, non accipere uelint) fouerunt omnes illorum sectas, sic tamen, ut pacem inter se colerent, nec Rempublicam Ecclesiasticam suis dissidijs conturbarent. Hinc tot sectæ monachorum & clericorum, quas Ordines uocant, profluxerunt: attamen Respublica ecclesiastica mansit inconcussa. Cum autem nullæ sectæ adeò inter se dissideant, quàm Iudæi & Christiani, magistratus tamē politici utranque in suis Rebus publicis fouent: at cum inter Christianos aliquod oritur dissidium, summa ui unam partem defendere, alteram extirpare conantur. Quæ res multarum seditionum ac turbarum causa est, nec unquam pax constans inter Christianos speranda, quamdiu magistratus politici hoc more utuntur. Porro ciuilis quoque militia publica non est unius generis. Nam ea partim in
publicis

publicis consilijs, partim in iure dicendo consistit. Consilia publica magis prudentiam quam eloquentiam desiderant, in quibus non solum utilitatis publicæ, sed etiam honestatis ratio est habenda. Cuius elegans exemplum de Atheniensibus memoratur, quibus cum Themistocles in concione dixisset, se reperisse consilium, quod summoperè ad dignitatem Atheniensium pertineret, sed id eius esse generis, ut proferri non expediret: populus Atheniensis censuit, ut uni Aristidi indicaret, si is probaret, probaturos omnes. Cum igitur Themistocles indicasset Aristidi, se de incendenda Græcorum nauali statione cogitare: sic enim fore, ut Athenienses toti Græciæ dominarentur: Aristides ad populum prodians dixit, Themistoclis consilio nihil esse utilius, sed eodem nihil inhonestius. Hac audita uoce, populus uetuit, ne super ea re in posterum uerba faceret Themistocles: & sic populus Atheniensis utilitatem cum turpitudine coniunctam repudiavit, probans in hac re ueterum Stoicorum sententiam: Nihil utile, quod non item sit honestum: & improbens illud Euripidis: Si ius uiolandum est, regnandi gratia uiolandum est: in cæteris pietatem colas. Non minor autem utilitas ex iure dicendo, quam ex consultationibus publicis humano generi cõtingit, quæ militia Iurisdictio appellatur, ac distribuitur in duas partes, uidelicet in iudicium, & iudica-

Eras. in Apophteg. in Aristide.

ti executionem. Non enim rectè fit executio, nisi præcefferit iudicium: estq; omne iudicium inane, quod executione caret. Quemadmodum autem executio manum desiderat militarem, sic iudicium requirit Iurisprudentiam: qua destituta, iurisdictio in tyrannidem degenerat, subditosq; quos Iurisprudentia & consilio regere nescit, ui & crudelitate opprimit, atque ex libertate redigit in seruitutem. Quare non possunt non bene mereri tum de hominibus singulis, tum de Republica uniuersa, qui Iurisprudentia instructi, de causis & controuersijs hominum iudicant, litesq; ex bono & æquo dirimunt, quo pax & concordia cum libertate in populo retineatur. Quanquam Iurisprudentiæ usus non solum in dijudicandis hominum controuersijs cõsistit, sed etiam in cauendo, consulendo, argumentaq; tum ad agendas, tum ad defendendas in foro causas suppeditando. de quo Cicero: In iure (inquit) cauere, cõsilio iuuare, atq; hoc scientiæ genere prodesse quamplurimis, uehementer & ad opes augendas pertinent, & ad gratiam. Itaq; cum multa præclara maiorum, tum quàm optimè constituti iuris ciuilis summo semper in honore fuit cognitio atque interpretatio: quam quidem in possessione sua Principes retinuerunt. Non igitur minima felicitatis pars est, Iurisprudentia hominibus prodesse. Hanc affectantes præsentibus duo Candidati, Amandus Rudenschiede

li. 2. Off. cap.
Quæ autem
opera.

denscheidt Cliuensis, & Henricus Vlnerus Marpur-
gensis, adolescentiã suam totam in Iuris studio con-
sumpserunt, tantosq; in eo progressus fecerunt, ut
ad summum in Iure gradum, quem Doctoratũ ap-
pellãt, adspirauerint, seq; iudicio huius inclytæ Vni-
uersitatis subiecerint, memores l. magistros. 7. C. de
professoribus et medicis: qua cauetur, neminem ad
docendi & profitendi munus prosilire debere, nisi
iudicio ordinis probatus decretum curialium me-
reatur, optimorum consensu conspirante. Quare
professores huius inclytæ Vniuersitatis, post dispu-
tationes publicas, & examina tum priuata tum pu-
blica, hos duos Iuris Candidatos summo Doctora-
tus gradu, suo decreto interposito, dignos iudica-
runt, mihiq; hoc oneris imposuerunt, ut eos publi-
cè in Doctores utriusq; Iuris proclamarem. Verùm
antequam hoc fiat, ne mutas personas in hoc thea-
trum produxisse uidear, specimen erudi-
tionis suæ publicè exhi-
bebunt.

F I N I S.

BASILEAE, EX OFFICINA
OPORINIANA, PER HIERONYMUM
GEMUSAEVUM, ET BALTHASARVUM
HAN, Anno Salutis humanæ M. D.
LXXXVI. mense Fe-
bruarii.









